

INSAIT

Anderson's supamaket long Madang saplimen - pes 13-17

PDM, Nesenel Alaens na MA laik fomim gavman

TRIPLELA bikpela pati husat i stap long oposisen i tokaut olsem ol i redi long kamapim nupela gavman taim palamen i bung long Julai 22.

WENCESLAUS MAGUN na JOE KANEKANE i raitim

Ol pati, em Pipels Demokretik Muvmen, Nesenel Alaens na Melanesian Alaens husat i

wok long holim sampela miting long Mosbi long ol de i go pinis.

Lukluk insait long ol dispela pati, PDM i gat 7-pela memba pinis. Nesenel Alaens i gat olsem 5-pela memba pinis na Melanesian Alaens i gat 5-pela memba. Bungim dispela olgeta, namba bilong ol i kamap olsem 17 memba nau. Na wantaim ol independen lain na ol arapela pati bai namba i go antap.

Long Trinde aste long wanpela belo miting long wanpela haus kaikai insait long Mosbi ol lain husat i go pas long dispela ol politikel pati i wok long toktok long pulim ol sampela moa independen memba long joinim ol long strongim namba bilong wokim gavman.

Ol man i go pas long dispela ol pati em long Sir Michael Somare, lida bilong Nesenel Alaens, Masket langalio, PDM na John Momis Melanesian Alaens.

Man i making PDM long dispela miting. Masket langalio i tok olsem dispela tripela pati i redi tasol long wokim nupela gavman na i no long taim bai ol i kisim ol namba ol i wok long wetim i stap.

"Mipela i gat ol beis namba na klostu nau bai mipela i kisim moa memba long kam joinim mipela," em i tok.

Misat langalio i tok tu olsem planti toktok i wok long go het wantaim ol independen memba long ol i ken joinim dispela grup long wokim gavman.

Sampela ol memba husat i stap long dispela miting em, nupela

....Ted Diro na Sir John Kaputin tu i laik kamap PM



Sir John Kaputin.


memba bilong Kandrian-Glocesta, Peter Arul, nupela memba bilong Kainantu, Baki Reipa, nupela memba bilong Anglimp-saut wagi Kuk Kuli na nupela memba bilong Kagua-Erave, David Basua.

Mista langalio i tok tu olsem dispela grup i laikim olsem gavman i mas gat ol miks memba we, sampela i saveman, ol yangpela politisen na ol olpela politisen.

Em i tok olsem dispela grup i laikim bai dispela gavman i mas i gat kain miks olsem bai kantri i ron gut long wanem bai i gat ol kain kain lain bilong olgeta levul bilong pipel i stap long dispela gavman.

Lukluk long ol dispela lain pati lida, olgeta i bin stap long Oposisen taim Pangu na PPP i stap long gavman sait. Na olgeta dispela lain i bin mausman bilong Oposisen husat i bin toktok hat na tok pait strong tru egensim gavman bilong Pangu na PPP long kisim ol Sandlain praiwet ami bilong ovasis i kam long PNG.

Nau wok bilong painim namba bilong fomim gavman i wok long kamap, wanpela olpela lida tu bilong palamen. Sir John Kaputin na memba bilong Rabaul i laik kamap praim minista tu. Sir John Kaputin i bilip em i gat inap save long kamap



Ted Diro.

praim minista bilong Papua Niugini.

Sir Kaputin em namba tri lida husat i winim yia long palamen olsem Sir Pita Lus na Sir Michael Somare. Wantaim olgeta save long ol wok em i bin mekim ausait long politik na insait long palamen, Sir Kaputin i bilip long em yet na i ting em i ken givim PNG namba wan samting sapos em i kamap Praim minista.

Sampela ol bikpela wok Sir Kaputin i tingting long mekim sapos em i kamap Praim Minista em:

- stretim ekonomik polisi,
- stretim ol pasin nogut na bagarap, na
- stretim poroman wantaim arapela kantri.

Wanpela eria we Sir Kaputin i wari tru long en em long intanesenel rilesen o poroman wantaim arapela kantri. "Bikos PNG i no gat strongpela na gutpela lo bilong larim ol manmeri long narapela kantri i kam insait long kantri, planti lain i save kam insait na mekim ol samting i no stret long ol pipel bilong PNG," Sir Kaputin i tok.

Em i tok tu olsem bikos PNG i no gat strongpela ekonomik polisi, planti ol lain long narapela kantri i kam insait pinis na ronim ol bisnis.

i go long pes 3

Ol win kendidet

HIGHLANDS REGION

Southern Highlands

1. Regional
2. Anderson Agiru (IND)
3. Roy Yaki (PDM)
3. Imbongu
4. Peter Peipul (NA)
4. Kagua Erave
5. David Basua (NA)
5. Komo-Magarima
6. Alfred Kaiabe (PUP)
6. Koroba Lake
- Kopiago
7. Herowa Agiwa (PPP)
7. Mendi
8. Michael Nali (PPP)
8. Nipa-Kutubu
9. Philemon Embel (PPP)
9. Tari
9. Tom Erelene (UP)

Western Highlands

10. Regional
10. Fr Robert Lak (IND)
11. Anglimp-South Wagi
11. Kuk Kuli (IND)
12. Baiyer-Mul
12. Robert Nagle (Pangu)
13. Dei
13. Puri Ruing (CDP)
14. Hagen
14. Paul Pora (NP)
15. Jimi
15. Bevan Tambi (UP)
16. North Wagi
16. Dr Fabian Pok (IND)
17. Tambul-Nebilyer
17. Vincent Auali (PDM)

Enga

18. Regional
18. Peter Ipatas (IND)
19. Kandep
19. Jimson Sauk (PPP)
20. Kompam-Ambum
20. John Pundari (Pangu)
21. Lagaip-Porgera
21. Opis Papo (PRAP)
22. Wabag
22. Takai Kapi (IND)
23. Wapenamanda
23. Masket langalio (IND)

Chimbu

24. Regional
24. Fr Louis Ambane (IND)
25. Chuave
25. Yauwe Riong (PPP)
26. Gumine
26. Aulkuba Wamil (IND)
27. Karimul-Nomane
27. Simeon Phillip Wai

(PNC)

28. Kerowagi
28. John Kamb (PDM)
29. Kundiawa/Gembogle
29. Peter Waieng (PAP)
30. Sinasina-Tongamugl
30. Ludger Mond (PAP)

Eastern Highlands

31. Regional
31. Peti Lafanama (IND)
32. Daulo
32. Ron Ganarafa (IND)
33. Goroka
33. Henry Iyapo Smith (IND)
34. Heganofi
34. Viviso Seravo (PDM)
35. Kainantu
35. Baki Reipa (IND)
36. Lufa
36. Mathias Karani (PPP)
37. Obura-Wonenara
37. Muki Turanupi (CDP)
38. Okapa
38. Castan Maibawa (PPP)
39. Unggai-Bena
39. Damson Lafana (IND)

MOMASE REGION

East Sepik

40. Regional
40. Sir Michael Somare (NA)
41. Ambunti-Drekikir
41. Judah Akesim (Pangu)
42. Angoram
42. Arthur T. Somare (IND)
43. Maprik
43. Sir Pita Lus (Pangu)
44. Wewak
44. Bernard Narakobi (MA)
45. Wosera Gaudi
45. Gallus Yambui (IND)
46. Yangoru-Saussia
46. Gabriel Dusava (IND)

West Sepik

47. Regional
47. Aitape-Lumi
47. Eddy Saweni (IND)
48. Nuku
48. Andrew Kumbako
48. Telefomin
49. Vanimo-Green River
49. Micah Wes (IND)

Madang

50. Regional
50. Jim Kas (IND)
51. Bogia
51. Bernard Mollok (IND)
52. Madang
52. Jacob Wama (IND)
53. Middle Ramu
53. Tommy Tomscoll (IND)
54. Rai Coast
54. Stahl Musa (PAP)
55. Sumkar
55. Matthew Gubag (IND)
56. Usino-Bundi
56. George Wan (PPP)

Morobe

57. Regional
57. Luther Wenge (IND)
58. Bulolo
58. Samson Napo (Pangu)
59. Finschhafen
59. Yaip Avini (PPP)
60. Huon Gulf
60. Tukape Masani (PPP)
61. Kabwum
61. Ginson Sauno (PPP)
62. Lae
62. Bart Philemon (NA)
63. Markham
63. Andrew Baing (PPP)
64. Menyamya
64. Tom Pelika (LNA)
65. Nawae
65. Kennedy Wenge (IND)
66. Tewai-Siassi
66. Mao Zeming (IND)


NEW GUINEA ISLANDS REGION

67. Regional
67. John Momis (MA)
68. Central Bougainville
68. Sam Akoitai (IND)
69. North Bougainville
69. Michael Ogio (PDM)
70. South Bougainville
70. Michael Laimo (MA)

East New Britain

71. Regional
71. Francis Koimanrea (PDM)
72. Gazelle
72. Nakikus Konga (Pangu)
73. Kokopo
73. Sir Rabbie Namaliu (Pangu)

i go long pes 3



MUTRUS

MAJOR SPONSA BILONG RAGBI LEAGUE INSAIT LONG PAPUA NIUGINI

GOVERNMENT WARNING: SMOKING IS DANGEROUS TO HEALTH

**Plis
RIPOT**



HAILENS: Wanpela man i dai long Sauten Hailens taim ol i bin sutim em.

Sauten Hailens Plis Operesen Komanda Gary Baki i tok olsem dispela man i bin dai long wanpela sut aut long Nipa distrik.

Mista Baki i tok ol plisman i wok long go long Mendi na ol i kamap long wanpela rot blok long Puril long Nipa distrik.

Em i tok ol plisman i wok long traim long rausim rot blok na ol sampela lain i stat long sutim ol. Ol plis i bin faia bek na ol i bin kilim wanpela long ol.

PLIS Sief long Isten Hailens Tony Wagambie i tok lukaut long ol kendidet i lus wantaim ol sapota bilong ol long noken bagarapim ol man.

Em i tok olsem ol pipel i toktok pinis na ol i makim ol mañ ol i laikim. Ol man i lus i mas rispektim dispela.

Mista Wagambie i tok em bai kisim ol man husat i wok long bagarapim ol man na ol samting bilong narapela.

AILENS: PLIS long Kavieng i sasim gavana bilong Niu Ailen provins Wilson Peni. Gavana Peni i bin sanap long kot bikos em i bin brukim ol kiefiu lo.

Plis tu i wok long painim Ben Micah wantaim bodi gad bilong em. Ol i tok olsem tupela i bin statim wanpela pait na ol plis i wok long painim ol long kwestenim ol. Ol plis ting olsem tupela i mas stap nau long Mosbi.

LONG Rabaul ol plis i wok long lukluk long sampela tok olsem sampela lain i laik kilim Gasel MP na Comas na Industri ministra Nakikus Konga.

Plis i tok olsem ol i wok long kisim yet ripot na ol bai klostu sasim sampela lain.

NUPELA memba bilong Kandrian/Glosta Peter Arul i stap long trabel wantaim ol plis long Kimbe bikos ol i bin painim ol gan i nogat laisens long haus bilong em.

Provinsel Plis Komanda Gion Kawat i tok olsem ol i wok long painim em long kisim em i go long kot. Plis i bin sekim haus bilong em na ol i bin painim tupela sotgan.

MADANG: PLIS long Madang i wok long painimaut sampela toktok olsem ol sapota bilong ol kendidet i lus i wok long bagarapim ol samting.

Provinsel Plis Komanda Theodore Muriki i tok olsem em bin kisim sampela ripot olsem ol sapota i wok long kisim ol ka na bot bilong ol arapela man long Bogia distrik.

Tripela Hailans Gavana laik sekim gut Sandlain Kontrak

TRIPLELA nupela Gavana bilong ol hailans provins i tok bai ol i sekim na kirapim yet toktok bilong Sandlain Kontrak. Ol i laik mekim dispela long painimaut tru asua bilong dispela kontrak na husat i asua long dispela.

Pater Robert Lak bilong Westen Hailans, Pater Louis Ambane bilong Simbu na Peti Lafanama bilong Isten Hailans provins.

Pater Lak i tokaut olsem ol i toktok pinis wantaim ol loya bilong ol long lukluk moa i go insait long dispela Sandlain Kontrak na wanem kain rot em nesenel gavman i mekim long kisim ol i kam long kantri.

Pater Lak i tok ol i mas digim gut tru dispela kontrak na sekim wok na hevi bilong em.

Pater Robert Lak em nupela Gavana bilong Westen Hailans provins husat i autim tiket bilong olpela Gavana Paias Wingti.

Nupela Gavana bilong Simbu provins tu Pater Louis Ambane i tokaut olsem ol long bilong em wantaim Pater Lak.

Long Isten Hailans provins, nupela Gavana Peti Lafanama i mekim wankain toktok na soim sapot bilong em long tupela Gavana ya long mekim dispela samting.

Mista Lafanama em Jenerel Seketeri bilong Melanesian Solidariti (MeiSol), NGO grup

husat i bin straik egensim nesenel gavman long kisim ol Sandlain praivet ami i kam long PNG.

Olsem na Mista Lafanama i tok dispela kot o toktok bilong Sandlain i no inap long pinis nating. Ol i mas sekim gut tru olgeta wok na kona bilong em long sekim na panimaut long wanem kain rot na pasin dispela kontrak i kamap. Na husat tru i stap insait o go pas long dispela kontrak.

Peti Lafanama i bin autim na senisim Gavana bilong Isten hailans provins, Aita Ivarato.

Lapun bilong Wewak husat i winim ileksen na kam bek gen, Bernard Narokobi i tromoi strongpela lukaut i go long

olpela gavman na ol lida bilong em long i no ken traim long bagarapim olpela ami bilong ami, Jerry Singirok, Peti Lafanama na Meja Walter Enuma.

Mista Narokobi i tok dispela gavman i noken tingim yet hevi i bin kamap long gavman long taim ol ami i bin straik egensim Sandlain kontrak gavman i kamapim.

Em i tok Peti Lafanama em lida bilong ol pipel husat i makim em long palamen. Na em i gat pawa nau long makim gavman bilong dispela kantri. Olsem na dispela hevi bilong Sandlain i no ken bagarapim wok bilong em wantaim ol pipel bilong em.

Lukautim gut ol turangu manmeri- Bod

Nesenel Bod bilong disabal insait long kantri i singaut long ol pipol long lukautim gut ol disabol manmeri insait long sosaiti.

DICK Dispela singaut i bin kam taim bod i harim

olsem sampela man i paitim wanpela aipas man long Goroka.

Nesenel Bodi bilong disabol i no bin hama-mas long dispela kain pasin na tok ol dispela man husat i bagarapim dispela aipas man em ol lain nogat sore na tingting long laip bilong narapela man. Man i disabol o nogat, ol man mas tingting olsem ol gutpela lekhan man.

Nensenel boi i tok long ol manmeri long PNG olsem disabol man i gat rait olsem ol narapela manmeri long kantri. Dispela rait em olsem long skul, rait long wok-bung long ekonomy, sosol na politik.

Siaman bilong nesenel disabol bod, Mista Geroge Arua singaut i go long gavman na privet sekta long luksave olsem disabol man i gat wankain sans long wok long pasin bilong ol na i no long disabiliti bilong ol.

Mista Aru tok olsem ol disabol i fri long raun long publik rot, solwara na antap long balus na nogat man bai pasim ol long dispela.

Papua Niugini Nesenel Bod bilong disabol i singaut i go long ol politisen long soim gutpela pasin na lukautim ol disabol gut.

Narokobi tok gavman bai lukautim gut Chan na Wingti

MEMBA bilong Wewak Bernard Narokobi husat i winim bek sia bilong em i askim Sentrel Beng bilong Papua Niugini long i no ken baim K18 milion i go long Sandlain praivet ami grup bilong ovasis.

Mista Narokobi i mekim dispela toktok long bekim sampela toktok i kamap pinis olsem gavman i laik baim na pinisim hap pemen bilong dispela lain ami bipo long nupela gavman i kamap na kisim ples long dispela mun.

Mista Narokobi i tok dispela gavman we Sir Julius Chan i go pas yet i nogat pawa nau long mekim wanpela disisen long kantri. Bikos ol i olsem was gavman tasol long wetim trupela gavman bai kamap na kisim ples bihain long olgeta wok bilong ileksen i pinis.

Em i tok tu olsem dispela kontrak bilong baim Sandlain ami i kam long PNG i no disisen bilong kabinet olsem na lo i no oraitim dispela hap mani K18 milion long go aut.

Dispela K18 milion em namba tu pemen bilong pinisim olgeta pemen bilong Sandlain ami we ol i bin kisim olsem K30 milion long namba wan pemen pinis.

Mista Narokobi i askim Sir Julius Chan na tu Paias Wingti long sindaun isi nau na i no ken pusim nus bilong tupela i kam insait long wok politikis bilong Papua Niugini moa. Bikos tupela i lus pinis long ileksen. Tupela lida ya wantaim i bin olpela praim ministra bilong Papua Niugini.

Membra bilong Wewak i tok nupela gavman bai lukautim gut tupela olpela praim ministra ya. Bai ol i givim gut pe, ka, opis na arapela helpim bilong tupela. Tasol tupela i mas sindaun isi na i no ken traim long putim tupela i go insait long wanpela wok bilong politikis long kantri. Bikos tupela i no moa memba bilong palamen.

Mista Narokobi i sut long ol pasin olsem, tupela i no ken traim long toktok wantaim arapela Minista long pusim ol disisen we i sut long wok bisnis bilong tupela, tupela i no ken tok-tok tu na pusim ol bos bilong wanwan dipatmen long wok bilong tupela na tu tupela i no ken traim long pusim ol bosman bilong ol opis long stretim ol pepa long kisim ol wantok na pren long ovasis i kam. Na tu ol bikpela wok kontrak long kantri,


tupela olpela praim ministra ya i no ken traim long pusim interes bilong tupela i go insait.

Mista Narokobi i tok bai nupela gavman i lukautim gut tupela olpela praim ministra ya. Em yet bai sapot tu long tupela i mas kisim gutpela helpim na lukaut bilong gavman bikoš tupela i bin mekim ol bikpela wok na planti gutpela samting long kirapim dispela kantri.

Mista Narokobi husat em wanpela olpela na longtaim memba bilong palamen insait long Melanesian Alaens pati i askim tu gavana bilong Sentrel Beng Koiari Tarata long stapim ol bikpela ovasis kampani husat i laik rausim ol bikpela namba bilong mani i go long ovasis. Dispela em bikos Sir Julius Chan na Paias Wingti i lus long ileksen.

Mista Narokobi i askim Mista Tarata long givim ol bikpela mekimsave aninit long lo bilong lukautim mani insait long kantri.

Mista Narokobi i mekim dispela toktok bikos em i harim olsem sampela bikpela kampani i laik rausim mani bilong ol i go bek long kantri bilong ol.



• Nau memba bilong Yangoru-Saussia Gabriel Dusava i givim ekul toktok long ol minista na lida taim em stap publik sevans yet.

WANTOK

All departments, Phone: 325 2500 - Fax: 325 2579
P.O. Box 1982, Boroko, NCD, Papua New Guinea

Published Weekly, Thursday, for
Word Publishing Company Pty. Ltd.

Printed and published by Anna Solomon of Bittern Place, Gordons, at Allotment 2, Section 209, Spring Garden Road, Hohola for Word Publishing Co. Pty Ltd.

Acting General Manager and Group Editor in Chief, Anna Solomon

Papers distributed by air throughout PNG

Advertising Manager, James DeLisle

Available by airmail subscription within Papua New Guinea and overseas.

Editor of Wantok, Leo Wafiwa


Advertising Deadlines: Display Bookings and Camera ready copy: Tuesday, midday. Classified Advertising: Wednesday 2pm.

Word Publishing Company Pty Ltd is owned by the four major churches of Papua New Guinea: Catholic 55%, Lutheran 25%, Anglican 10% and United 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms of acceptance are available at Word Publishing Company Pty. Ltd., and are set out in full on the reverse side of its official Display Advertising Booking Form.

Solwara i birua long ol Bogenvil pipel



CATHOLIC COMMISSION FOR JUSTICE, PEACE & DEVELOPMENT P.O. BOX 6576 BOROKO, N.C.D PAPUA NEW GUINEA.



1997 ILEKSEN AWENES

1. Dispela yia 1997 em bikpela yia tru bilong yumi olgeta long tingim kantri bilong yumi na bihain taim bilong em. Yumi inap nau long askim ol ovasis ejensi long helpim mipela wantaim mani bilong mekim baset bilong mipela. Wanem taim bai yumi stretim na daunim kos bilong ol samting long kantri?.
2. PNG i mas gat kristen lida. Yumi mas i gat saveman, man bilong yusim het, man bilong was na i no gridiman long go pas long dispela gutpela kantri bilong yumi.
3. Yumi no ken votim man husat i save givim fri bia, mani, kaikai na karim yumi raun long naispela ka bilong ol long taim bilong ileksen kempen. Kain man olsem i no gutpela lida na i o inap kamap gutpela lida bilong kantri.
4. Yumi mas vot long man o meri yumi gat bilip long em bikos em bai holim sindaun bilong yumi wanwan, famili, komyuniti na kantri gut long bihain.
5. Sapos yumi makim ol lida husat i no gutpela i go long palamen, ol bai tingim ol yet long bisnis na amamas bilong ol yet, na sindaun bilong yumi long bihain bai bagarap.

SAMTING olsem 35 famili bilong Carterets Ailan grup long Bogenvil i lusim pinis ples bilong ol na sindaun nau long Hanahan eria bilong Buka. Grup i gat 107 man, meri na pikinini long en na ol i bilong Yangain Ailan.

VERONICA HATUASI i raitim
Dispela i bihainim hevi i kamap long faivpela ailan long Carterets grup we bikpela win, Saiklon Justin i bagarapim ples na ol gaden kaikai bilong ol.

Long las yia tu, bikpela solwara i go insait long ol ailan na bagarapim sampela haus na ol gaden kaikai.

Taim dispela samting i kamap, solwara i bagarapim ol banana, taro na ol arapela gaden kaikai na ol pipel i kisim taim tru na kaikai i sot.

Long stat bilong las yia (1996) wankain hevi i kamap na Bogenvil Trensisenel Gavman wantaim helpim bilong Nesenel Disasta na Imesensi Sevis (NDES) i

helpim ol Carterets pipel wataim kaikai, wara na kenwas.

I gat samting olsem 1, 310 pipel long Carterets grup. Nem bilong faivpela ailan em Han, Yangain, lesela, losala na Piul ailan. Han Ailan i bikpela long foapela na i gat moa long 400 pipel long en.

Stat long 1960, ol ailan i bungim hevi long solwara i karim graun long ol ailan bilong ol. Hevi i go bikpela na nau solwara i wok long go insait long ailan na bagarapim ol gaden kaikai. Taim biksolwara i kamap, em i go insait long ailan na ol ples na sol i kukim ol diwai na gaden kaikai na ol i dai.

Taim Not Solomon provinsal gavman i stap, ol i sanapim banis (gavin basket) long stapim solwara i go insait long ol ailan. Tasol dispela i no helpim.

Wanpela Non Gavman grup i bin kirapim prosek long planim ol mangro diwai bihainim nambis long banisim solwara i karim graun na tu go insait long ailan.

Bipo long Bogenvil hevi i kamap provinsal gavman i bin baim wanpela hap graun long Kuberia klostu long Mabiri long Sentrel Bogenvil na sampela Carterets pipel i go sindaun long en. Long 1990 taim hevi i go bikpela, ol i lusim Kuberia na go bek gen long ailan bilong ol.

Manesa bilong Atols Distrik Sevis long Buka, Pura Kamariki i tok Atols Distrik Sevis na NDES i wok long lukautim 35 famili wantaim kaikai na haus sel.

Ol pipel i stap long wanpela kea senta long Hanahan Katolik Misin stesen. Planti long ol dispela pipel i go stap wantaim ol hauslain bilong ol long ples bikos Hanahan em asples tru bilong ol Carterets pipel.

Namba wan grup ei bin go long Hanahan long mun Mas dispela yia bihain Saiklon Justin i bagarapim gaden kaikai bilong ol.

Mista Kamariki i tok bos bilong Distrik Sevis divisen i wok long toktok wantaim ol

bikman long BTG bilong painim rot long helpim ol pipel bilong Carterets.

Em i tok bikpela plen bilong divisen em long sindaunim na surukim ol pipel bilong Carterets i go long Buka na bikailan Bogenvil na lusim olgeta faivpela ailan.

Em i tok hevi i save go nogut tru klostu long pinis bilong yia taim biksolwara i save kamap. Solwara i save go insait long ples.

Em i tok dispela hevi i wok long kamap long ol arapela liklik ailan long Bogenvil olsem Mortlock, Tasman, Nuguria na Nissan. Em tok hevi i no kamap bikpela yet long ol dispela ailan bikos ol i stap klostu long wanpela arapela na taim biksolwara i kamap i gat hap long stapim.

Tasol long Carterets hevi i go bikpela bikos ol ailan i stap longwe long wanpela arapela na i nogat pleslong solwara bilong bruk long en na abrusim i go insait long ples long wanem ol ailan i stap long open solwara.

Bogenvil pipel bung long stretim hevi

LIDA bilong Bogenvil Revoluseneri Ami Francis Ona i laikim tripela bikman bilong Bogenvil i stap long bung bilong ol Bogenvil lida long Nu Silan.

Ol ripot i kam long Bogenvil i tok sapos tripela man ya, Alexis Sarei, Leo Hannet na John Momis i stap long bung Mista Ona bai i go tu long Nu Silan.

Mista Sarei em olupela na namba wan primia bilong Bogenvil taim provinsi kamap olsem namba wan (provins) long kantri bilong kisim provinsal gavman long 1976.

Long dispela taim, Bogenvil i bin laik bruk lusim PNG long namba wan taim i kam inap nau. Ripot i tok Ona i laikim dispela tripela man long kam na ol bai sindaun wantaim em na toktok.

(1976) planti pipel long bikples Bogenvil i bin sapotim tru independens bilong Bogenvil tasol gavman bilong Michael Somare i paitim toktok wantaim ol bikman na lida bilong ailan na gutpela bel isi kamap. Em ol lida olsem Mista Hannet, Momis, Sarei na ol arapela lida moa bilong provins i wanbel long kirapim namba wan provinsal gavman long kantri.

Ona i laikim dispela tripela man long stap long Nu Silan bung bikos ol i gat gutpela save long ol samting we i karamapim laik bilong ol Bogenvil pipel long bruk lusim PNG long namba wan taim i kam inap nau.

Ripot i tok Ona i laikim dispela tripela man long kam na ol bai sindaun wantaim em na toktok. Mista Sarei i marit long meri Amerika na

nau em i stap long Los Angeles wantaim famili bilong em. Em i bin go long hap bihain long em i lusim wok olsem primia bilong Bogenvil taim hevi i no kamap yet long ailan.

Mista Hannett i bin wok long Bogenvil na nesenel gavman olsem plena na edvaisa. Em i bin dairekta bilong bisnis han bilong provinsal gavman, Bogenvil Developmen Kopoosen inap long hevi i kamap long provins. Long 1990, em na famili bilong em i lusim Bogenvil na go long Mosbi we ol i stap i kam inap nau. Mista Hannett i bin resis long Not Bogenvil Open sia long dispela nesenel ileksen tasol em i no win. Em i kisim namba tri ples na siting memba, Michael Ogjo i winim bek sia.

Ol lain bilong Bogenvil Trensisenel Gavman i toktok pinis wantaim Mista Sarei na em i laik kam long bung sapos Nu Silan gavman inap stretim rot bilong em.

Ripot i tok i luk olsem Mista Hannett bai i go long Nu Silan wantaim Mista Momis long sampela taim long dispela wik. Nau tupela man i stap long Bogenvil.

Ripot i tok sapos Ona i wanbel long go long bung, Nu Silan gavman bai i salim helikopta long kisim em long Panguna.

Ripot i tok tu olsem sampela bikhet manki i bin sut i go long Hevilift helikopta we i laik kisim ol BRA/BIG lida long Panguna las Fraide.

Olpela Hai Komisari bilong Nu Silan long PNG, John Hayes i bin long dispela helikopta.

Helikopta ya i bin tokov long Panguna bihain long em i kisim tupela bikman long hap. Tupela lida i stap long BIG kaunsil we Ona i go pas long en. Nem bilong ol em Michael Aite husat i bijn memba bilong Eivo/ loro long olupela provinsal gavman asem-bli na Boniface Ituama, wanpela bikman husat i gat luksave long ol pipel bilong Panguna.

Ol i luksave long ol manki we i sut long helikopta na Ona i tok ol bai i toktok long ol na givim mekim save long ol.

Bung long Nu Silan i stat pinis long Burnham ami kem. Ol lidaman na bikman i makim olgeta hap bilong Bogenvil i stap long en. I gat ol meri, sios na BTG lain tu i stap na Primia Sinato i go pas long dispela grup taim Joseph Kabui i go pas long BRA/BIG grup.

Ripot i tok i nogat asenda long dispela bung tasol kamapim bel isi pasin na sekan namel long ol Bogenvil pipel yet na gutpela sindaun em tupela bikpela samting we ol i lukluk long en.

Bung i bin stat long Mande we olgeta wankain i bung na sindaun toktok long mekim pren wantaim wanpela arapela. Nogat PNG gavman lida i stap long grup bikos ol i laik givim sans long ol Bogenvil pipel yet long bung na toktok namel long ol yet na painim rot bilong stretim dispela hevi long ples bilong ol.

Long Bogenvil yet, olgeta samting i stap isi tasol. Nogat meknais i kamap long tripela wik nau bihain long Ona i givim toktok long ol lain bilong em long noken wokim nabaut taim nesenel ileksen i bin go het long provins.

Nu Silan lukautim Bogenvil bung

SAMTING olsem 45 Bogenvil lida i stap nau insait long wanpela bung long Burnham, Nu Silan bilong toktok long painim sampela gutpela rot long pinisim hevi long ailan bilong ol. Dispela namba i no

Nu Silan gavman i stretim wokabaut, ples bilong slip long en, kaikai bilong olgeta dispela lain ya na tu stretim ples bilong holim bung long en. Insait long dispela grup 25 bilong ol lain i stap insait long grup we Bogenvil Primia Gerard Sinato i go pas long en. Long dispela grup i gat ol siefs husat i kam long olgeta hap bilong Bogenvil. I gat tu ol lain we i makim ol meri, sios na kornyuniti grup.

Long sait bilong Bogenvil Revoluseneri Ami na Bogenvil Interim Gavman, olupela Bogenvil primia na nau em i wanpela bikman long BIG, Joseph Kabui i go pas long ol. Bikbos bilong ol BRA Francis Ona i no go wantaim ol lain bilong em, maski helikopta we Nu Silan gavman i bin salim i go tupela taim long Panguna long kisim em.

Long ol ripot i kam long Bogenvil, sait bilong BRA/BIG inap long salim 25 pipel tasol long sampela kain as, 15 tasol i bin kalap long helikopta.

Bikpela samting we ol i laikim i kamap bihainim bung em long go hetim kwiktam wanem samting ol i toktok long en long dispela bung.

"Nau em i no taim bilong kros pait. Em i taim bilong go fowet. Bung i mas kam bek wantaim taimtebol we tupela sait i ken glasim, skelim na wok long en. Dispela em bikos long ol arapela bung we ol Bogenvil lida i holim pastaim, ol i no bihainim ol samting we ol i toktok long ol na ol bung i no karim kaikai", ripot i tok.



BIABIA SILIP NA DRIMAN...
NAU OL I KAUINIM VOT LONG HUSAT BAI KAMAP NUPELA PRAIM MINISTA!

BIABIA I WIN LONG BIKPELA MAJIN TRU! NAMBA BILONG BIABIA IGO MOA YET!

BIABIA EM NUPELA PRAIM MINISTA!
DALING MI NUPELA PRAIM MINISTA!

POP!
IN YOR DRING GO BEK SILIP!

Sir John Kaputin laikim sia bilong Praim Minista

...bikos em i gat plen long PNG

BILONG wanem na Sir John Kaputin i laikim sia bilong Praim Minista?

WENCESLAUS
MAGUN
i raitim

A ting
planti
pipel
bilong
Papua

Niugini i laikim wanpela gutpela lida i mas kamap Praim Minista long kisim PNG i go long yia 2000. Planti pipel bilong PNG i votim ol lida ol ting i gat gutpela pasin. Ol pipel i brukim skru na beten bai God i helpim ol long votim ol gutpela lida. Na ol pipel i laik lukim ol dispela lida i soim tru gutpela pasin bilong ol insait long nesenel palimen.

I kam inap tude, PNG na wol i wet long harim husat tru bai kamap Praim Minista bilong PNG. Ol lida husat i autim pinis tingting bilong ol long kisim dispela wok em long lida bilong Pipels Nesenel Kongres (PNC) Bill Skate, lida bilong Pangu Christopher Haiveta, lida bilong Pipels Eksen Pati (PAP) Ted Diro, na lida bilong Nesenel Alaiens Sir Michael Somare. Tasol no gat planti man i ting i gat narapela man i gat inap save long kisim wok bilong Praim Minista.

Sir John Kaputin em nambi tri lida husat i stap long palamen longpela taim tru. Ol narapela lida husat i winim taim long palamen em long Sir Peter Lus, na Sir Michael Somare. Em i holim tu namba olsem narapela Presiden bilong Africa, Caribbean, Pasifik, na European Union (ACPEU). Na Sir Kaputin i no bin lus wanpela taim long sia bilong en long Rabaul Open bikos ol pipel bilong em i gat bilip long em.

Sir Kaputin em wanem kain man? Miks Baai na Matupit mama i karim em long ples bilong papa bilong en long Matupit. Sir Kaputin i maritim wanpela wait meri, Dokta Kristina Mattes wanpela tisa husat i save tism ol sumatin long kainkain tokples long ol Yunivesiti long



• Sir John Kaputin.

Germany na Singapore. Meri bilong en i raitim tu wanpela buk ol i kolim, "PAPUA NEW GUINEA". Long ol pikinini bilong en, John em i wok olsem wanpela komputa enjinia long London, pikinini Rellie i wok long benk long Perth, Australia, Darren i wok olsem wanpela konstraksen supavaisa long Alotau, Milne Be provins na las pikinini Talia i stap long New South Wales. Sir Kaputin i gat sev- enpela pikinini tumbuna.

Long taim bilong Sir Kaputin i no gat planti pikinini

PNG i go skul long Australia o Amerika o long ol narapela kantri. Na namel long ol liklik lain i go skul long narapela kantri, em Sir Kaputin yet. Bihain long em i skul long Matupit long 1953, em i go skul long Nganalaka Central Boys skul long 1954 bipo long em i go long Kerevat hai skul long 1955. Long 1956 inap 1959 em i go skul long Rockhampton Boys Grammar skul. Orait long 1963 i go long 1968 em i go skul long Administrativ koles long Mosbi. Long 1966 inap

1968 em i go skul long Hawaii na long 1969 em i kam bek na pinisim skul long Yunivesiti bilong PNG.

Sampela samting Sir Kaputin i bin mekim bipo long em i go long palamen. Olsem wanpela man bilong pilai, em i kamap namba wan bilak man long pilai rakbi insait long Inter-Territory Championship we em i makim Papua long 1960, 1961 na 1963. Long 1962 Sir Kaputin i makim PNG olsem namba wan PNG pilaia long pilai long Commonwealth long Perth, Australia.

Long sait bilong wok, ol i makim em olsem menesa bilong Firms of New Guinea long Mosbi long 1960. Tingim, em i kamap namba wan PNG man long kisim kain wok na i holim dispela wok inap long tupela yia. Long 1969 ol i makim em olsem menesa bilong Gazelle League of Savings and Loans Society long Rabaul. Namel long 1969 na 1972 em i wok wantaim Mataungan Asosiesen we ol i no save baim em. Taim em i wok wantaim Mataungan, em i bin makim ol long planti ol bikpela toktok wantaim gavman long Mosbi na i go pas long wanpela deligesen long kisim tingting na wari bilong ol i go long lida bilong Federal Oposisen na Minista bilong External Territories long Australia. Em i makim ol tu insait long World Council of Churches konferens long Stuttgart, Germany long 1971.

Sir Namaliu i go pas long kamapim Niugini Developmen Korporesen namel long 1969 na 1970. Dispela ogenaiesen i mekim planti samting long makim ol Tolai na helpim PNG.

Ol pipel bilong Rabaul Open i luksave long dispela na i makim em i go long House of Assembly long 1972. Sir Kaputin i bin go long palimen wantaim Oscar Tammur na Damien Kerek. Sir Kaputin i mekim bikpela wok tru tu long paitim toktok

ken na pasim toktok long kamapim ol papa bilong Panguna main. Long hatwok em i mekim PNG i bin kisim samting olsem 20 pe sen ekwiti mani long 1974.

Long 1974 inap 1975 Sir Kaputin i bin stap olsem wanpela memba bilong Constitutional Planning Committee. Na namel long ol 14 memba bilong dispela komiti em bin stap olsem wanpela memba husat i helpim long raitim mama lo bilong Papua Niugini. Wanpela bikpela wok Sir Kaputin i mekim long laip bilong em tu em long kamapim Provinsel Gavman Sistem.

Long 1975 i go long 1977 em i bin holim wok olsem deputi Spika bilong House of Assembly. Long 1978 inap 1980, em i holim wok olsem Minista bilong Nesenel Plening na Developmen. Na long 1980 i go long 1982 em i holim wok olsem Minista bilong Fainens. Long 1985 inap 1988 em i holim wok olsem Minista bilong Minerels na Eneji. Long 1992 inap 1994 em i holim wok olsem Minista bilong Foren Afes. Insait long sotpela taim insait long 1994 taim em i bin holim wok olsem Minista bilong Mining and Petroleum, em i bing sapotim ol pipel bilong Lihir long kisim ekwiti mani long Lihir main. Na long dispela taim, pasin em i mekim i no go daun gut long bel na tingting bilong namba tu Praim Minista. Taim hevi bilong Bogenvil i stat long 1988, Sir Kaputin i bin go pas long bipartisan komiti olsem Siaman bilong ol.

Narapela bikpela wok Sir Kaputin i kisim em long Septemba 1995 ol memba bilong Africa, Caribbean na Pasifik (ACP), i makim em olsem Presiden bilong ACP long makim ol olsem narapela presiden husat bai wok bung wantaim Presiden bilong European Union (EU), Lord Plumb, insait long ACPEU asembli. Na opis bilong ACOEU i stap long Brussels, Belgium. I gat 71 kantri insait long Africa, Caribbean, na Pasifik na narapela 15 kantri long Europe husat i memba long ACPEU asembli. Dispela asembli i save kibung tupela taim long wanpela yia long glasim ol hevi long olgeta ol memba kantri na skelim tingting na pasim tok bilong helpim wanem kantri i gat wari. Olsem wanpela Palimen, ACPEU i save glasim ol hevi na wok bilong sosesel, politikal, na ekonomik samting aninit long lo bilong Lome Convention.

Sir Kaputin i winim bek sia bilong en long Rabaul Open na long dispela taim em i no laik stap moa olsem kako boi bilong ol narapela lida. Em i ting em i gat inap save long wok politik na nau em i taim em i mas sanap olsem Praim Minista bilong PNG.

ILEKSEN '97

TOKSAVE

BOS bilong Ilekse 97, Reuben Kaiulo i tok bai em i kotim Fainans Dipatmen bikos ol i holim yet mani bilong baim ol wok bilong ileksen.

Mista Kaiulo i tokaut tude long Mosbi olsem Fainans Dipatmen i holim yet K3milien mani bilong ileksen.

Mista Kaiulo i tok Ilektoral Komisnin i nidim K5 milien long stretim olgeta dinau long pinis bilong dispela mun.

Em i tok Seketeri bilong Dipatmen bilong Praim Minista, Noel Levi i bin holim wanpela miting long Mosbi las wik Fraide, Julai 4, long stretim tok tasol dispela miting i no bin kamap.

Mista Kaiulo i tok ol i wet inap 45 minit na seketeri bilong Fainans, Isaac Lupari i no bin kamap olsem na i no gat miting. Em i tok taim opis bilong Mista Levi i ringim Mista Lupari, em i no bin stap long bekim toktok.

Mista Kaiulo yet i bin ringim Mista Lupari tasol Mista Lupari i no bin stap na em i no ring bek.

Mista Kaiulo i tok em i wanpela man i holim wok aninit long konsitusen na lo i tok em i ken kotim Fainans Dipatmen long givim dispela mani long em.

Mista Kaiulo i bin askim long kisim K30 milien long mekim wok bilong Ilekse 97 tasol gavman i bin givim em K20 milien tasol.

Em i tok gavman i bin rausim gem K1 milien long baim wok bilong Sandline Komisnin ov Enkwairi. Na Fainans Dipatmen i holim bek K2 milien.

Dispela i larim Ilektoral Komisnin i kisim tasol K14 milien bikos olgeta yia taim i no gat ileksen, gavman i save givim K3 milien i go long Ilektoral Komisnin long mekim ol wok bilong en.

Mista Kaiulo i givim K1 milien long Defens Fos long helpim wok bilong Ilekse 97. Na Ilektoral Komisnin i bin gat K13 milien tasol long mekim olgeta wok bilong Ilekse 97. Ol i yusim dispela K13 milien long printim ol vot pepa, wok Ilekse long olgeta 109 ilektoret na baim helikopta, balus, ka nasip na baim tu ol manmeri husat i mekim wok bilong Ilekse.

Mista Kaiulo i tok Ilektoral Komisnin i nidim narapela K3 milien em Fainans Dipatmen i holim yet na narapela K5 milien moa long stretim olgeta dinau bilong baim ol wokman, printim moa vot pepa, baim helikopta, balus, ka na sip.

Em i tok em i laik lukim Ilektoral Komisnin i stretim olgeta dispela dinau nau na maski long karim dinau i go long neks yia.

VOT I GAT
PAWA




• John Kaputin i brukim tabu sel long givimlong ol pipel. Susa bilong em laguni i sanap long baksait.

TU MINIT TINGTING

Nem bilong yu i gat wanem mining?

DL I stori long wanem e la tumatin bilong tisa koles i go long wanpela liklik koles bilong prektisim wok tisa bilong em. Bihain long upela wik em inap sigautim ol wan wan sumatin long nem bilong ol stret. Ol i amamas long dispela. Bihain long upela mun tisa ya i go bek long tisa koles bilong pinisim stadi bilong em.



FRANK MIHALIC i raitim

Orait, nau bihain long tupela yia, em i visitim gen dispela skul bilong ples. Olgeta skul manki i ron i go long em. Ol i laik save, em inap kolim nem bilong wan wan yet o no gat. Tisa ya i lukim pes bilong wan wan na, tru tumas, em i autim stret nem bilong ol. Tasol tisa ya i no inap tingim nem bilong wanpela liklik boi. Nau boi ya i sem na i stat long kra i ranawe.

Na yu ting em i ranawe bilong wanem? Bikos nem bilong yumi wan wan em i wanpela spesel samting. Lukim! Olgeta man na meri na pikinini - ol dok tu na pusi na hos na kau i gat nem. Yumi bin kisim nem long namba wan de bilong laip bilong yumi. Ating namba wan samting yumi bin autim long maus bilong yumi, em nem bilong yumi yet. Ol pipel i bin singautim yumi long nem bilong yumi. I no gat wanpela man inap long tekewe nem bilong yumi. Em i wankain olsem skin bilong yumi: bai em i poromanim yumi inap long yumi dai. Na bihain yumi dai pinis, ol manmeri bai tingim nem bilong yumi. I luk olsem, nem i no save dai.

Long olgeta de yumi save yusim nem bilong yumi. Ol pipel i singautim yumi long nem bilong yumi. Yumi save sainim nem long kain kain pepa o sekbuk. Yumi sainim nem long pepa bilong givim pawa long en.

Sapos wanpela manmeri i bagarapim gutnem bilong yumi, yumi yet i bagarap. Sapos yumi gat bikpela namba, ol manmeri i save tok long yumi gat biknem. Ating yumi gat nem bilong wokim wanpela kain spesel bikpela wok. Sampela taim yumi save yusim biknem bilong yumi.

Long PNG yumi gat pasin bilong senisim nem bilong yumi wantu. Sampela long yumi i gat 7-pela nem: wanpela long ples, wanpela long gavman, wanpela bilong baptais, na wanpela long ples we yumi save wok. Olabo! Long planti kantri yu no inap senisim nem bilong yu kwiktaim. Nogat. Wanpela mejistret i mas senisim insait long kot.

Long Nupela Testamen Jisas i bin givim nupela nem long sampela disaipel i bin kamap na i laik joinim lain bilong em. Saimon Pita em i wanpela eksampel. Luk i tok long sapta 6, lain 12 olsem: "Wanpela em i Saimon, na Jisas i givim nem Pita long em."

Long Olpela Testamen i gat dispela kain stori tu, we God i senisim nem Abram i kamap Abraham. Na em i senisim nem Jakob i kamap Israel. Lukim Aisaia 43:4 na Jenesis 32:28. Long taim Jisas i bungim Maria Magdalene long Ista Sande moning, em i bin kolim nem bilong em Maria, na wantu em i luksave long em (Jon 20:13).

Sapos yu no bilip ol nem i gat pawa, orait, yu ridim tasol dispela hap tok i kam long Aposel 4:12 "Long nem bilong Jisas wanpela tasol yumi olgeta manmeri bilong graun inap i stap gut."

Jisas yet i tok olsem: "Olgeta samting yupela i askim long nem bilong mi, em bai mi mekim." (Jon 14:14) Bilong dispela na ol Katolik na Engliken na Luteran i save pinisim ol beten long lotu wantaim dispela las tok, "Mipela i askim yu ol dispela samting long nem bilong Jisas."

Long wanpela de bai nem bilong yumi i stap antap long ston matmat bilong yumi. Tasol dispela i no pinisim nem bilong yumi. Nogat. Jisas yet i bin tok promis olsem long Luk 10:20 "Yupela i mas amamas long God i raitim pinis nem bilong yupela long buk bilong em long heven." Em nau!

CCJPD holim nesenel anual konferens long Madang

Bihain long olgeta wan wan yia, Katolik Komisen bilong Jastis Pis na Developmen (CCJPD), i save holim konferens we ol i save glasim ol wok bilong ol na painim rot bilong stretim. Long dispela yia, ol bai holim dispela kibung long Madang. Konferens bai kamap long Julai 9-15. Ol wokman bilong CCJPD long het opis long Mosbi na long olgeta daiosis insait long Papua Niugini bai kamap long dispela bung. I gat tupela arapela wokman bilong CCJPD long Solomon Ailans, Ogier Kiko na James Ereai husat bai joinim tu ol wanwok bilong ol long PNG. Bisop bilong Bereina daiosis na Deputi Siaman bilong CCJPD, Bisop Lucas Matlatarea bai opim dispela kibung wantaim Santu Misa.

WENCESLAUS MAGUN i raitim

Ol arapela bikman husat bai stap insait long dispela kibung na givim skul em long ol mausman na meri bilong Caritas, Peter Zwart bilong Niu Silan na Collen Malone wantaim Julie Morgan bilong Australia. Caritas em wanpela non-gavman ogenaísesen husat i save helpim CCJPD long mani na planti ol arapela samting. Mista Zwart bai skulim ol long we bilong mekim program na we bilong yusim mani, Caritas i save givim long ol na mekim rekot na ripot bilong dispela. Long narapela skul, Mista Malone na Mis Morgan bai givim skul long pasin bilong lukautim laip bilong ol pipel long ples bihainim tingting bilong Katolik Sios.

Developmen Edukesen Opisa bilong CCJPD, Peter Maime i tokim Wantok tu olsem em i amamas long olgeta wok CCJPD i bin mekim pinis. "Wanpela bikpela wok mipela i bin mekim long dispela yia em long ileksen 1997 awenes kempen. Na mi amamas tru long lukim kaikai bilong wok bilong mipela," em i tok. Mista Maime i tok, planti ol pipel i luksave long makim ol gutpela lida na i no bihain-

im gris bilong ol kendidet long baim vot. "Mipela i mekim wanem samting mipela i ken mekim. Disisen bilong makim gutpela lida i bin stap long han bilong ol pipel na ol i mekim pinis. Nau yumi bai wet na lukim kaikai bilong wok bilong ol lida yumi makim," Mista Maime i tok. Em i tok strong olsem, CCJPD i laik lukim ol lida i kamapim wanpela gutpela gavman husat i mas mekim ol gutpela disisen, lusim pasin no gut na makim tru tingting na laik bilong ol pipel husat i votim ol. Mista Maime i tenkim olgeta wokman bilong CCJPD na ol lain i hatwok long mekim dispela awenes kempen.

Na long Madang, daiosisen CCJPD kodineta, Petronella Sampain i tok planti ol pipel i amamas long wok bilong CCJPD wantaim ileksen awenes program. Tasol ol i tokim em olsem long bihain taim, opis bilong ol i mas statim dispela wok longpela taim yet na i no ken wet inap taim i klostu pinis.

ELCPNG Madang Distrik i gat nupela yut kodineta



• **Olpela Kodineta bilong ELCPNG Madang Distrik Pasto Isreal Liwa seken long nupela kodineta Kananti Marin. Long baksait em olpela Distrik president, Pasto Francis Ambuk.**

PAULUS TALI i raitim

ELCPNG Madang i makim pinis nupela Yut Kodineta, Kananti Marin. Mista Marin bai ronim na lukautim wok bilong ELCPNG yut long eitpela seket long Madang. Ol i bin mekim dispela insait long kibung bilong Amele seket konferens namba 51, long Rivo, autsait tasol long Madang taun.

Mista Marin i gat 30 krismas, na em miks Madang na Morobe. Na em i kisim ples bilong olpela kodineta Pasta Isreal Liwa. Pasta Liwa i bin wok wantaim ol yut bilong Madang distrik inap long 11-pela krismas na tripela mun.

Mista Marin i bin mekim wok olsem namba

tu siaman bilong Banub Yut Kongrigesen insait long Amele seket long 1987 na 1988. Long 1990 i go long 1991 em i kamapnamba tu siaman bilong Amele Yut Seket. Na long 1992 i go long 1994 em i kamap presiden bilong Amele Yut Seket.

Mista Marin i singaut i go long ol yut lida bilong 8-pela seket bilong ELC long Madang distrik long wok bung wantaim long ronim gut ol wok long seket, na distrik.

Em i tok tu olsem ol yut i mas wok aninit long sios. "I gat bikpela wok long lainim ol yangpela long wan wan ples long kisim save long wok bilong bodi na spirit," Mista Marin i tok. Em i go het na tok tu olsem ol yangpela i mas save long

wanpela bikpela samting em olsem: hamamas bilong bodi long dispela graun i gat hevi blong em. Na dispela hevi i ken bringim sem na bagarap bilong bodi na tu bringim dai i kam. Pasin no gut i save bringim sem long papamama, famili na komyniti. Na tu pasin bilong birua i ken kamap.

Mista Marin i tok tu olsem, ELC Madang distrik yut wok i bin pundaun long yia 1993 i kam inap long yia 1996. Olsem na nau em bai wok yet insait long opis long stretim ol samting i long opis we i bagarap. Na long 1988 em bai stat long go aut long ol wan wan seket na mekim wok bilong em.

Wantok i no inap long kisim tok bilong olpela yut Kodineta, Pasta Liwa.

Bisop Gadebo i ritaia

BISOP bilong Mosbi Isaac Gadebo i lusim pinis Mosbi na i go long ples bilong em Naniu long Tufi distrik long Oro provins. Em i bin stap olsem bisop bilong Mosbi Engliken daiosis na i bin pinis wok long Jun 6 long dispela yia.

Asbisop James Ayong i tok olsem Engliken Sios i hamamas long wok bilong Bisop Isaac husat i bin toktok strong olsem Engliken Sios i mas stap klostu long Katolik Sios na i noken odeinim ol meri long kamap pater.

"Em i bin wokim planti wok na ol man i bin ting olsem em bai kamap wanpela Asbisop tasol no gat. Em i pinis wok na em i go bek long ples bilong em. Angliken Sios nau i wok long wokim wanpela haus bilong em long ples bilong em."

"Olsem hetman bilong Engliken Sios long PNG mi laik tok tenk yu long Bisop Isaac na famili bilong em bikos ol i wokim planti wok bilong sios."

"Long sait bilong sios, mi laik tenkim em na beten bai em i stap gut long ples bilong em na bai em i gat strong long go long narapela ministri," Asbisop Ayong i tok.

Bai i gat nupela ileksen long neks yia long kisim nupela bisop bilong Mosbi. Nau yet Vika-Jenerol na peris pater bilong Holi Famili Engliken Sios long Hohola, Pater Kaedmon Koiaba bai lukautim daiosis bilong Mosbi.

Ol i bin makim Pater Kaedmon long lukautim dispela wok bipo long taim bisop Isaac i bin ritaiya long las mun. Pater Kaedmon i tok olsem bisop Isaac i no lapun tumas na em i gat strong yet long wokim wok bilong sios tasol mipela givim em sans long stretim sindaun bilong em long ples na bihain ol bai askim em long helpim sios long ol wok bilong ol.

"Bisop Isaac wantaim meri bilong em i save wokim bikpela wok bilong sios na nau ol i go bek long ples long helpim stret ol man long ples," Pater Kaedmon i tok.

Bisop Isaac i bin ritaiya bihainim lo bilong Engliken Sios long PNG we i tok sapos wanpela bisop i gat 60 krismas em mas ritaiya. Bisop Isaac i bungim 60 krismas long Jun long dispela yia.

Painapol bia kamapim hevi long Banz

by JAMES SAKUL

HOMBRU, painapol Jus wara em sampela nem ol man i givim long wanpela kain dring ol planti lain long Banz i mekim kamap na i save dring na spak.

Stat long 1995 sampela lain i kamap wantaim dispela aidia bilong wokim bia long painapol na em i kamap bikpela tru. Nau yet planti lain i save mekim dispela painapol bia long dring na salim tu.

Wanpela 20 lita baket ol i save salim long K20.00 na sapos 5-pela man i dring bai ol i spak olsem mak bilong K200 bia long hotel tru.

Long dispela ileksen taim, planti hevi i bin kamap taim ol yangpela man i dringim dispela painapol bia.

Ripot i kamap long Banz plis stesin i soim olsem planti hevi i painim planti lain insait long tupela wik bihain long ileksen.

Long Banz i gat ripot blong 10-pela haus i paia, tripela yangpela meri kisim bagarap, 5-pela pait i kamap we planti lain i kisim bagarap, ol man i kisim han bilong ol spakman, 5-pela ripot bilong stilim pik na 10-pela ripot bilong stilim kopi.

Dispela em ol sampela hevi i bin kamap bikos sampela ol sapota bilong ol kendidet i dringim dispela bia na kamapim ol dispela hevi.

I gat ripot olsem planti lain long komyuniti na sampela bikman tu i stap insait long pasin bilong dringim dispela hombru bia olsem na i mekim wok bilong ol plisman i go hat tru.

Lihir papagraun bai kisim bikpela helpim

OL PAPA graun bilong Lihir, Nu Allan provins bai i kisim moa helpim long gol main projek we i stap long ples bilong ol.

Dispela i bihainim 8-pela tras fan we Lihir Gol projek kampani i kirapim long putim mani bilong ol papagraun long ol.

Taim Deputi Praim Minista Chris Haiveta i tokaut long dispela samting em i tok kampani i kirapim ol dispela tras fan long bihainim sanap we kampani i bin sainim wantaim ol pipel bilong Lihir aninit long integretet benefit pekets.

Tras fan i bilong Lihir Lenonas Tras, Ladolam Lenonas Tras, Putput

na Ladolam Rilokesen Tras, Ladolam Rilokesen tras, Putput Plensait Tras fan, Londolovit Kastomeri Lenonas Tras Fan na Longtem Invesmen Fan.

Mista Haiveta i tok ol i wok long ol samting bilong kamapim ol tras fan na ol tras kampani bai i holim bung long toktok long ol dispela samting.

Em i tok ol dispela fan bai i helpim ol pikinini na bubu bilong ol Lihir husat i kam bihain.

Em i tok gavman na kampani i mekim dispela bikos em i laik abrusim wankain hevi olsem dispela we i kamap long Bogenvil.

Gavman i no yusim gut fri mani

MOABETA gavman i yusim ol mani we ol dona kantri i givim long kirapim ol projek insait long kantri. Gavana bilong beng Koiari Tarata i mekim dispela toktok long taim em i autim buletin ripot bilong mun Mas.

Ripot ya i karamapim wok mani bilong kantri long tripela mun bilong dispela yia, stat long Januari inap long mun Mas.

Gavana Tarata long wankain taim i tokaut olsem wokmani bilong kantri long 1996 i groa na abrusim 1.9 pesen (%) mak we ol saveman i bin ting bai inap tasol long painim.

Long wankain taim tu, em i givim tok lukaut long noken kisim tumas dinau mani long beng bilong kantri long kirapim ol bikpela projek bikos dispela i givim hevi long wok bilong beng long kantri na bagarapim wokmani.

Mista Tarata i mekim dispela tok lukaut bihain long lukim olsem gavman i no wok long yusim konsesen o spesel mani we ol ausait dona kantri i givim long kantri long ol wok projek. Long planti taim nau, gavman i tanim na kisim dinau long beng long mekim ol bikpela projek.

Em i tok long ikonmik ripot, kantri i bin yusim tasol K1.7 milion

dinau mani bilong ol projek insait long namba wan kwota bilong dispela yia. Mani mak ya i stap daunbilo long mak bilong 1996.

"Pasin we ol i no yusim konsesen mani i min olsem kantri i abrusim sans long planti ol wok developmen. Dispela tu i kwestemim gavman long yusim ol mani we em i kisim long ol dona kantri bilong kirapim ol projek we ol i makim bilong mekim wantaim ol dona mani," Mista Tarata i tok.

Em i tok em i mekim pinis wankain toktok long ol arapela buletin ripot we i kamap pinis.

"Sapos ol i kisim gen moa dinau long beng insait long kantri, dispela bai i putim moa wok o hevi long benking sistem we nau, i givimaut planti dinau pinis. Dispela bai i givim hevi long Sentrel Beng long lukautim gutpela wok mani na menesmen long ol mani polisi," Mista Tarata i tok.

K9 milion dinau mani we gavman i bin tok oraitim bilong go hetim wok bilong Poreporena Friwe long Mosbi i antapim moa pablik dinau bilong kantri long beng i go antap long K2 bilion. Na long ausait, PNG i gat dinau inap long K3.8 bilion mak.

Sampela bikpela samting we i bin kamaut long dispela ripot em long:

• Gros Domestik Prodak (GDP) em mani mak we ol i save skelim

wok go het bilong kantri bai i abrusim 1.9 pesen mak na dispela i kamap bikos long planti wok kamap long sait bilong petroleum, agrikalsa, forestri, fiseries na long bilding sekta.

• Long Desemba, mak bilong ol manmeri i kisim wok i go antap insait long kantri. Hailens rijon i Lae tasol em ol nogat.

• Prais bilong ol samting we kantri i kamapim na salim i go antap long 4.4 pesen mak long namba wan kwota.

• Kantri i peim K20 milion dinau mani long fes kwota bilong dispela yia na long wankain taim long las yia, em i bin peim K74 milion.

• Long pinis bilong mun Mas long dispela yia, kantri i gat i stap K769 milion long Foren Risev mani. Dispela mak inap long karamapim Impot Diuti pemer insait long foapela na 6-pela mun i kam.

• Fri Risev mani i stap long beng i bin go antap long 31.4 pesen mak na i stap nau long K728.9 milion mak na

• Operesen bilong gavman i rekotim ekstra (surplus) mani inap long K10.5 milion. Revenyu o mani we kanti i kamapim i bin go antap long 6.3 pesen mak na i kamap long K378.8 milion mak. Ekspendisa i go antap long K368.3 milion na dispela em i go antap long 19.7 pesen mak.




Bihainim pasin, ol tumbuna bilong mipela I gat gutpela pasin bilong helpim na stretim, olsem tu long PNG tude; lida I mas gat gutpela pasin bilong helpim na stretim ol pipel bilong ol long dispela kantri.

PAPUA NEW GUINEA INC.

Support transparency in government.
Sign the National Integrity Pledge.

Ring Transparency International PNG to make arrangements. Phone 320 2188 Fax 321 7223



Helpim yu wantaim
wok bisnis

Wanem as long sanapim liklik bisnis?

Astingting bilong statim liklik bisnis

I gat planti astingting long ol man i laik statim bisnis bilong ol yet. Hia em sampela astingting we i pusim ol man o i kirapim bel bilong ol manmeri long statim bisnis bilong ol yet.

Long Mekim Profit

Astingting bilong planti manmeri i laik statim bisnis bilong ol

yet em long pulim mani na wokim profit. Long mekim moa mani em long kamapim na salim ol kaikai na samting na sevis.

Long Bosim Yu Yet

Gutpela samting long bisnis em taim yu yet i save amamas long wanem samting i kamap long wok bilong yu. Yu yet i bos na yu no kisim oda long wan-

pela man moa. Yu mekim wok bihainim save na tingting bilong yu stret. Yu wok bihainim skel bilong yu - yu mekim moa wok taim yu laik na yu kisim malolo taim yu laik. Yu yet i mekim olgeta disisen long bisnis bilong yu.

Ol sampela disisen bilong yu i olsem:

- wanem guds na sevis yu bai kamapim

na salim,

- wanem maket yu bai salim long en,

- husat yu bai kisim long wok na wanem wok bilong ol long mekim,

- wanem kain rot na wanem hap yu inap tromoi mani bilong yu, na

- wanem rot yu inap yusim ol profit yu kamapim.

Kisim Ol Kain Save na Eksperiens

Ol manmeri i save gat kain kain save bilong mekim wok na eksperiens ol i bin kisim long wok bilong ol long bipo na ol i laik yusim dispela save na eksperiens long mekim wok bilong ol yet long pulim mani bilong ol yet. Ol i no laik wok long nara-pela man moa. Piksa olsem ol mekenik i save laik statim liklik wok ripea na mentenens woksop bisnis, ol kapenta i laik statim biling mentenens bisnis, ol ilektrisen i laik statim ilektrikol kontrak bisnis o ol loya i laik statim lo kampani bilong ol yet.

Interas I Kamapim Wok

Sampela lain i save statim bisnis long yusim ol save na eksperiens ol i bin kisim bihainim interes bilong ol long wok bipo na ol i save laik long mekim. Tok piksa long sampela kain interes olsem ol pat-taim wok olsem kukim kaikai o wokim skon na bret, samapim kolos, ol spot na arapela moa. Olsem gutpela man bilong kuk iken statim liklik haus kaikai o kai-ba na wanpela spotman i ken statim liklik Jimmesum Trening Haus na ol kain olsem.

Kisim Mani Na Ol Arapela Asets

Sampela lain i ken gat mani long pasbuk na ol i laik statim bisnis long laik bilong ol yet long mekim bikipela profit na i no moa ol liklik interes bilong beng. Sampela lain i ken gat ol aset olsem graun, haus, wanpela bikipela mesin o ka we i pusim ol long statim wok bisnis.

Na ol liklik aset tu i ken helpim long statim bisnis. Planti Kai-ba i save stat wantaim ol sospen, parapan na ol sampela bilong kaikai long en. Ol liklik tuls yu inap bungim isi isi i kam

ken helpim yu long statim wanpela liklik ripea sevis. Wanpela gutpela sia, wanpela dis na sises i ken helpim yu statim bisnis bilong katim gras.

Ol Nupela Bisnis

Nupela bisnis i ken kamap bihainim ol nupela developmen na sevis olsem wok maining, timba, bikipela kampani na arapela moa insait long eria yu stap long en. Ol bikipela wok maining na petroleum developmen projek insait long kantri i opim rot we i bungim arapela bikipela bisnis kampani na i kamapim planti nupela liklik wok bisnis na spin-op.

Nupela tingting bilong kamapim samting na nupela mesin samting i ken kamapim nupela rot bilong wokim bisnis long ol smatpela man husat ai bilong ol i ken lukim ol dispela kain sans bilong mekim bisnis wok insait long ol bikipela wok bisnis olsem. Wanpela gutpela piksa em, kamapim bilong ol liklik somil (wokabaut somil) long Lae i kirapim bel bilong planti man long ples long statim ol liklik somil bisnis bilong ol yet.

Biknem

Sampela man i save statim bisnis o kamap hap bilong bisnis grup bikos long biknem o luksave bisnis bai givim ol insait long komyuniti. Dispela samting i helpim ol tu long kamap bikman insait long komyuniti bilong ol.

Belhat Long Wok Bilong Ol

Planti gutpela bisniman i bin kamap bihain long ol i no save amamas bikos save na hatwok bilong ol i save lus nating na ol i no kisim gutpela pe na bos bilong ol i no save luksave long dispela. Dispela kain saveman na man bilong wok i tanim bek na yusim dispela hatwok na save bilong em long kamapim bisnis bilong ol yet.

Askim FRANCIS DAKENNY, Infomesen Kodineta, SBDC long moa tingting. SBDC, P.O. BOX 286, WAIGANI, NCD.

Gat moa long
neks wik

93FM YUMI Redio Stesen bilong yumi yet Harim olgeta gutpela program long 93FM YUMI

- * Olgeta lokol sing sing, na ol musik bilong bipo yet
- * PNG Motors prais bilong kes krop
- * Yamaha Provinsel weda ripot
- * BSP liklik bisnisan ripot
- * Pepsi lunch hour rikwest
- * City Pharmacy Lukaut bilong bebi
- * Post (PNG) Ron bilong ol Sip
- * Ela Motors kantri kaundaun
- * American God
- * Sande Gospol so

Em rait redio stesen ikamap
pinis harim long tok ples bilong
yumi yet, 93FM YUMI

Salim rekwest i kam long: **YUMI** request
Locked Bag 93
Port Moresby, NCD.
Fax: 320 1995

PNG FM PTY. LTD.
Trading as
NAU FM and YUMI FM
P.O. Box 774,
Port Moresby,
Papua New Guinea
Ph: (675) 320 1996
Fax: (675) 320 1995



Barter no inap kot ...em i welkmamim Kas

"MI BIN mekim olgeta samting mi inap long mekim long givim sevis i go long ol pipel bilong Madang na Papua Niugini inap long skel na mak bilong mani mi gat na laip bilong mi. Tasol mi sori olsem ol pipel bilong mi long hap bilong Ramu na Simbai i no lukim dispela na i lus tingting long mi," Minista bilong Provinsel Afes na Viles Sevis na Rijinol memba bilong Madang Peter Barter i tok bihain long Jim Kas i winim em long 1997 jenerol ileksen.

WENCESLAUS MAGUN
i raitim

Mista Barter i bin kisim 29,830 vot long lus long

Mista Kas husat i kisim 33, 037 vot. Mista Barter i tok tu olsem em i no inap kisim Kas i go long kot, maski em i bilip olsem ol namba bilong ol lain i vot i soim olsem dispela i no tru. Bikpela samting Mista Barter i laik lukim em long Mista Kas i mas kam na tupela i ken sigan na wanbel long wok bung wantaim na bringim sevis i go long ol pipel bilong Madang. "Mi askim Kas long kam lukim mi na mi ken givim wok mi holim i go long em," Mista Barter i tok.

Insait long faipela yia bilong politikel laip bilong Mista Barter em i bin holim wok olsem Rijinol Memba bilong Madang, Minista bilong Helt, Gavena bilong Madang, Minista bilong Provinsel Afes na Viles Sevis na memba bilong Nesenel Eksekutyutiv Kaunsel. Insait long dispela taim, em i bin mekim planti gutpela sevis, na hapim nem bilong Madang long kantri. Planti pipol bilong PNG i ting em i mas kamap Praim Minista na planti moa i ting em i no inap lus long dispela ileksen.

Mista Barter i tok em i lus bikos sampela ol kendidet i bin go aut na mekim planti tok paul na giaman

tok olsem em wanpela waitman na olsem ol i no ken votim em. Antap long dispela sampela i mekim ol giaman tok olsem em i yusim Ramu Ranger, Melanesian Discoverer, na helikopta bilong em long mekim mani bilong em yet.

"Mi hop ol pipol bai stap long bagarapim nem bilong ol arapela lida long hapim nem bilong ol yet na kisim biknem. "Mi gat bikpela wari tru olsem sampela ol kendidet i mekim olsem long mi. Mi sem tru bikos toktok ol i mekim i no tru na i bagarapim gutpela nem bilong mi, famili bilong mi na wok bilong mi wantaim ol arapela lain long wol na insait long kantri," Mista Barter i tok.

Mista Barter i sutim tok tu i go long ilektorel Komisen long i no mekim gut wok. "Mi bilip olsem ilektorel komisen i no karim aut gut komon rol long olgeta hap bilong kantri. Planti ol pipol i no gat nem long vot na taim ol i go long vot, ol opisa i rausim ol bikos nem bilong ol i no stap long komon rol," Mista Barter i tok. Olsem na Mista Barter i askim ilektorel Komisen long stat stretim rekot bilong ol bipo long narapela ileksen.

Mista Barter i askim tu ol nupela memba long holim wok olsem ol lain bilong mekim ol lo o polisi na maski tingting long lukautim mani na yusim mani long mekim wok. "Larim wok bilong lukautim mani i stap long han bilong ol pablik sevan. Gavman i mas pinisim pasin bilong givim mani long ol memba ol i kolim long diskrisineri mani. Ol memba i mas holim tasol wok bilong mekim ol lo bilong lukautim kantri bilong yumi," Mista Barter i tok.

Long ol sapota bilong en, Mista Barter i tok, sapos ol pipol bilong Madang i laikim em i sanap long ileksen bihain long faipela yia, na i askim em long sanap, em bai sanap.

Ol Wes Nu Briten kendidet laik kot

OL KENDIDET long Wes Nu Briten provins husat i bin lus long 1997 ileksen i wok long bungim kot pepa egensim tripela wina kendidet las wik.

DICK SORARIBA
i raitim

Olsem (50) kendidet husat i bin resis long Wes Nu Briten rijinol, K a n d r i a n - Gloucester Open na Talasea Open i bin traime long kisim tok orait long kot long kampim nupela ileksen long ol tripela ilektoret olgeta.

Mausman bilong ol kendidet, Herman Mirio husat tu i bin resis long Talasea Open i tok ol i kisim pinis wanpela loya, Latu Loias (loya) long makim ol long kot.

Mista Mirio i tok ileksen long Wes Nu Briten i no bin ron gut na kot bai lukluk long dispela.

Em tok oli save olsem taim kot i harim dispela, kot bai mekim disisen i kam long ol na luk olsem nupela ileksen bai kamap.

Ol kendidet husat i bin win long tripela ilektoret long Wes Nu Briten em Patterson Lowa long Talasea open, Bernard Vogae long Wes Nu Briten rigenol na Peter Arul long Kandrian-Gloucester open.

Peter Arul bin daunim siting memba David Sui long dispela ilektoret. Tasol long narapela nius i tok olsem Peter Arul i stap pinis long bikpela trabel wantaim Wes Nu Briten Plis.

Plis i harim tokwin na kwiktaim sekim haus bilong Arul na kisim tripela sotgan em bin haitim stap.

Provinsel Plis Komanda Gion Kawat i tok ol bin wet long Mista Arul long kam em yet na tokim plis long wanem as em i bin holim sotgan i stap inap pilis i sekim haus.

Kawat i bin salim tok planti taim long Arul long kam lukim em tasol em i no bin kam.

Plis i wok long painim Arul long las Mande apinun. Mista Kawat i tok ol i bin lusim planti mani long trenspot taim ol i go painim em long Kandrian, Silovuti na Talasea.

I bin i gat tokwin olsem Arul i lusim pinis Wes Nu Briten na go long narapela provins tasol Provinsel Plis Komanda i bilip olsem Arul i hait i stap insait long provins na em laikim em yet long givim em long han bilong pilis.

Kawat i tok sapos em tru lida bilong ol pipel em i (mas kam) aut na givim em yet long han bilong

Poling opisel birua long Ritening opisa long pe

PROVINSSEL Iektorel Opisa bilong Isten Hailans provins, Ben Beiyao i stap wantaim pret bikos opisel bilong em i nogat mani bilong baim 500 poling opisel husat i bin wok long karimaut ileksen long provins.

YAKAM KELO
i raitim

Mista Beiyao i no save kamap gut long opisel bilong em long wok bikos ol poling opisel i save tok hat na mekim em i pret bikos long pe bilong ol.

Mista Beiyao i tokim Wantok long Trinde aste olsem Iektorel Komisen opisel long Mosbi i no salim mani i kam hariap na ol opisa ya i wok long belhat na wet i stap. Em i askim pinis long K600,000 bilong stretim olgeta kaunting alawens bilong ol wokman.

Mista Beiyao i tok em i salim ripot (kleim) pinis long Mosbi tasol Asisten Komisina husat i lukautim wok bilong mani (Fainens) i tok bai Komisina Reuben Kaiulo i givim tok orait long dispela. Olsem na em i wok long wetim yet bekim i kam long het opisel.

Em i tok namba olsem 500 poling opisel i save bung na kros long em na em i pret nogut bai ol i paitim em samting. Olsem na em i wok hat yet long toktok wantaim het opisel long Mosbi long hariap salim mani.

Dispela hevi tu i wankain long arapela hailans rijon olsem long Sauten hailans provins. Tasol ol i no stap long opisel long toktok wantaim Wantok.

Long dispela wik, Ilekseen bos Reuben Kaiulo i tok long kotim Fainens Dipatmen long i no givim yet K3 milion bilong Iektorel Komisen.

Dispela i soim olsem sampela mani bilong Komisen i stap yet wantaim Fainens Dipatmen tasol ol i no redim na salim yet.

Tasol arapela ripot i soim tu olsem planti Provinsal Ritening Opisa bilong ol provins i no bin salim kleim pepa bilong ol i go long Iektorel Komisen opisel long Mosbi.

Sampela Provinsal Ritening Opisa i bin salim pepa na askim long mani bilong baim ol wokman o poling opisel bilong ol. Tasol ol i no bin brukim ripot bilong ol wantaim nem bilong ol wokman na ol samting we mani i mas go long ol. Sampela Provinsal Opisa i raitim tasol total namba bilong mani na askim het opisel long baim ol.

Tasol insait ripot i soim olgeta Provinsal opisel i mas gat lista na nem bilong ol man na ovataim na ol samting bilong baim. Ol i mas putim namba bilong mani long sait bilong ol nem na ol samting na bihain wokim total long en. Bihain bai het opisel i salim tok orait i go bek long ol na ol i ken kisim mani bilong ol long Provinsal Tresera long Provinsal Gavman opisel.

Rekot i soim olsem Manus na Kavieng tasol i bin bihainim gut tru ol toktok na wok bilong ol na baim ol wokman bilong ol stret long taim na pinisim olgeta samting.

Ripot i soim tu olsem ol Riten Opisa long Niugini Ailan rijon i bin mekim gutpela wok tru long bihainim oda na baset bilong ol long karimaut wok bilong ileksen. Olsem na nogat wanpela komplek o bel hevi i kamap long ol na ol poling opisel bilong ol.


Ripot i soim olsem olgeta provins i kisim pinis skel bilong ol long baset taim Iektorel Komisen i brukim long ol. Olsem na olgeta lain i mas wok bihainim baset bilong ol.

Sampela taim, ilekseen long sampela hap i bin bungim hevi na ol ilektorel opisel i save srukim moa de i go antap. Long dispela as, ol i kamapim sampela moa ekstra kos bilong baim ol wokman long ova taim na arapela kos moa.


Arapela hevi tu we i bin kamap em olgeta Ritening Opisa i bin kisim toksave long woksop na trening prgram bilong ol olsem ol i noken kisim ol ausait lain. Ol i mas kisim ol ilektorel opisa insait long pablik sevis dipatmen tasol. Tasol sampela Ritening Opisa i bin abrusim dispela na kisim planti ausait man husat i no pablik sevans na ol i kamapim ol ekstra kos long Iektorel Komisen, ripot i tok.

Bikpela samting em, wok bilong olgeta de i mas gat rekot na pe bilong ol i mas kamap hariap. Na i no bilong bungim bungim i go, ripot i tok.


Ol nupela memba



NAMATANAI OPEN
Ephraim Apelis (NA)
Namba: 7, 969




WESTEN HILANS RIJINOL
Fr Robert Lak (Ind)
Namba: 45, 072




MOSBI NOT IS OPEN
Philip Taku (PNC)
Namba: 1, 806



TARI/PORI OPEN
Tom Tomiape (Ind)
Namba: 4, 971



NOT WAGHI OPEN
Dr Fabian Pok (Ind)
Namba: 3, 908



KAVIENG OPEN
Ian Ling-Stuckey (PP)
Namba: 6, 301

Momis tok amamas long ol Bogenvil pipel

BOGENVIL rijonal memba na Melanisen Alaiens lida John Momis husat i bin winim bek sia bilong em wantaim moa long 17,000 vot i givim bikpela tok tenkyu long ol pipel bilong em long makim em

Long wankain taim tu em i singaut long tripela arapela lida bilong Bogenvil husat i win long dispela ileksen long wok bung wantaim na harim kraik long ol pipel bilong ol.

Mista Momis i no amamas tumas long pati bilong em i winim tasol tupela sia long provins.

"Wan wan politikel pati i gat ol komitmen na bilip bilong ol yet. Sampela taim ol i egensim wanpela arapela na ol i no wanbel long sampela samting. Dispela i no gutpela long stretim hevi long Bogenvil", Mista Momis i tok.

Em i tok long stap bilong em long Pangua wantaim Francis Ona na lain bilong em, tupal i bin stretim toktok na kamapim bel isj na sekan namel long ol yet. Ol i laikim dispela i kamap namel long olgeta pipel bilong Bogenvil bikos trupela gutpela sindaun i no nap kamap inap olgeta pipel long ailan i gat gutbel pasin na sekan namel long ol.

Msta Momis i tok pasin bilong vot long ileksen 97 i soim olsem ol pipel i laikim gavman we i laik harim kraik bilong ol.

"Ol i laikim gavman we i i harim singaut bilong ol long gutpela sevis long sait bilong helt, edukesen na trenspot. Ol i laikim gutpela wok we i strongim go het bilong man long sait bilong sosel, humen, kalsarel, ikonmik na fisikel sait. Ol i laikim gavman we i ones na soim aut long ples klia ol wok na bikpela disisen em i mekim long ol samting we i karamapim kantri na i no wokim long ples hait. Ol i no laikim gavman we i yusim pablik opis long go hetim wok bilong ol yet na pati. Ol pipel bilong yumi i singaut long gutpela kwaliti lidasip long nupela gavman," Mista Momis i tok.

Bogenvil Primia Gerard Sinato long taim em salim tok amamas bilong emm i go long foapela memba bilong Bogenvil i win long dispela ileksen i singaut long ol bilong wok bung wantaim long bringim gutpela sindaun bek long ailan.

Em i askim ol nupela memba long wok bung wantaim Bogenvil Trensisenel Gavman na stap insait long ol bung bilong ol (BTG).

"Narapela faivpela yia bai bringim ol nupela salens long ol pipel bilong Bogenvil, BTG na ol nesenel palamen memba bilong provins. Yumi ken wok wantaim long kamapim gutpela sindaun long ailan na kantri wantaim," Mista Sinato i tok.

Em i tok tenkyu tu long ol pipel bilong Bogenvil long eksasaisim raits bilong ol aninit long mama lo bilong kantri na votim ol lida long dispela ileksen. Em i amamas long gutpela rot ileksen long provins i bihainim wantaim nogat bikpela hevi i kamap.

NGI rijon namba wan long peim ol poling opisa

ILEKTORAL Komisin long Mosbi i tok amamas long ol provinsal ritening opisa long Niugini Ailan rijon long wanem ol i bin hariap long baim ol poling opisa husait i bin wok long taim bilong ileksen.

Manus Provis i bin kamap namba wan provins insait long NGI rijon long baim ol poling opisa long Jun 22.

Ol poling opisa long Wes Niu Briten na Niu Ailan provins i kisim pinis mani blong hat wok bilong ol.

Wanpela Ilektral Opisa long Kimbe i tok olsem emi amamas long wanem ol i hariap long baim ol poling opisa long provins bilong wanem nau ol i no wari long trabel long provins.

Long Is Niu Briten Provins ol poling opisa i kisim pinis mani blong ol, tasol ol manmeri husait i bin halivim long kaunim vot i wok long wetim yet mani blong ol.


Provinsal Ritening Opisa long Not Solomons Provins, Mista Mathias Pihei i tok em i wok long wetim yet mani long Ilektral Komisin blong Bouganvil long baim ol sampela poling opisas bilong em husait i bin wok insait long Not Bouganvil Iketoret.

Ol poling opisa long Not Bouganvil Iketoret i wok long komplain long mani blong ol na Mista Pihei i tok olsem emi salim leta long Julai 4(Fonde) i go long Bouganvil Ilektral Komisin Opisa long hariap wantaim mani blong ol poling opisas. Mista Pihei i tok em i kisim pinis toksave long Bouganvil Ilektral Komisin long Mandei Julai 8 olsem ol bai salim mani klostu.

Kala Swokim i kam bek

OLPELA rijonal memba bilong Westen provins Kala Swokim i winim sia bilong Not Flai Open taim kaunim i pinis long Trinde apinun.

IAN KAKARERE i raitim Ritening Opisa bilong Not Flai Bibin Fafaeg i tokaut olsem Mista Swokim i winim sia long Trinde apinun. Samting olsem 500 pipel i bin wet ausait long ples bilong kaunim ol vot i harim dispela nius.



• Kala Swokim

Mista Swokim husat i lida bilong Pipel Solidarity Pati (PSP) i kisim 2,473 vot long win na kam bek long nesenel politiks bihain long em i lusim wok long faivpela yia.

Max Hasepa Miyaba i bin skorim 1,534 vot na kamap namba tu. Ol pipel bilong Biama eria long Nomad Riva i givim planti vot long Mista Hasepa husat i bin sanap olsem independen kandidate.

Olpela Flai Riva provinsal gavman minista na wanpela lenona long Ok Tedi main Bill Kirokim i bin kisim 1,233 vot long kamap namba tri. Twenti-tu (22) kandidate i bin resis long dispela sia.

Siting memba na Pangu kandidate Bob Bubeck i kamap namba faiv wantaim 1,102 vot.

Olpela primia Nobert Makmop i wok long go pas long kaunim bilong rijonal sia long Not Flai wantaim 5,572 vot. Man husat i bin go pas long kisim Ok Tedi main

i go long kot long kompensesen peimen kleim Rex Dagi i kamap bihain long Makmop wantaim 1,890 vot.

Kaunim i go het yet long Balimo long Midel Flai Open sia. Hevi i kamap taim senereta masin long Balimo i bagarap na ol lain i no inap long salim toktok i go i kam long progres bilong kaunim long hap.

Kaunim bai i pinis long sampela taim long dispela wik na ol bai i tokaut long sia bilong rijonal na Midel Flai Open.



• Ol sapota na ol lain long Kerema Galp Provins i amamas long harim risal bilong ol kandidate i win. Foto: Raphael Semel.

Ileksen long Niugini Ailans rijon i kamap gut

OL LAIN husat i go pas long ileksen long Niugini Ailans rijon i amamas olsem gutpela taim i bin stap na nogat trabel i kamap long taim bilong ileksen.

VERONICA HATUTASI i raitim Rijon i karamapim ol provins olsem Manus, Nu Ailan, Is na Wes Nu Briten na Bogenvil.

Ol i tok dispela i kamap long gutpela wokbung namel long ol ilektorel opisa, ol plis na ol pipel long rijon. Ol i tok long ol arapela ileksen we i kamap long ol yia bipo, rijon i no save bungim hevi.

Provinsal Ritening Opisa bilong Is Nu Briten Aaron Maramun i tok provins i setim rekot long dispela ileksen long wanem olgeta faivpela nesenel memba i win na kisim bek sia bilong ol. Francis Koimanrea i winim bek Is Nu Briten rijonal sia na Spika bilong palamen Sir Rabbie Namaliu i winim bek Kokopo Open. Sir John Kaputin i winim bek Rabaul Open sia na Alois Koki, bikpela brata bilong Mista Koimanrea i winim bek Pomio Open sia.

Mista Maramun i tok dispela i soim olsem ol pipel long provins i gat gutpela save nau long wok politiks. Narapela samting tu em ol pipel i luksave long ol lida bilong ol olsem ol i mekim gutpela wok long bringim sevis long ol na long wankain taim tu, ol i sanap olsem gutpela mausman bilong ol long palamen na ol i makim ol bek.

Planti pipel taim ol i lukim ol gutpela lida bai i makim ol, Mista Maramun i tok.

Em i tok opis bilong em i no kisim komplek long sampela kain paulwok we i kamap long provins na em i amamas.

Em i tok ol opis husat i bin wok insait long ileksen i amamas tu long kisim ol alawens mani bilong ol. Ol i stretim pinis tu pemen bilong ol ka na helikopta we ol i haiirim na yusim long taim bilong ileksen long provins.

Mista Maramun i tok bihainim planti komplek long komon rol we nem bilong sampela pipel i no stap, em i wok bilong ol vota na lokol level gavman lain long lukim olsem olgeta i sekim nem bilong ol i mas stap.

Em i tok nau em i gutpela taim long wokim dispela bikos bihain ol bai i lus tingting na wankain hevi bai i kamap long narapela ileksen long yia 2002.

Em i tok provinsal ileksen bai i kamap long mun Septemba long dispela yia na bilong redi long dispela, i moa-beta long ol wan wan manmeri bilong sekim nem bilong ol long komon rol buk.

Provinsal Ritening Opisa bilong Wes Nu Briten Simon Sinai i tok provins i bin gat gutpela ileksen.

I bin gat hevi long sait bilong trenspot bikos helikopta we ol i haiirim i no go long de ol i makim long em bilong kisim ol ileksen opisa na ol vot pepa long Kandrian. Dispela i kamap bikos ol i bin yusim

long Nu Ailan na Is Nu Briten long mekim wankain wok. Na ol pipel long Kandrian/Glouster i bin leit long tupela de long vot tasol ol i bin stretim na olgeta samting i go gut tasol.

Wes Nu Briten i bin tokaut long ol wina long dispela Mande apinun bihain tasol kaunim long Kandrian/Glouster Open i pinis.

Bernard Vogae i bin kisim 9,711 vot long winim rijinol sia. Em i bin olpela memba bilong Kandrian Open na bihain em i lus na em i stap inap long dispela ileksen long Wes Nu Briten rijinol sia na em i win. Greg Mongi i bin kisim 6,521 na kamap namba tu na Isikar Matangi kisim 5,002 vot long kamap namba tri.

Patterson Lowa i bin i kisim 4,698 vot long winim Talasea Open sit. Peter Arul i winim Kandrian/Glouster sia long kisim ples bilong David Sui husat i lus.

Mista Sinai i tok planti pipel i no vot long dispela ileksen taim ol i skelim wantaim 1992 ileksen.

Aut long 100,000 pipel i putim nem bilong ol long vot, 56,000 pipel tasol i vot long provins long dispela ileksen.

Mista Sinai i tok long Talasea Open, planti vot pepa i nogat mak long ol. I bin gat planti infomol vot tu. Em i ting wanpela as long ol pipel i no bisi long vot em ol man i mas les bikos ol man i sanap resis i no ol rait man long laik bilong ol.

Em i tok wanpela liklik hevi i bin kamap long taim bilong kaunim vot taim ol sapota bilong sampela kandidate i lus i meknais na ol i bin stapim kaunim long Sande.

Mista Sinai i tok tu olsem tupela bikman pikinini bilong provins husat i bin resis i no win tasol ol i bin kisim bikpela namba tu.

Tuepal em long Joe Tauvasa, olpela bikman long Airline Komisin na i holim tu ol arapela bikpela wok long praveit na pablik sekta na Brown Bai husat i bin holim wok olsem dairekta bilong PNG Benking Kopresen na olpela seketeri long dipatmen bilong praim minista. Tupela i bin resis long sia bilong rijinol. Mista Tauvasa i bin kisim 4,870 na kamap namba 5 taim Mista Bai i kisim 4,985 vot na kamap namba foa.

Ritening Opisa bilong Bogenvil Mathias Pihei i amamas tu long ileksen i go gut tasol long olgeta hap bilong provins, maski hevi i stap long ailan.

Ol BRA i wokim meknais long Arawa na Wakunai long taim bilong vot tasol ol i stap isi bihain long ol i kisim tok long bos bilong ol Francis Ona.

Mista Pihei i givim tok amamas bilong em long ol wokman bilong em, plis, sekyuriti fos na ol pipel bilong Bogenvil long gutpela luksave ol i givim long makim ol lida bilong ol. Kaunim i bin pinis long Trinde las wik na ol i bin tokaut long wina bilong Not Bogenvil open na rijonal long Trinde moning las wik.

Ileksen 97 i gat planti liklik komplek

NESENEL Ileksen insait long planti hap bilong Papua Niugini i klostu long pinis nau. Tasol planti manmeri bai tingim yet wanem hevi na bel wari ol i bin bungim insait long 1997 ileksen.

YAKAM KELO i raitim

Wankain olsem planti arapela ilektoret insait long Papua Niugini, ol pipel bilong Mumeng distrik insait long Bulolo ilektoret long Morobe provins i bin bungim bikpela hevi long planti manmeri i nogat nem long vot.

Planti manmeri i bin kamap bung long hap bilong vot. Tasol taim ol i bihainim lain i go kamap long kisim balot pepa, ilektoret opisa i sekim nem bilong ol long Komon Rol na ol i nogat nem.

Planti lain, ol meri pikinini bilong ol i vot tasol papa bilong ol i nogat nem na i no vot. Sampela, papa tasol i vot na ol meri pikinini i no vot. Na sampela em olgeta memba bilong famili i no vot bikos ol i nogat nem long Komon Rol na tu long Saplementri Rol buk bilong Ilektoret Komisin.

Wanpela lidaman bilong ples Parakris long Mumeng, Yansom Alu i komplek olsem em i nogat nem long rol buk tasol meri pikinini bilong em gat nem na ol i vot na em nogat.

Mista Alu i tok ol i gat nem long olupela senses buk na tu long Kopi Buk buk bilong gavman long ples. Olsem na long bipo, ol i no save hatwok long painim nem. Bikos taim ol i singautim nem tasol, na olgeta manmeri i go na vot. Tasol dispela nupela buk i no wok gut bikos planti manmeri husat i save vot long bipo i nogat nem long vot nau, em i tok.

Wanpela longtaim meri long hap bilong Mumeng, Narua Pindil i no amamas tu long em i nogat nem long Komon Rol buk. Bikos man bilong em wantaim olgeta lain wanwok bilong em i gat nem na ol i go vot. Tasol em yet i nogat olsem na em i no bin vot.

Dispela hevi bilong planti manmeri i nogat nem long Komon Rol Buk long vot i bikpela hevi tu long planti hap bilong Papua Niugini.

- Ripot i kamap pinis olsem planti kandidate i bin kros na komplek strong tru bikos planti manmeri long hap bilong ol we ol i save kisim namba long en i nogat nem long buk bilong vot.

Olpela memba bilong Gumini John Nilkare i bin wanpela man husat i bin kros tru bikos planti sapota bilong em i nogat nem long buk bilong vot.

Planti olupela memba husat i lusim sia bilong ol long dispela ileksen i gat dispela wankain komplek o hevi.

- Narapela hevi we i bin kamap tu na planti kandidate i komplek em planti manmeri i bin go vot tupela taim o tripela taim. Wanpela man long Hagen i tok em i bin vot moa long 10-pela taim pinis.

Olpela memba bilong Madang rijenol, Peter Barter i ting olsem planti manmeri long hap bilong Midel Ramu i bin vot moa long wanpela taim.

Long hailans tu, planti kandidate i komplek long dispela hevi tu.

- Narapela hevi tu long dispela ileksen em, ol balot bokis i bin lus o paul na bihain ol plisman na ilektoret opisa i go na kisim. Olsem na sampela kandidate i tok long ol ileksen opisel i no ken kaunim ol dispela bokis.

- Sampela kandidate i komplek olsem arapela kandidate i mekim planti paul o trik pasin long winim ileksen. Sampela kandidate olsem David Unagi husat i lusim Mosbi Not Is sia bilong em i tok sampela kandidate i bin yusim ol plisman long pretim ol manmeri na askim ol long votim kandidate bilong ol. Em i tok tu olsem man i laik winim ileksen, em i mas win long klin na stretpela pasin bilong ileksen. Em i tok long kamapim kot long dispela.

Dispela wankain komplek tu i stap long planti arapela ilektoret insait long Papua Niugini we ol lus kandidate i tok ol kandidate husat i win i bin mekim planti paul na trik pasin long winim vot.

- Arapela kandidate i askim long ol ilektoret opisa i mas kaunim ol balot pepa gen bikos ol i ting ol wokman i no kaunim gut ol pepa. Ol i tok ol opisel i kaunim ol balot pepa moa long wanpela taim.

Dispela ileksen i gat planti kain kain liklik komplek bilong em. Tasol ilektoret Komisin i sanap strong long wok bilong em na tok long ol kandidate husat i gat ol kain komplek olsem i mas kisim hevi bilong ol i go stret long Kot ov Ritens. Dispela em long Kot Haus stret.

Ol kandidate ting Sandaun ileksen gat asua

FELIX RAMRAM i raitim

MOA long 6-pela kandidate insait long Sandaun provins i sainim wanpela petisen na givim i go long ilektoret Komisen long lukluk long en na skelim. Na tu ol kandidate ya i bringim belhevi bilong ol i go long Nesenel Kot long kamapim nupela ileksen gen insait long Sandaun provins.

Insait long tupela miting bilong ol kandidate bilong Provinsel na Open Ilektoret bilong Sandaun, ol kandidate wantaim ol sapota i toktok planti paul pasin wantaim traipela mani i kamap ples klia. Long dispela as ol i singautim ilektoret Komisen long luksave

na mekim muv long holim gen ileksen insait long Sandaun olgeta.

Petisen bilong ol i tokaut long planti samting i kamap insait long taim bilong kaunim ol vot pepa long Vanimo stat long 28 Jun.

Ol toktok ol i luksave tu olsem ilektoret Komisen tu i gat asua long i no putim nem bilong olgeta sitisen insait long Komon Rol Buk. Planti pipel husat i no bin vot long jenerel ileksen long 1992 i putim nem pinis long dispela buk. Tasol taim bilong vot ol pipel i painim aut olsem nem bilong ol i no stap long rol buk ya.

Ol kandidate ya i tokaut tu olsem long taim bilong kaunim ol

vot, ol pablik i lukim olsem ol balot bokis i nogat lok. I gat moa long arapela balot pepa bilong rijinol sia i stap long wanpela balot bokis. Na antap long en, ol i stim tok olsem "sampela" balot bokis tu i stap long haus bilong wanpela opisa bilong ileksen.

Dispela lain kandidate tu long petisen bilong ol i go long ilektoret Komisen na Nesenel kot i tokaut long nem bilong ol pablik sevan na hamas mani ol i kisim i kam long wanpela kandidate. Wanpela bikman pablik sevan tu i wanpela long ol lain husat i kisim traipela mani. Dispela lain kandidate i bilip i gat braiberi wok i kamap long ileksen insait long Sandaun provins.

Hap bilong dispela ripot ol

kandidate i salim i tokaut olsem mak bilong mani i klostu olsem K67,000 olgeta wanpela kandidate i yusim. Long baim ol pablik sevan na ol arapela long baim ol pipel long taim bilong ileksen.

Tupela i skelim K2,300. Wanpela pablik sevan wantaim brata bilong em i kisim K27,500 na wanpela tisa wantaim meri bilong em i kisim K8,300.

I gat strongpela bilip i stap i soim olsem dispela traipela mani kandidate ya i givim long taim bilong ileksen i soim tasol olsem ol bokis i op pinis, i nogat ol tek na i gat moa pepa bilong vot. Na ol opisel i nogat gutpela tingting long stretim ol dispela hevi na ol i go het tasol na kaunim.

TOKSAVE

TELEFON SEVIS BILONG OL AILAN PLES LONG MILEN BE

Telikom bai sanapim telefon sistem long Milen Be provins long bungim ol ailan ples wantaim Telikom Netwok. Dispela sistem bai op long WARE Ailan long Julai 11, 1997.

WARE, NUAKATA, DAWSON na **SEHULEA** asples i gat pinis telefon sevis. Ol arapela asples bai kisim dispela sevis bihain.

Dispela telefon sevis bai kamapim gutpela sevis bilong salim toktok wantaim arapela namel long ol ailan ples na arapela ples insait long dispela eria.

Ol telefon sevis olsem **LOKOL** kol, **STD** na **IDD** sevis bai i stap tu long dispela sistem. Dispela sistem bai helpim ol asples long salim toktok i go long ol arapela provins long PNG na tu long arapela kantri long wol.

Mr Gereia Aopi CBE
Managing Director



TELIKOM PNG

Now we're really talking!

Sia bilong PM stap long resis



PLANTI manmeri i lukluk long husat lida tru bai kamap na sindaun long sia bilong praim minista long Julai 22.

YAKAM KELO i raitim

Taim ileksen i laik stat, bikipela lukluk na tingting i stap olsem lida bilong Pipels Progres Pati (PPP) Sir Julius Chan bai resis gen long dispela sia. Na tu lida bilong Pipels Demokratik Muvmen (PDM) Paias Wingti tu bai resis gen long dispela sia. Lida bilong Pangu Pati Chris Haiveta tu i laik resis long dispela sia. Wankain tu, lapun bilong kantri na lida bilong Nesenel Alaens Sir Michael Somare tu i laik resis long dispela sia. Dispela em ol lain planti toktok na tingting i strong long ol bai win bek na kamap praim minista.

Tasol nau risal bilong ileksen i soim olsem, Sir Michael Somare tasol wantaim Chris Haiveta i sanap bek long resis long dispela sia bikos Sir Julius Chan na Paias Wingti i lus pinis. Olsem na resis bai i stap namel long tupela yet long husat bai win

na kisim sia bilong praim minista.

Gavana bilong NCD na lida bilong Pipels Nesenel Kongres (PNC) Bill Skate i autim tingting bilong em pinis olsem em tu i laik traim dispela resis bilong kamap praim minista.

Bill Skate i bilong Sentrel provins na bikipela tingting bilong ol Papua em wanpela pikinini bilong Papua i mas kisim dispela sia bilong praim minista nau. Bikos dispela sia i bin stap long han bilong ol Hailans (Paias Wingti), Momase (Sir Michael Somare) na Niugini Ailan (Sir Julius Chan na Sir Rabbie Namaliu) na Sauten rijon i nogat yet.

Long dispela wik, Sir John Kaputin independen kandidate na longtaim momba bilong Rabaul i tokaut olsem em i gat laik tu long sanap long resis bilong kisim dispela sia bilong praim minista.

Sir John Kaputin i tok Sir Michael Somare i wok long mekim ol wok raun long pulim sapot long fomim nupela gavman we

em yet bai lida bilong dispela gavman.

Tasol Sir John Kaputin i tok Somare i gat sampela nem nogut i stap we inap bagarapim wok poroman bilong PNG wantaim arapela kantri long ovasis. Em i givim tok piksa long bikipela haus long Mosbi ol i kolim Somare Faundesen. Kaputin i tok dispela haus i gat hevi namel long Somare na Pipels Ripablik ov Saina. Na dispela inap bagarapim poroman pasin bilong PNG na arapela kantri tu long pulim bisnis invesmen na helpim i kam long kantri.

Sir John Kaputin i tok em i no gutpela long yumi makim man yumi save long em olsem poroman i go kisim dispela sia bilong praim minista. Tasol yumi i mas makim man husat i ken mekim dispela wok.

Narapela lida tu em Ted Diro, lida bilong Pipels Eksen Pati (PAP) husat i wok long toktok raun wantaim ol independen kandidate na arapela grup tu long sanap bung wantaim long fomim gavman.

Ted Diro husat i bin wanpela biknem komanda bilong PNG ami bipo na bihain kamap namba tu praim minista i laik resis tu long dispela bikipela sia.

Tasol planti independen

kandidate nau i win na kisim ples pinis long sia bilong palamen. Olsem na ol tu i wok long pasim tok raun long sanap bung wantaim long join wantaim gutpela lain tru bilong fomim gutpela na strongpela gavman. Wanpela strongpela man insait long independen grup em Sir Mekere Morauta olpela gavana bilong Sentrel Beng o man i bosim mani bilong Papua Niugini long beng. Na em i mekim tok strong pinis long planti independen kandidate long sanap strong wantaim na fomim gutpela gavman.

Ol hailans lida tu i gat wankain tingting olsem Sir Mekere Morauta.

Pater Robert Lak husat i autim Paias Wingti long Westen Hailans rijinol wantaim Pater Louis Ambane bilong Simbu rijinol husat i rausim David Mai na Peti Lafanama bilong Isten Hailans provins husat i autim Aita Ivarato i tok ol i laikim olgeta independen kandidate long hailans rijon long sanap wantaim long fomim gutpela na strongpela gavman.

Pangu Pati na PPP i gat planti namba long bung wantaim na fomim gavman long dispela taim. Tasol tok gris i wok long go raun yet olsem na namba bilong fomim nupela gavman i no stap yet wantaim wanpela pati o grup nabaut yet.

Wenge laik stretim Morobe pastaim

NUPELA Gavana bilong Morobe provins husat bai kisim ples nau, Luther Wenge i mekim tingting bilong em klia olsem bikipela samting em i mas mekim em long stretim provins bilong em pastaim.

Mista Wenge husat i winim pinis Morobe rijinol sia i no wari tumas long wanem sait em bai i stap long en long fomim nupela gavman long tupela wik bihain. Tasol em i laik kirapim provins bilong em pastaim.

Mista Wenge i tokaut olsem em i mas stretim gut edministresen bilong Morobe provins. Dispela i min olsem em bai lukluk insait gut long ol wok na eria we provins i save westim mani long en na traim long sevim ol dispela mani long mekim ol gutpela wok bilong provins.

Sampela samting we Morobe gavman i save tromoi bikipela mani long ol em long planti ka tumas long yusim, telefon long opis i save kaikaim bikipela mani tumas na tu sampela pablik sevans woka i no save mekim gut wok bilong ol long sevim ol pipel, em i tok.

Olsem na nupela Gavana i gat tingting long salim sampela ka na kisim bek mani bilong mekim ol arapela gutpela wok wantaim.

Long lukluk bilong nupela Gavana, em i ting long bipo taim ol waitman i bin lukautim Papua Niugini, Lae siti i bin wanpela gutpela na naispela siti tru. Tasol taim PNG gavman yet i kisim ples, Lae siti i go kamap nogut olgeta. Olsem na Mista Wenge i tok bikipela tingting nau em long stretim gut ol rot na ol samting insait long Lae siti. Na mekim Lae siti i kamap gutpela liklik long ol manmeri i ken stap long en na amamas.

Luther Wenge i winim sia bilong

Morobe provinsal wantaim bikipela namba tru na rausim ol lain husat i resis wantaim em olsem Benson Suwang, Mathew Bendum na olpela Gavana Jerry Nalau.

Wenge em wanpela biknem loya long bipo husat i save winim planti kot bilong ol manmeri.

Wanpela wantok bilong em i tokaut olsem win bilong Wenge i klia bikos em i bin winim kot bilong planti manmeri taim em i bin stap loya na tu em i save raun long planti ples long harim ol kot na mekim ol wok bilong mejistret. Na long dispela kain raun tu, em i save givim ol skul na stia tingting long planti manmeri bilong ples.

Long dispela wok bilong em we i save bringim em i go klostu long ol manmeri insait long ples i mekim em kamap olsem wanpela ples klia man tru. Olsem na em i kisim bikipela namba tru long vot bilong em egen-sim ol arapela lain husat i resis wantaim em.

Wenge bilong Boa'ha distrik long Morobe provins i bin loya inap 5-pela krismas na bihain kamap sinia Gret 5 mejistret. Gavman i makim em kamap olsem wanpela Jas bilong harim ol kot bilong Nesenel Kot. Em i gat laik long sanap long ileksen olsem na em i lusim wok bilong jas na go kamap olsem sinia mejistret inap em i risain na sanap long ileksen long dispela yia.

Luther Wenge bai poroman tu wantaim bikipela brata bilong em Kennedy Wenge husat i win pinis long Nawae ilektoret na rausim olpela momba Yamandi Amos. Bai Morobe i gat tupela brata i makim em long haus palamen long dispela yia.

Sno-Wite
strong tru. Namba wan long olgeta kain doti wok insait long haus or ples wok.

Sno-Wite
ANISEPTIC BLEACH
Cleans, Whitens, Disinfects and Deodorizes
500ml

long PNG
i stap long ol kain kain
stua klostu long yu!

ANDERSON'S SUPA MAKET LONG MADANG

Andersons opim nupela supamaket long Madang

ANDERSONS Pty Ltd i opim nupela supamaket blong ol long Madang taun long aste.

BARBARA MASIKE
i raitim.

Na planti manmeri blong taun na blong ol ples tu i kamap long Madang taun long lukim dispela opening.

Tasol dispela em i no opisel opening, dispela bai kamap bihain taim liklik na ol bos i no tokaut yet long wanem taim tru.

Bos bilong Andersons long Madang Mista Chris Woodman i tok stat long 10-kilok long moning ol an i pulap tru. Em i tok ol i seksek tru long go insait na lukim ol samting.

Nupela supamaket ia, em i stap long Modilon Rot na kampani i putim samting olsem K2.5 milion long wokim dispela supamaket.

Dispela kampani Andersons Pty Ltd em i bilong ol pipel bilong Is Niu Briten, Developmen Koporeisen is bosim.

Menesing Dairekta Paul Williams i tok nupela supamaket i soim olsem kampani i gat bikpela bilip long stap strong long Madang na givin sevis long ol pipel bilong Madang.

Em i tok: "Dispela em 11-pela yias nau Andersons i stap long Madang na mipela i laik stap moa yet."

Dispela nupela supamaket i gat planti moa spes long wok-about na luktuk long ol samting insait long stoa.

Insait tu i gat bekari, hap bilong salim ol samting olsem stov, wasing masin na ol samting bilong pawa, ples bilong alim ol nius-pepa, ol stesineri, hap

bilong salim ol mit, na kumu na prut.

Lika ban tu i stap na i gat holsel long hap tu. Dispela tupela hap i gat ol geit bilong ol yet.

Siti Pamesi tu stap insait long dispela supamaket wantaim wanpela he salon ol i kolim long Cut 'N' Curl.

Dispela supamaket tu i gat 7-pela hap sekaut kaunta na i gat wanwan opis bilong ol training, ol wok man na meri, ol menesa and wanpela men opis.

Mista Williams i tok kampani i wok long lukluk tu long mekim supamaket long Pot Mosbi i bikpela.

Tasol em i on tokaut tru long wanem taim wok bai stat long dispela na hamas moni vai go insait long dispeia wok.

Opening bilong nupela supamaket tu

• I go long Pes 17



MADANG
RURAL PRODUCTS
PTY LTD



Congratulates

*Andersons Foodland
on the opening of their
new supermarket in
Madang*



P.O. BOX 597, MADANG,
PAPUA NEW GUINEA

PHONE : 852 2794
FAX : 852 3046



Martin & Shirley Tsang

*"Congratulate
Andersons Foodland on the opening
of their new supermarket in
Madang"*

P.O. Box 19, Madang
Papua New Guinea.

Phone: 852 2428
Fax: 852 3016



Congratulations

to

Andersons Foodland Madang

on the opening of

your new

Supermarket



CARRER DEVELOPMENT SCHOOL OF MADANG

Congratulates
Andersons Foodland
for Opening their new shopping
complex in Madang.

CDS is proud to Associate with Andersons Foodland through staff Training & Development.

CDS SECOND SEMESTER COURSES STARTS THIS WEEK - **ACCOUNTING - COMPUTING & SECRETARIAL**

Be quick to secure your future.

THE PRINCIPAL
CAREER DEVELOPMENT SCHOOL
P.O. BOX 2155, MADANG, PHONE: 852 2607.

ANDERSON'S SUPA MAKET LONG MADANG

Andersons i gat gupela menesmen tim na trening program

ANDERSONS Foodland Pty Ltd i kamap wanpela bikpela bisnis insait long Papua Niugini bikos em i gat gupela menesmen tim na trening program bilong ol wok manmeri bilong em.

BARBARA MASIKE
i raitim

Na menesing dairekta Paul Williams i tok olsem kampani i tok dispela pasin bilong givim gupela trening

long ol wokman na meri bilong em i mas stap olgeta.

Em i tok olsem long olgeta yias i go pinis i kam inap nau, Andersons i wok hat tru long kisim ol kain gupela skul long givim long ol sinia wokman na meri bilong em.

Mista Williams i tok maski yu wanpela man bilong pulapim ol kaikai i go insait long ol plastik tasol, yu tu mas kisim skul long save gut na wokim gut wok bilong yu.

Opening bilong nupela supamakot long Madang i no narakain. Hia i gat samting olsem 65-wok man meri na

olgeta i save long wokim gut tru wok bilong ol.

Brens menesa Chris Woodman i hamamas tru long dispela nupela supamakot na taim Wantok i laik tok-tok long em, em i no bin gat planti taim.

Tasol em i tok; "Em 10-kilok nau na stoa i op nau tasol na mi mas hariap na go lukluk, samting olsem wan tausen pipel i stap long stoa."

Opis menesares Margaret Soagili husat i stap wok wantaim ol Andersons samting olsem 6-pela yias i tok em i hamamas tru bikos Madang nau gat nupela na bikpela supamakot.

Em i tok; "Mi yet tu mi blong Madang na mi hamamas tru olsem nau long Madang mipela i gat bikpela supamakot."

Misis Soagili i tok tu olsem em i hamamas tru wantaim wok bilong em na em i laik stap yet wantaim Andersons.

Siti Pamasu supastoa i op long Madang

...ples bilong kisim ID piksa tu i stap

SITI Pamasu long Madang i opim nupela stoa, ol i kolim supastoa, insait long nupela supamakot bilong ol Andersons Foodland.

Na dispela supastoa bai i gat wanpela nupela potosop tu we ol man i ken go na kisim ID piksa.

Pamasu tu i kirapim samting ol i kolim long kes na keru (Cash and Carry).

Jeneral Menesa bilong Siti Pamasu Troy Stubbings i tok dispela nupela supastoa em i gat ol planti kainkain samting moa long ol

narapela stoa bilong ol olsem na ol i kolim long supastoa.

Mista Stubbings i tok Pamasu i bin kisim tingting long lusim olpela spes bilong ol wantaim ol Steamships bikos em i bin liklik tumas..

Mista Stubbings i tok Madang i no gat hap bilong kisim ol ID piksa olsem na mipela i kisim wanpela polaroid kamera bilong kisim piksa na tu i gat masin bilong mekim ol wok pemit, ID piksa na ol visa.


Long dispela kes en keru ol man husat i

baim 6-pela o moa samting bai baim ol samting long liklik prais.

Mista Stubbings i tok dispela bai kamap na go yet na bai i no nap long pinis hariap.

Em i tok tu olsem Pamasu i gat planti moa kain kain samting olsem ol kosmetiks oli odaim i kam long Amerika, Australia na Inglan.

Siti Pamasu gat 9-pela brens long Pot Mosbi yet na 7-pela arapela long Lae, Goroka, Hagen, Madang, Lorengau, Kavieng na Buka.



• Piksa ia i soim ol kain samting i stap long Siti Pamasu long Madang.

Special offer nationwide for July only!

WIN with TELIKOM

Look... Telikom offers two options for "All Year Round" Telephone Convenience!

Simply choose an option, pay your cash up-front fee when you launch your application for Fixed Price Service and you have a telephone at your home, "All Year Round".

OFFER 1 - IKONOMI SERVICE

PAY K200 CASH UP-FRONT

| PAY CASH UP-FRONT | YOU SAVE | FREE CALL CREDITS | ANNUAL CALL CREDITS |
|-------------------|----------|-------------------|---------------------|
| K200 | K40 | K120 | K360 |

OFFER 2 - PNG-WIDE SERVICE

PAY K300 CASH UP-FRONT

| PAY CASH UP-FRONT | YOU SAVE | FREE CALL CREDITS | ANNUAL CALL CREDITS |
|-------------------|----------|-------------------|---------------------|
| K300 | K60 | K120 | K480 |

See these benefits:

- Free call credits
- Fixed Price means no budget clashes
- Annual call credit bonus at no extra charge
- No hassles from phone bill payments
- No wastage of call credits
- No disconnections from non-payment of accounts
- Local and STD calls from PNG-wide service
- Local calls only from Ikonomi service
- Unlimited incoming calls.....and more!

A Golden Opportunity for those who don't have a phone at home.

Visit your Telikom Business Office today and sign-up for your 'worry-free' telephone!

* Conditions apply



TELIKOM PNG
Now we're really talking!

Fixed price phone

COMPETITION

For KIMBE customers only!

You are invited to a Fixed Price draw... and you could be lucky to win prizes in phone call credits.

FIXED PRICE SERVICE DRAW 22nd AUGUST 1997

30 CHANCES TO WIN BONUS CALL CREDITS

PAY 200 IKONOMI SERVICE (Local calls only)

| WINNER CATEGORY | BONUS PRIZE | PAY CASH UP-FRONT | YOU SAVE | FREE CALL CREDITS | ANNUAL CALL CREDITS |
|-----------------|-------------|-------------------|----------|-------------------|---------------------|
| 1 - 5 | K200 | K200 | K40 | K120 | K560 |
| 6 - 15 | K150 | K200 | K40 | K120 | K510 |
| 16 - 30 | K100 | K200 | K40 | K120 | K460 |

PAY 300 PNG-WIDE SERVICE (Local & STD calls)

| WINNER CATEGORY | BONUS PRIZE | PAY CASH UP-FRONT | YOU SAVE | FREE CALL CREDITS | ANNUAL CALL CREDITS |
|-----------------|-------------|-------------------|----------|-------------------|---------------------|
| 1 - 5 | K200 | K300 | K60 | K120 | K680 |
| 6 - 15 | K150 | K300 | K60 | K120 | K630 |
| 16 - 30 | K100 | K300 | K60 | K120 | K580 |

CONDITIONS OF ENTRY

1. Cash up-front fee to be paid in full at the time of lodging application.
2. Application to be lodged in July or before 8th August, 1997.
3. All application for IKONOMI and PNG-wide service go into the same barrel.
4. Only thirty (30) winners to be drawn from the barrel.

Fixed Price Competition closes 8th August 1997

SCHOOL COLOURING COMPETITION DRAW 18th AUGUST 1997

Library books valued at K120 per school

plus other consolation prizes.

Participating community schools:

Gigo, Kimbe, Kalu
Mosa and Ruango.

For inquiries phone:
300 5556 or
300 5554

ANDERSON'S SUPA MAKET LONG MADANG

Baidal i go pas long wokim Andersons stua

BAIDAL kontrakta Pty Ltd, wanpela asples kampani i bin go pas long wokim dispela nupela Andersons stua long Madang.

Andersons i bin givim kontrak i go long dispela kampani long las yia na wok i bin go het long wokim dispela K2.5 milion stua.

Wanpela wok man long dispela kampani, em i no tok aut long nem bilong en, it bin tok olsem i bin kisim dispela kampani olsem 12-mun long wokim dispela stua. Long dispela taim Baidal i bin kisim 50-wokman long karim aut dispela bikpela wok.

Bikos wok i pinis nau ol pinisim sampela bilong ol dispela wok man.

Em i tok olsem i bin i gat wanpela narapela liklik kampani tu i bin wok bung wantaim ol

long sait bilong stretim ol waiya samting.

Dispela wokman i tokaut tu olsem dispela wok i bin inap long pinis kwik taim tasol i bin i gat sampela hevi we i bin banisim wok bilong ol.

Wanpela as i olsem sampela ol samting Baidal i bin baim long ovasis i no bin kam hariap olsem na i bin hat liklik long wok long go het hariap.

Wok bilong Baidal i pinis nau na dispela nupela stua i opim dua bilong ol long ol man na meri bilong Madang taun aste, Trinde Julai 9, 1997.

Dispela stua i bikpela moa long olupela stua bilong ol.

Nau bai ol man na meri bai i gat bikpela spes long wokabaut na tu dispela nupela stua bai i gat sampela moa nupela seksen we ol i no bin i gat pastaim.

Hea na biuti salon kamap long Madang

OL MANMERI bilong Madang husat i save laik stallim na katim he i gras narapela nupela salon - na bikpela tenkyu i mas go long Cut "N" Curl hea na biuti salon.

Long aste tasol taim Andersons Foodland i opim nupela supamakem bilong ol, ol pipel bilong Madang tu bai gat wanpela moa ples we ol i ken go long stallim gras bilong ol.

Cut "N" curl em i wanpela long tupela lain husat i kisim spes insait long nupela Andersons Foodland bilding. Narapela

tenan em long Siti Pamas.


Dispela salon i gat ol nupela ikwipmen i kam long ovasis na ol wokman long hia bai katim, stallim, releksim, pemim, kalarim na penim gras.

Ol wokman hia tu i ken sowim yu long lukatim skin bilong yu na putim mekap.

Cut "N" Curl He na Biuti Salon Pty Ltd i bin stat long Mt Hagen long yia 1982 olsem King na Kwin He Salon. Aninit long nupela bos bilong em, Salon i bin kamap bikpela long yia 1988 long Wamp Nga Haus long Hagen yet.



• Siti Pamas i gat nem long salim planti kain gutpela marasin yu ken baim taim yu sik.



MADANG INTERIM
PROVINCIAL GOVERNMENT AND THE
MADANG ADMINISTRATION

CONGRATULATES

THE ANDERSONS FOODLAND
ON ITS OFFICIAL OPENING OF
LARGEST SUPERMARKET
BRANCH IN MADANG.

THE GOVERNMENT OF MADANG
FURTHER COMMENDS ANDERSONS
FOODLAND FOR HAVING THE
FORSIGHT IN
INVESTING IN MADANG AND
CALLS ON OTHER POTENTIAL
INVESTORS TO DO LIKEWISE.





ROUND TEA BAGS

*Specially selected teas from the highlands of PNG,
blended to give a smooth and
satisfying cup of tea.*



Congratulates
Anderson's foodland
on opening of their new
supermarket in Madang.

*Proud producers of
the esteemed Kurumul
round Tea Bags winners
of "the new product
award" in the 1996 PNG
Made Trade Fair.*



WARREN PLANTATION (MT. HAGEN) PTY. LIMITED

P.O. Box 95, Mount Hagen
Papua New Guinea.
Telephone: 545 1335 Fax: 545 1239

ANDERSON'S SUPER MARKET LONG MADANG

Histori bilong Andersons long Papua Niugini.

1947- BISNIS i stat taim Alfred Anderson, man ol i save kolim tu long "sisis king bilong Australia" i kamap long Papua Niugini long statim bisnis bilong em long Rabaul, Is Niu Briten provins. Bihain long Wol Woa 2 em i statim wanpela haus mit long Malaguna Rot. Long dispela yia yet, Andersons i stat long salim mit i go long Lae wantaim wanpela frisa bilong ol ami long Busu wara.

1948- Andersons i stat long salim mit long Pot Mosbi. Kampani i yusim wanpela olupela bas we ol i i pulim kam insait long haba long ples nau paia stesin i stap.

1970- Andersons i kirapim wanpela supamak long Kamarere strit long Rabaul, Is Niu Briten provins.

1972- Andersons in kirapim narapela nupela supamak long Lae.

1976- Kampani i mekim sampela senis long supamak long Rabaul na em i bikpela moa.

1982- Is Niu Briten Developmen Kopresen, bisnis han bilong Is Niu Briten provinsel gavman in baim bisnis long Alfred Andersons.

1986- Andersons i kirapim supamak long Madang.

1987- Moa senis i kamap long supamak long Rabaul.

1988- Andersons i kam bek gen long Pot Mosbi olsem join vensa wantaim ol lain Is Niu Briten Supamakets na bisnis i stat long Jenueri 1988.

1989- kampani i lusim Boroko na kisim ples long Koki. Dispela supamak long Boroko i pas long 1990.

1990- Long mun Ogus, Andersons i winim wanpela intanesinel awod long gutpela wok bilong em.

1991- Nupela supamak i kirap long Koki.

1994- Wok i kirap long mekim nupela supamak long Rabaul tasol volkeno i pairap na olgeta wok i kisim bagarap.

1995- Long mun Septemba, wanpela liklik supamak i kirap long Malaguna gen.

Oktoba- kampani i kisim 100-pesen sea bilong Rabtrad Niugini na i wok nau long Rabaul, Kokopo, Lae na Madang.

Novemba- kampani i baim olupela Burns Philp Niuaian Traders na bisnis is stat long Kavieng.

1996- Wok i piriis long nupela supamak long Kokopo. Samting olsem K2 milion i go long dispela wok na K1.5 million i stap long stok.

1997- kampani i kirapim nupela supamak long Madang.



• Ol kona bilong stua bai pulap tu long ol samting bilong ol pikinini long pilai wantaim.

Anderson opim nupela super maket long Madang

• 1 kam long pes 13 makim 50-yias bilong Andersons insait long Papua Niugini.

Dispela bisnis i bin stat long 1947 taim wanpela man Alfred Andersons, man ol i save kolim "sisis king bilong Australia" i bin kam long Papua Niugini long statim dispela bisnis bilong em.

Bihain stret long taim namba tu Woa i pinis, Mista Anderson i go long Rabaul, Is Niu Briten provins na sanapim wanpela haus mit long Malaguna Rot. Long dispela yia yet, Andersons i wok long salim mit igo long Lae wantaim frisa bilong ol ami olsem long Busu wara.

Long yia 1948, Andersons i wok long salim mit long Pot Mosbi long wanpela olupela bas klostu long hap paia stesin istap nau.

Nambawan supamak bilong Andersons i bin kirap long yia 1970 long Kamarere strit long Rabaul yet.

Tupela yias i go pinis na Andersons i sanapim narapela supamak insait long Lae.

I kam inap nau Andersons in wok hat tru long sanapim ol supamak bilong em long olgeta hap bilong kantri.


Long dispela taim Andersons i gat supamak long Rabaul, Kokopo, Lae, Madang, Pot Mosbi, na Kavieng.

WR CARPENTER & CO. ESTATES

Congratulates

Anderson's Foodland on the opening of their new supermarket in Madang.

Proud producers of Sigr Coffee, National No. 1 Tea, Teapot Tea and Mt. Angalim Tea.



WR CARPENTER & CO. ESTATES,
PO BOX 94, MT HAGEN.
Tel : 542 2700, Fax : 542 1616




SAVECARD. USED IN MORE PLACES MORE OFTEN THAN ANY OTHER CARD.

This is our new SaveCard. Its new look reflects our brand new way of doing things at The Bank - modern, efficient and friendly.
With a SaveCard you can withdraw money from any of the PNGBC Automatic Telling Machines (ATMs) located allaround PNG. You can also shop at EFTPOS merchants without carrying cash.


If you have an existing SaveCard don't worry. It will still work the same and we'll soon replace it with the new SaveCard.
If you don't have a SaveCard then now is a great time to get one. Because you can use it in more places, more often than any othercard. Thanks SaveCard.





TOP 20

This Week!



| LW | T/W | SONG | ARTIST |
|----|-----|-----------------------|-----------------|
| 1 | 1 | ACTING YANG | WALI HITS |
| 4 | 2 | AZZIMBAH | AZZIMBAH |
| 3 | 3 | A DAUE | WALI HIT |
| 2 | 4 | LULU | QUAKES |
| 10 | 5 | OPERESSEN RAUSIM KWIK | K PINERI |
| 8 | 6 | SHERRY | S. SEREVI |
| 5 | 7 | MANU AFAI HIMENE | LAURENT DEGACHE |
| 9 | 8 | MERI WALI | WALI HITS |
| 6 | 9 | ANGEL MANGAS | JUNIOR KOPEX |
| 7 | 10 | IA LYNETTE | LEONARD KANIA |
| 13 | 11 | TAMATA | QUAKES |
| 15 | 12 | GIA BOX I BAGARAP | WILLIE TROPU |
| 18 | 13 | NIPSCO | JR MOLACHAS |
| 11 | 14 | DESI | TELEK |
| 12 | 15 | KULLUNGI | JUNIOR KOPEX |
| 17 | 16 | MERI DOI | C. KUSKUS |
| 14 | 17 | KAKAUL | KANAI PINERI |
| 19 | 18 | ERA BINI TU | KABANI |
| 16 | 19 | KEPOKO | TARIKANA |
| 0 | 20 | STAP SORE | URALOM KANIA |



PNG FM PTY LTD
Trading as
NAU FM and YUMI FM
P.O. Box 774,
Port Moresby
Papua New Guinea
Ph: (675) 320 1996
Fax: (675) 320 1995

Resa mangi, Mandawali redi long kambek gen wantaim pawa

....em rekotim namba-5 album wantaim Pacific Gold Studio

OL YANGPELA manmeri husat i save skin kirap long harim Sepik disko musik bai i no inap lus tingting long nek bilong Christian Mandawali.

JAMES KILA i raitim
Dispela stail man bilong Maramba viles long hap bilong Sepik wara i gat wanpela pawa nek stret we i sap tru na i ken kukim stret lewa bilong planti manmeri taim musik bilong em i pairap.

Yes, Mandawali i stat rekotim pinis wanpela nupela kaset bilong em, we bai kamap long sampela taim long dispela yia.

Mandawali i tok taitol bilong dispela nupela kaset bilong em "Maramba 5-past 1". Mining bilong dispela tok em olsem wanpela man tasol (Mandawali) i rekotim pinis 5-pela kaset wantaim Pacific Gold Studio.

Mandawali i redim planti ol gutpela singsing pinis we i ken kirapim laik bilong ol manmeri stret taim ol i gat tingting long hatim skin na danis.

Em i tok tu olsem em i senisim tru stail bilong musik long dispela nupela kaset na karai bilong en bai gutpela tru long harim.

Song Mandawali i tok bai i gat kik stret em Namangawi. Dispela song bagaros i singim long wanpela strong-pela tokples bilong Sepik wara stret na i gat olgeta marasin bilong kirapim skin stret. Narapela ol song em Singambe, Sepik Boi na tum-buna singsing Kokore.

Mandawali i stori olsem dispela song Singambe i stori long laip long ples. Em i bin raitim dispela song taim boi i sindaun arere long wara Sepik na lukim ol pisin i palai na ol manmeri i ron long kanu na tu laipstail bilong ol pipel long Sepik wara.

"Mi raitim dispela song na traim long tok klia long olgeta yangpela manmeri bilong Sepik olsem, i gat planti gutpela laip i stap long ples na ol yangpela i mas noken lus tingting long go long ples," Em i tok.

Mandawali i tok dispela namba-5 kaset em las kaset bilong em insait long kontrak em i sainim wantaim Pacific Gold. Tasol em i tok, nau yet em i no mekim tingting bilong em long sainim gen kontrol o go rekot wantaim narapela ol studio.

Mandawali i bin stat rekot wantaim Pacific Gold long Rabaul long 1988, na dispela kaset bilong em i soim stret strong bilong en insait long PNG musik na boi i winim



• Christian Mandawali redim pinis kaset bilong em olsem na putim yau tasol long harim stail bilong em. *Poto: James Kila.*

lewa bilong planti manmeri insait long kantri. Insait long dispela kaset i gat ol Sori Lewa, Kikimo Sorone, Aiyo Prisilla na planti gutpela moa.

Namba tu kaset bilong Mandawali em Tat Namo. Bihain long em Mandawali i rekotim volium 3 bilong em, we. Namba-4 kaset bilong i gat taitel ya "Kolim em Kajan" em i rekotim long 1995.

Ol yangpela husat i bin stap raun long Wewak long

ol yia insait long 1980s, ating bai tingim yet dispela sot-kik man, Mandawali.

Yes, Christian i bin pinis komyuniti skul long St Marys, Wirui. Bihain long em boi i go long Brandi Haikul.

Boi i bin stat musik taim em i liklik yet, tasol em i kamapim nem bilong em long singsing taim em i joinim Ron Isi Tieta grup long Wewak. Dispela ol lain grup i save pilai ekt raun long soim gutpela sindaun, helt, edukesin na ol narapela pilai insait long Is Sepik.

Nek bilong Mandawali i pairap fes taim tru long kaset taim boi i join wantaim Thumbs ben. Dispela taim ol i bin rekot wantaim Pacific Gold Studio long Rabaul.

Bihain long rekot wantaim dispela ben, Mandawali yet i traim go olsem solo taim em i go daun long rekotim namba wan kaset bilong em long Rabaul.

Mandawali i tok olsem em i lusim tasol nupela kaset bilong em long ol manmeri yet long skelim - bai i gat kik i nogat.



□ Kanage baim kalkai long maket pinis na em wokabaut i go long haus. Long fran bilong em, wanpela man i wokabaut i go pas. Kanage i wokabaut na tingting long ol swit memori bilong em na gelpren bilong em long Goroka. Kanage wokabaut i go long wanpela ka i ron i kam abrusim Kanage na go pas. Beksait long ka i gat tripela yangpela meri Papua i sindaun long en. Taim tripela meri ya i lukim narapela man i wokabaut i go pas, ol i tromoi han long man ya. Taim Kanage i lukim olsem em i ting ol meri ya i tromoi han long em na em kirap na bikmaus long ol olsem, "aiya, swit darling o, yupela kalkai mi na mi kalkai yupela ya". Turangu man long fran ya i harim na em sem nogut tru bikos em ol susa bilong em na ol i tromoi han long em, tasol Kanage i kirap pusim skin nating tru.

**Masta Wai
Spring Gaden Rot**

■ Kanage wantaim ol pren bilong i raun long bus long painim abus. Ol sindaun was long wara i stap na sampela yangpela boi bilong ples i wokabaut i kam long narapela sait. Olsem na ol pren bilong Kanage i lukim na i laik hait na mekim ol boi ya i kirap nogut. Tasol Kanage yet i no save long dispela plan bilong ol boi. Olsem na em sindaun long sait bilong wara na dri-man i stap.

I no longtaim, ol dispela lain manki i kam kamap klostu long hap Kanage i sindaun na wanpela pren bilong Kanage husat i bin hait i bikmaus long Kanage na tok, "hei, Kanage, ol i kam ya". Man tewel bilong Kanage i go pinis na em i no wet long lukim husat i kam. Kanage holim wanpela bikpela ston i stap klostu na tromoi i go stret na brukim het bilong wanpela boi bilong ol yet. Olgeta man i kamaut long bus na klinim blut long het bilong ol ya. Ol i hatim Kanage nogut tru na tokim em, "inap yu lukluk gut na save long man pastaim orait yu tromoi ston". Tasol samting tru em Kanage i pret na kirap nogut na kamapim dispela bagarap.

Elish Lutip
Lae

□ Kanage i kirap long bet long moning na kam ausait. Long nait Kanage i bin slip wantaim anda pens nating. Long moning taim, em i no tingim long werim trausis na em kirap kanage ol peri long tebol na givim siksti i go aut long baim spia rol. Kanage ron long rot i go long stua na ol man-meri i sindaun long haus bilong ol i lukim Kanage na ol bikmaus na lap indai nabaut. Tasol Kanage i ting olsem em wokim stail na ol mameri i lap olsem na em i kilim skin moa yet long ron na stailim ron bilong em. Taim em kamap long stua, stuakipa lukim em na tok, "yu karim masin gan raun long moning long hensapim stua kipa o wanem?". Taim Kanage lukim i go daun em sem pipia stret olsem em i no werim wanpela trausis. Isi tasol бага ros rives na givim siksti i go daun gen long haus. Olgeta manmeri i lukim na kilim skin moa yet long lap indai.

**Bonny Gilu
Para
Morobe provins**

■ Kanage raun long gaden na tait nogut tru. Long apinun em i kamap long haus na i go pundaun stret long bet. Em slip indai i stap na pikinini bilong em i kam na pilai pilai na pulim mausgras bilong Kanage i stap. Kanage pilim na ting swit daling bilong em i laik slip tu na em laik pilai wantaim em. Kanage tanim isi tasol na holim pasim pikinini bilong em na kis long maus bilong boi bilong em strong tru. Man liklik boi i sotwin na singaut nogut tru. Taim Kanage opim ai na lukim olsem em smol boi bilong em, em belhat na singaut i go long misis bilong em olsem, "yu devol, yu ting yu salim risev pilai bilong yu ah?".

Kanage Spai
Goroka

Sikau kism meri Nakoko go antap long maunten

BIPO,
BIPO
tru
long



taim bilong ol
tumbuna insait
long Mamusi
eria long Pomio
distrik wanpela
man wantaim

famili bilong em i stap long ples ol kolim Huning Bubuna. Klostu long ples em wanpela bikpela maunten.

Dispela man em i gat wanpela pikinini meri nem bilong em Merry Makono. Ol i stap i go i go nau na wanpela tam papa mama na ol brata bilong em ol i go long gaden na yangpela meri em i stap. Na long san Sikau i go tasol pulim dispela yangpela meri na tupela i go antap long wanpela maunten we Sikau i save stap long en. Dispela maunten i go antap tru na het bilong em klostu kism klaut.

Orait mamapapa na ol brata bilong dispela meri i go bek long ples na pikinini meri bilong ol ino stap. Ol i save olsem Sikau i ronawe wantaim pikinini bilong ol.

Man papamama bilong dispela meri i wari nogut tru. Ol i wokim bikpela kaitai kilim pik na singautim olgeta pisin i go bung. Papa bilong dispela meri em i tok dispela kalkai hia em bai yupela i kalkai na mi laik bai yupela i go antap na kism pikinini bilong mi long Sikau. Olgeta man na meri na olgeta kainkain pisin i bung long as bilong dispela maunten na ol i salim wan wan pisin i go antap long dispela maunten.

Ol i salim balus i go i go i go na long namel em i sotwin na kambek. Ol i salim kokomo i go i go tasol long namel em i kambek. Ol i traim olgeta pisin bilong dispela graun i go antap tasol ol i no inap long winim dispela maunten.

Na flai em i tok bai traim.

Na tu flai i save olsem em i gat ol bukuk na ol samting bilong em sanap long baksait bilong em. I no dispela ol i pasim kundu long en, nogat. Namba tu bilong em dispela flai we i wokim pisa-laen kain olsem net bilong pulim pis long em. Kain olsem, tasol em wokim longpela nogut tru.

Em i putim long sait sait long maus bilong em. Na em i tokim olgeta pisin na olgeta manmeri olsem yupela olgeta sanap na lukluk bai mi traim. Taim flai i go em i kism tupela yelopela strongpela buai na em i karim i go wantaim em. Na em i tokim ol man olsem em bai flai go antap



na go insait long dispela hol.

Em i flai i go na taim em i go antap em i putim pislain i go kam namel long maunten. Ol man i sanap lukluk bihainim flai. Flai em i go yet na kamap long ples we ol pisin i save go na kambek long em.

Em go putim pislain i go i kam long dispela longpela maunten yet na ol man tu i sanap tamblo long as bilong maunten, na ol i lukim plai i lusim ples we ol pisin i save kambek long en.

Na em i go i go i go na klostu kamap antap long het bilong dispela maunten. I gat liklik hol olsem windua i stap long het bilong maunten. Flai i go insait stret long dispela ho.

Na ol man i no moa lukim em. Em nau flai i go kamap long ples bilong Sikau na dispela meri. Flai i go antap long wanpela diwai we em i sanap klostu long arere bilong haus bilong dispela meri. Flai i go antap na sanap antap long wanpela hap diwai.

Sikau i mekim save long wokim paia long gaden i stap taim meri i stap long haus. Sikau i singaut long wara na meri karim wara i go givim em. Bikos gaden bilong Sikau i stap arere long ples i no long taim Sikau singaut gen Makoko Hara Sive Hara Veo.

Olsem meri karim daka na buai i go long em. Meri i go givim em daka na buai pinis em kambek long haus. Nau flai toromoi wanpela

yalopela buai i go na meri Makoko em i lukim na em i tok kain buai olsem i stap klostu arere long haus bilong mipela.

Okei Sikau em i singaut gen Makoko Hara Sive Hara Veo kism daka na buai i go long en. Meri i kism olgeta samting, buai, daka, wara, simok olgeta samting em i kism na givim Sikau long en. Em i tok olgeta ol dispela samting em i kism kam bikos yu mekim mi les long singaut long ol dispela samting planti taim.

Meri i go bek long haus. Flai toromoi wanpela buai gen na meri i kism na lukluk strong. Em i laik lukluk antap em i lukim flai slip i stap antap. Flai i tok em i kam long kism em.

Meri hariap tasol igo na flai kism em na tupela go daun.

Flai wantaim meri i kam i kam na kamap klostu long as bilong maunten. Nau Sikau em i signaut Makoko Hara Sive Hara Veo. Em singaut olsem meri kism daka na buai i go.

Tasol no gat meri bikos em i go pinis long lain bilong em. Sikau singaut namba tu taim gen na meri i no bekim. Em i laik go long haus na meri ino stap.

**Briwo K. Awalesa
Viosepuna Ples
Mamusi No.1. Pomio distrik
Is Niu Britan provins.**

Mi sem bikos mi gat hevi long toktok long pablik

pela pipel tu wantaim wankain hevi i stap. Maski planti lain i save bungim dispela hevi, wan wan manmeri bai i no pilim gut tumas long en.

Ol dokta husat i gat save long dispela kain hevi i painimaut olsem ol hatwok lain i save bungim dispela hevi. Mipela i bilip olsem yu dispela kain man bikos yu bin wokim gut long skul na yu save pilaim ol spots pilai.

Ating wanpela hevi bilong yu em yu nogat gutpela malolo long wok na tingting bilong yu. Yu save gat taim wantaim famili bilong yu? Yu save gat ol arapela pipel i kam long haus bilong yu?

Taim wanpela man o meri i bisi tumas na i go kam long wok wantaim nogat malolo, bodi bilong em bai i bungim hevi. Ol sain i save kamap long ples klia long tokaut long dispela samting. Sampela pipel i save gat hetpen, sampela i gat bel i pen, ol arapela i bungim ol kain hevi na wanpela bilong ol em long maus i pilim hevi long toktok.

Wanpela rot we mipela i tokim yu long bihainim em long rilaks o stap isi, noken wari planti tasol painim wanpela gutpela buk na ritim. I no buk bilong wok tasol wanpela gutpela stori buk we taim yu rit tingting bilong yu bai i klia na yu stap isi.

Lukluk long wok program bilong yu na tingim, noken putim planti wok tumas long wanpela de. Famili bilong yu inap helpim yu long skelim wanem ol bikpela wok yu inap wokim pastaim.

Sampela taim ol grup olsem Laions na Roteri Klab i save ranim ol kos long helpim ol man long toktok long pablik. Moabeta yu kontekim wanpela long ol dispela grup na painaut sapos yu inap long stap insait long ol kain kos bilong ol. Gutpela rot bilong daunim pret bilong toktok long pablik em long toktok long pablik tasol. Na ol dispela kos bai i helpim yu tru long daunim hevi bilong yu.

LAIPLAIN

TOKSAVE

Salim ol hevi na wari bilong yu i kam long: Laipplain, PO Box 6047, Boroko.
Yu ken ringim mipela tu long telipon namba 326 0011. Mipela i no inap autim trupela nem bilong yu long hia.
Tasol taim yu rait long Laipplain, yu mas putim trupela nem na adres bilong yu, bai mipela ken bekim pas bilong yu.



DIA LAIPLAIN,
Taim mi stap long skul, mi no bin gat hevi long ol stadi bilong mi. Mi bin stap insait long ol gem pilai na mi amamas.
Long nau, mi save kism planti toksave long toktok long sampela pablik bung tasol mi save guria na wari. Long taim bilong mi long kirap na toktok, mi save bungim hevi long toktok. Na dispela i bagarapim tru nem na stail bilong mi. Mi sem long dispela samting i kamap long mi.

WOULD-BE SPEAKER

DIA PREN,
Man bai i no pilim gut long taim em i painim hevi long toktok na autim ol tingting bilong em. Pasin bilong bungim hevi long toktok na pasin bilong pret na guria i save mekim hevi i go nogut moa.
Long sampela taim em i helpim long slekim hevi taim yu save olsem i gat ol ara-



Nem: Peterson Egawi
Krismas: 25
Adres: Heba Business Group Komo P O Box 231, Mendi, SHP
Save Laikim: Raitim pas long penpren, ritim niuspepa, raun long arapela provins na kisim poto.

Nem: Jamika Hella
Krismas: 24
Adres: P O Box 731, Lae, MP
Save Laikim: Pilai gita, lukim muvi na televisen, go lotu, wokim gaden, helpim papamama, senisim poto na presen.

Nem: Pajiho Hingo
Krismas: 19
Adres: P O Box 361, Kainantu, EHP
Save Laikim: Pilai ragbi, go lotu, harim lokol musik, tokpilai, kukim kaikai na raun na lukim nupela ples.

Nem: Jack Kavi
Krismas: 19
Adres: C/- Theo Wangimak, P O Box 588, Kimbe, WNBP
Save Laikim: Pilai snuka, tokpilai, harim pop musik, painim pis long wara na pilai gita.

Nem: Thomas Nime
Krismas: 19
Adres: 'Buvussi SDA Church, P O Box 390, Kimbe, WNBP
Save Laikim: Harim pop musik, lukim televisen, tokpilai, harim PNG Top 20 musik program na serim samting.

Nem: Fuanee Isuru
Krismas: 19
Adres: Poliamba Pty Ltd-Nalik Division, P O Box 46, Kavieng, NIP
Save Laikim: Pilai soka, ritim niuspepa na raitim pas long ol penpren.

Nem: Charles Philip
Krismas: 18
Adres: Marangintz Village, Kaiapit District, Garam Community School, P O Box 550, Lae MP
Save Laikim: Pilai soka, harim gospel musik, go lotu, raitim pas na tokpilai.

Nem: Anton Kayukal
Krismas: 19
Adres: Wangbult Stores, P O Box 112, Tabubil WP
Save Laikim: Raun wantaim ol wanwok na wantok, harim lokol musik, Kalang Redio na lukim ragbi lig.

Nem: Dometila Kepas
Krismas: 16
Adres: Kasia Block, Hoskins, WNBP
Save Laikim: Raitim pas, ritim buk na niuspepa, tokpilai, senisim presen na na poto na harim lokol musik.

Nem: Lilla M Kaumara
Krismas: 17
Adres: Kasia Block, Hoskins, WNBP
Save Laikim: Go lotu, harim gospel musik, go long kruset, ritim Baibel, lainim nupela singsing na serim Baibel riting.

Nem: Stephanie Booker
Krismas: 20
Adres: C/- Stephen V Ampah, P O Box 2225, Ash-Town-Kumasi, Ghana West Africa
Save Laikim: Pilai tebol tenis, basketbal na hoki.

Hailans noken sanap long nambis

Dia Edita,
 Mi wanpela boi long hailans na mi laik autim bikpela tingting bilong mi i go long ol wantok hailans husat i stap raun long graun bilong ol nambis manmeri long Mosbi, Lae, Madang, Wewak, Rabaul na ol arapela moa.

Mi bin lukim long dispela yia 1997 nesenel ileksen, oloman, ol hailans tasol i laik winim ol asples nambis na sanap makim ol long haus palamen. Mi lukim olsem ol hailans lain i no pilai pilai. Planti lain tru i laik sanap resis long Mosbi na Lae siti na Madang tu wantaim. Tasol nau olgeta i go we?. Ol i lus nabaut pinis.

Yu mas save olsem ol asples nambis lain i no inap long givim vot long yu. Ol bai amamas long harim mauswara bilong yu na kaikai o dring long mani bilong yu. Tasol long putim X em bai nogat tru. Ol bai givim vot long ol

wantok bilong ol yet. Olsem na yu ken lukim olsem Bart Philemon i win gen long Lae. Na i no ol hailans nabaut husat i bin sanap long traim em. Long Madang tu yu ken lukim, ol asples Madang yet i rausim pinis Stanley Pii long Madang Open. Na long Mosbi tu yu ken lukim, ol nambis yet i rausim pinis David Unagi. Na planti hailans manmeri husat i traim i no i kisim wanpela sit.

Olsem na mi ting olsem, nogut yumi westim mani na strong bilong yumi nating long sanap resis long provins na graun bilong narapela man. Gutpela long yupela yet i go bek long asples provins na graun bilong yu yet na sanap resis long ileksen. Bikos long dispela hap, em ol brata susa na papamama na ol famili na gutpren bilong yu i save long yu. Na ol bai givim vot long yu.

Mi laik askim olgeta lain husat

i traim dispela ileksen 97 na i lus long i mas tingting gut nau na i no ken traim sanap gen long nesenel ileksen long yia 2002. Sapos yu save olsem yu no kisim wanpela gutpela namba, lusim tingting na sindaun isi. Nogut yu westim mani na strong bilong yu nating na taim narapela man i win, bai yu belhat na giman painim rot bilong komplem.

Yumi ol hailans pipel i mas sem nogut nau na noken sikirap long provins bilong narapela lain. Karim sem na kam bek long asples long hailans na yumi wokim gut rot bilong yu long sanap makim ol pipel bilong yu stret long narapela ileksen gen.

Em tasol komplem na lukluk bilong mi long dispela yia 1997 nesenel ileksen. Husat i laik bekim o egensim em laik na welkam tasol long mekim.

**Klua Gwambik
 Goroka**

Gavman sasim sevis long pipel

Dia Edita,
 Mi wanpela manki Wain long hap bilong Boana. Mi laik autim wari bilong mi i go long gavman bilong yumi tude. Long lukluk bilong mi gavman no moa tingting long pipel nau.

Bikpela tingting na lukluk bilong em long bisnis na pulim ol ovasis kampani tasol. Long haus palamen ol bai pulap long dis-

pela tasol. Ol i no toktok liklik long sindaun bilong yumi long ples na taun tude.

Plis gavman bilong yumi. Yu kisim mipela i go we nau? Haus sik em sevis bilong gavman tasol mipela bai baim bikpea moni na kisim marasin.

Sku! em sevis bilong gavman tasol mipela lusim bikpela moni gen na we stap gavman sevis i

go long pipel? Gen kisim 3 pesen sel takis long ol kaikai na ol samting bilong stau. Plis gavman yu rabisim mipela tru klostu bai yu lusim mipela long ples wasan nau.

Na bai mipela i dai nating.

**Samson Malakawa
 Gufin Viles
 Lae**

Sapos yu laik raitim pas i kam long Edita, rait long dispela adres:
 P.O. Box 1982,
 Boroko, NCD.

Gavman i no mekim gutpela disisen

Dia Edita,
 Mi wanpela manki long ples, mi laik autim wari bilong mi go long ol lida bilong dispela kantri olsem nau yet mi stap na harim olsem nogat mani ong ronim kantri.

Dispela gavman i mekim ol kain disisen we i ken pulim na paulim dispela kantri i go na narapela kantri bai ronim na lukautim.

PNG gavman mi ken tokim yu olsem yu noken tingim yu yet, mi no wanbel liklik long tok bilong yupela, ating olgeta manmeri ol wanbel long tok bilong yupela tasol mi nogat.

Yupela i no tingim laip bilong ol manmeri long dispela kantri mas yupela tingim yupela yet tasol na yupela mekim dispela tok.

Yupela no ken paulim ol pipel bilong dispela kantri. Tingim laip bilong ol man na ronim kantri gut. Mi no amamas long ol disisen bilong dispela gavman.

Larim neks yia 1997 papa Michael Somare yet mas sanap na ronim kantri gut. Mipela noken kamap olsem tinmit na tinpis, tingim mipela na ronim kantri gut.

Mi wanpela boi we mi no save amamas long lo bilong ol narapela kantri, kantri olsem Japan kisim mipela em bai yu mi kisim taim stret. Lo bilong kwin em yupela stret, sapos yumi i stap yet long dispela lo bilong graun.

Em tasol na husat i laik bekim em laik tasol.

**Boi Sandaun
 Vanimo**

Forum i mas kamap pastaim long makim ol Bogenvil lida

Dia Edita,
 Mi rait long autim tingting bilong mi long ol kendidet husat i laik resis long 1997 nesenel ileksen long foapela sits long Bougenvil rijenol sit na iletolet sits.

Mi laikim bai i mas i gat dibet namel long olgeta kendidet i sanap long kontestim Saut, Sentral na Not Bogenvil sit na rijenol sit.

Wanpela kendidet i mas toktok long 10 minits. Bogenvil Trensisenel Gavman i mas redim dispela dibet o toktok bilong autim tingting bilong ol long watpo ol i laik sanap long ileksen. Em i mas kamap wanpela de pastaim long taim ileksen i stat.

Mi ting dispela pasin i mas kamap bai ol pipel i ken luksave long wanem kain lida tru i laik sanap long ileksen. Na tu ol pipel i mas save long wanem kain tingting em ol dispela lida i gat long sevim ol pipel bilong Bogenvil na bikpela hevi nau i stap long provins.

Mipela ol pipel i les long makim nating ol lida husat i nogat trupela laik na tingting long stretim Bogenvil na ol pipel bilong em.

Olsem na dispela forum o dibet i ken soim aut ol lida we ol pipel yet i ken glasim gut na luksave long ol.

Em tasol tingting bilong mi na husat i laik bekim em laik tasol.

**Mokai Monson
 Kenigai village
 Buka Bougainville**

Mi painim brata

Dia Edita,
 Mi laik putim dispela toksave i go long ol pipel bilong Kavieng na helpim mi long painim brata bilong mi long Kavieng Nu Ailan provins. Nem bilong em Cindertely Yongaden na em bilong ples Inapnap viles insait long Laiagam distrik, Enga provins.

Bipo long 28 Desemba, 1982 em mas go long Kavieng na em no kam bek long pes na 14 yia i go pinis na mi painim brata bilong mi Cindertely na mi putim dispela toksave i go long Wantok.

Mi stap long ples na mi kam pinis long Mosbi na mi stap long Mosbi na mi painim brata bilong mi.

Wanem hap long Kavieng yu stap nau. Mi laik kam long Kavieng mi tasol mi no save long Kavieng na bai mi no kam long Kavieng na ol manmeri bilong Kavieng. Yupela mas save long dispela man long Kavieng insait long Nu Ailan provins. Yupela mas ring mi long dispela long telepon namba 3260176 o 3267404.

Stap long Mosbi yet mi kam long Mosbi na mi raitim pas i go long Wantok.

Brata yu stap long wanem hap long Papua Niugini. Sapos yu stap long Kavieng bai yu raitim pas i kam long dispela edres P.O. Box 2535, BOROKO.

**Jacob Waiakall
 Mosbi**

Politisen mas wok stret

Dia Edita
 Mi laik bringim kamap dispela tingting bilong mi i no wanbel long ol politisen i save mekim.

Planti taim tru bai ol politisen i toktok long raun bilong kantri i go olsem wanem tru: Bikpela bikpela toktok bai ol i mekim i olsem kantri i bagarap pinis na i no ron i go gut tumas. I gutpela long toktok na givim klia tingting long ol pipel bilong kantri long luksave long wanem samting i kamap. Tasol i no gutpela tru long i no save long rot na we bilong stretim ol dispela hevi.

Sapos olgeta taim ol politisen i mekim dispela kain toktok mi pret long wanem i gat narapela rot i stap. Sapos ol politisen i no inap mekim orait i gat narapela ol politisen i stap na gavman bilong ol.

Sapos hevi i stap long ples, provins, rijen na kantri na i nogat ol politisen long stretim tude, tumora na amaspela yia kantri bai i stap bai i olsem wanem? Mining bilong politisen long stretim hevi sapos i nogat orait tingting bilong yumi i mas i stap long helpim yumi yet tasol. Plis bekim bek long Edita.

**Philip Amatus
 Vanimo, SDP**




WANTOK PABLIK NOTIS

Sapo yu laik advertais, telepon 325 2500 na askim long

Miri Alori Ext. 214
Jeffrey Malton Ext. 215
Jack Mahuru Ext. 217

TOK SORI

MENESMEN NA STAF
LONG WORD PUBLISHING
COMPANY PTY. LTD.
I LAIK TOK SORI LONG
Leit Mr. Jack Kutal



HUSAT I BIN DAI
LONG HONIARA
LONG MANDE, JULY 7, 1997.

NA TU,
SALIM TOK SORI I GO LONG
MERI NA PIKININI NA FAMILI
BILONG EM.



Toksave i go long olgeta memba bilong Evanselikal Lutheran Sios bilong Papua Niugini (ELC-PNG).

Nau em taim bilong Julai ken na long dispela taim long Julai 12 yumi save lotu na amamas long ELC-PNG DE.

Long dispela de yumi save tingim taim namba wan misinari i bin kam long Papua Niugini long Julai 12, long yia 1886. Dispela yia em wan handret na elevan yia nau, Julai 12 long dispela yia em i Sarere olsem na ol i putim lotu i go long Sande Julai 13.

Long dispela de ofa bai i go stret long nesenol opis long karim wok Gutnius. Olgeta memba i ken tingim dispela de na redi gut long en, bai yumi i ken lukim hamas mani i ken kamap long dispela de long karim wok Gutnius.

Tingim God i givim yumi olgeta samting na bikpela samting tru, Em i salim Pikinini bilong em yet long baim bek yumi. Olsem na amamas bilong yumi na bilip bilong yumi i mas karim sios bilong yumi.

Sampela wokman bilong ELC-PNG Nesenol Opis long Lae bai i kam long ol arapela senta na toktok long yupela. Plis yupela i go kisim ol olsem brata na harim ol toktok bilong ol na stadi ol bai givim.


Dispela toksave i kam long ELC-PNG komiti.

God i blesim yupela.!

Dispela Niuspepa, **Independent, Wantok na PNG Business**

i ken kamap olsem mausman bilong yu long olgeta kain kain
Nius, Advetaisen na spot.

BAIM WANPELA TETE, NA YU YET LUKIM!



OL NIUSPEPA BILONG YUMI

Phone: **325 2500**

Fax: **325 2579**

Tok tok spot wantaim Watson Gabana

Riwo bai kirapim das long nesinel volibal sempionsip long Madang

OL TOK tok bilong kain kain spot long dispela wik.

PNG SPOT FEDERESEN:

Papua Niugini spot federesen na nesinel olipiks komiti i bin pasim tok long givim tri yia sponsasip i go long tupela biknem boksa bilong yumi, Howard Gereao na Lynch Ipera. PNGSF na NOC i givim pinis K2 150 long wan wan bilong tupela long go skul na trening long Australia aninit long lukaut bilong wanpela kosa bilong yumi.

Sekreteri Jenerel bilong PNGSF, John Dawanicura i bin tokim ol niusman olsem, ol kamap wantaim dispela rot bai helpim wanpela spot tasol long winim gol medel.

Aninit long dispela progrem, tupela boksa bilong yumi tu bai i gat sans long i go trening aninit long lukaut bilong ol biknem kosa bilong Cuba long Saut Amerika.

Long sem taim, PNGSF i kisim pinis US\$75,000 long Sydney Olympiks komiti long redim ol tim bilong 2000 olympiks.

ETLETIKS:

Sevenpela junia etlets bilong yumi lusim kantri long Tunde na i go long Fiji long pilai insait long Osenia anda 18 sempionsip. Tripela meri na foapela bois i go long Fiji wantaim kosa Peter Aglua. Dispela sevenpela manmeri em: sprinta, Helen Philemon, Della Marava na 400 mita rana Anthonia Urakupa. Ol manki em: sprinta, Gilbert Kamilus na Paulson Gebo. long-jampa Tita Bayu na hai-jampa John Sipo.

BASKETBAL:

Wewak i redim olgeta samting pinis long holim Momase rijinel basketbal sempionsip tasol ol i no save hamaspela tim tru bai kamap. Lae, wanpela bikpela senta bilong Momase rijen i no inap kamap long dispela sempionsip, bikos ol i no statim lokel kompetisen bilong ol yet. Presiden bilong Wewak basketbal asosiesen, Terence Moka i bin tok olsem ol tim long Madang, Vanimo, Ramu Suka, Markham, Morobe Kantri, Mare, Bogia, Manam na Manus i soim pinis laik long kamap long dispela tonamen.

Wills (PNG) em i mein sponsa bilong dispela tonamen na em bai givim moa long K6000 long ranim. Dispela tonamen bai stap long Julai 18-20.

SOKA:

LFA soka fil bai pulap long manmeri long Julai 23-27 taim olgeta pikinini Buang i stap nabaut long kantri bai bung long pilai insait long Buang futbol sempionsip. moa long 30-pela tim i soim laik pinis long pilai insait long dispela taim. Sampela manki Buang save stap nabaut long kantri i kamap pinis long Lae na redi olgeta samting i stap. Morobe Spot ofis i givim pinis K1000 long ronim dispela faiv de tonamen.

Long dispela taim, ol kain bikman olsem, memba bilong Bulolo, Samson Napo, edministreta bilong Morobe, Ainea Sengero na Lae siti atoriti siaman, Allan McLay bai kamap long opim dispela tonamen. Tupela bikpela kampani i soim laik pinis long sponsarim dispela gem tasol i no tokaut ples klia yet.

MADANG bai bosim 1997 Mirinda Nesenol Volibal Sempionsip na bai kamap long dei namba 18 igo inap long 22 Julai, 1997 na olgeta pilai bai kamap long Laiwaden Oval. Klostu long 23 tims i givim pinis nem bilong ol long pilai insait long dispela sempionsip na ol bai kam long olgeta hap bilong kantri wantaim ol bilong Bogainville.

Nau yet presiden bilong Madang Amateur Volibal Association Mr Camilian Faumar wantaim ol ofisel bilong em i wok long go het long redim ol ples bilong pilai na klostu bai olgeta samting i redi long pinis bilong dispela wik.

Long sait bilong Madang yet ol redim tupela tim long pilai na makim provins. Dispela tim em Madang taun tim na Madang Kantri em ol lain husait i save pilai long ples Riwo.

Man husait i go pas long kirapim dispela asosiesen Steven Kadam tok em i redim

pinis wanpela strongpela skwat tru bilong ol man na meri long pilai na ol sambai tasol long brukim bun wantaim ol bikpela senta olsem Mosbi, Lae na ol lain bilong Makam.

Long skwat bilong em i gat wanwan ol pilaia i bin stap o makim pinis Madang sait long Nesenol sempionsip tasol planti bilong ol em ol mangi bilong ples na em bai namba wan taim bilong ol long pilai insait long bikpela gem. Steven i tok i no isi long kamapim trupela asosiesen long kantri sait na bringim i go insait long bikpela gem bikos bikpela samting em moni. Yu mas i gat moni bilong rejisterim asosiesen pastaim long nesinel bodi bipo yu pilai long sempionship.

Long dispela as Steven ibin painim spouse na raitim pilai pas igo long ol binis haus long Madang tasol ino gat wanpela helpim ikam. Dispela ino stopim em na ol lain pilaia bilong em long painim moni na em ibin

askim wanpela liklik NGO oganesen na ol i bin givim wanpela wok kontrol na dispela tasol ibin helpim ol na paim K300 affiliasen fees bilong o igo long Nesenol Bodi

Long redim ol skwat tu i no isi bikos nau yet ol i nogat kosa wantaim trenna na Steven yet lusim tingting na save bilong em long trenim ol skwat. Helpim i kam long sinia pilai Hans Angmai, man husait i gat ekspiriens long pilai insait long bikpela gem.

Skwat memba bilong Madang kantri em:

- MAN**
Hans ngmai (Kapten)
Felix Moi (V/Kapten)
Isack Marik
Samoa Awong
Masil
Ernesth
Albert Duad
Kisom
Edward Kominai

Smith Tamanabae
Mathew Tamanabae
MERI

- Anne Kadam (Kapten)
Lloord Galib (V/Kapten)
Eswin Andrew
Lilly Duad
Molpain
Lona
Jerry China
Carolyn Kurangik
Judy Miki
Christina lahe
Lona Nalau
Rebecca Louis

Long las meting bilong ol wantaim presiden bilong Madang Amateur Volibal Asosiesen, McCamilun Faumar, ol i makim em long i go pas long lukautim ples silip bilong ol outsait senta husat bai kam long nesinel sempionsip. Olsem na em i laik bai ol senta husat i laik painim ples bilong stap i mas toksave long em hariap.



• Taim Telikom lusim LFA na Lahi - tupela brata ya i no laik i go wantaim ol. Essa na Kwai, tupela brata bilong PNG Swipa, Gidix Nasa i stap yet wantaim nupela primia tim poro. Foto: Watson Gabana.

Ovasis Spot

SOKA:

AUSTRALIA rausim tiket bilong Nu Silan All Whites 2-0 long Parramatta Stadium long Sande nait insait long Osenia Wol kap kwalifaing fainel. Australia nau redi long pilaim wanpela tim bilong Esia husat kam namba foa ples bihain long pilai bilong olgeta Esian kantri long Oktoba. Long dispela Osenia salens, Australia i bin winim olgeta pilai bilong em. Em winim Nu Silan namba wan taim long Oklen 3-0. Olgeta skoa bilong Australia i olsem 5-0.

Kosa bilong Socceros na olpela intanesinel kosa bilong Inglen bipo, Terry Venables i bin amamas tru long dispela win bilong Australia tasol i no amamas tumas bikos, tupela top pilaia bilong em i no bin pilai. Tupela em straika bilong wan-

pela tim long Italy, Veduka na fulbek bilong Leeds Mark.

Long arapela wol kwalifaing gem, Argentina i bin dro wantaim Paraguay 1-1 long Saut Amerikan kantri salens.

Intanesinel soka pilaia bilong Brazil, Juninho sainim nupela kontrak pinis wantaim Atletico Madrid, wanpela tim bilong Spain. Madrid baim Juninho moa long K30m. Juninho i bin pilai wantaim Middlesbrough tasol ol Totenhem i bin tok long baim em K25m. Em lusim ol Inklis klap na laik joinim Madrid bilong Spain.

BOKSING:

Biknem hevi weit sempion, Mike Tyson i no moa stap namba wan long wol nau. Bihain long em i bin kai kaim ia bilong Evander Holyfield, ol bik-

man bilong Etletiks yunion long Venesuela long Amerika i bin rausim namba wan posisen long em na givim i go long

Franz Botha bilong Saut Afrika.

BASKETBAL:

Planti manmeri i kisim bagarap long bodi na ol manmeri i brukim daun ol bikpela bikpela stua long Yugoslavia taim tim bilong ol i bin winim Italy 61-49 long Yuropian basketbal sempionsip long las wik. Ripot i tok olsem taim Yugoslavia i winim Italy, olgeta manmeri i lusim haus na singaut danis long strit. Ol brukim daun stua na kisim samting long laik long soim amamas bilong ol.

ETLETIKS:




Wilson Kipketer bilong Demark i brukim olpela rekot

bilong 800 mita resis, we Seb Coe bilong Briten i bin setim 16-pela yia i go pinis. Kipketer, husat i bin kamap long Kenya tasol ran aninit long nem bilong Demark i bin ran 1:41:73 sekens. Seb Coe bilong Briten i bin setim dispela rekot long Italy long 1981.

Wol sempion 100 mita rana, Donovan Bailey i no inap ran wantaim ol tim meit bilong em long Sarere long Stochhom Gren Mix long Norway bikos em i gat bagarap long lek masel bilong em. Donova sapos long ran long 4x100 mita wantaim ol tim bilong Canada tasol boss bilong em stapim em.

Donovan em i tu-taim wol 100 mita sempion bilong wol. Em i bin winim gol medel long Bcelona na Atlanta Olympiks.

WANTOK SPOT



INSAIT

Pot Mosbi Vipers mas winim olgeta gem bilong ol long gat sans long go insait long fainel.



Ol spot dro long pes 23



• Nesenel klap sempion bilong las yia, IC Fund Yunivesiti bai traim long winim bek taitel long dispela yia long Madang.

...Nesenel klap, anda 19 na Momase sempionsip olgeta laik kamap long Madang tasol

PNGFA i paul long husat bai holim ol tonamen

NESENEL KLAP SEMPIONSIP:

Papua Niugini Futbol asosiesen (PNGFA) i wok long stretim tok tok yet long holim nesinel klap sempionsip long Madang na nesinel Anda 19 sempionsip long Kaiapit.

Presiden bilong PNGFA, Peter Mommers i bin tokaut long Tunde olsem em wok long tok tok wantaim ofisel bilong Madang soka asosiesen long

Madang bai hostim nesinel klap sempionsip. Pastaim long dispela, ol i bin makim Kokopo olsem ples bilong pilai tasol. Kokopo i no afiliat i go insait long PNGFA olsem na ol senisim ples i go i kam.

"Mipela wok long stretim tok tok wantaim Madang long ol i ken lukautim nesinel klap sempionsip," Mommers i tok. "Na anda 19 sempionsip bai stap long Kaiapit, sapos mipela stretim olgeta toktok wantaim ol ofisel long hap."

Nesinel klap sempionsip bai stap long Independens wiken, tasol long sem taim, Madang bai go pas long holim Momase

sempionsip.

Tonamen darekta bilong Momase rijen, John Peka i bin tok olsem sapos PNGFA laikim Madang long holim nesinel klap sempionsip, ol bai muvim Momase sempionsip i go wan wik bihain.

"Mipela bai rispekim disisen bilong PNGFA na skurim gem bilong mipela i go wan wik moa," John Peka i tok. "Tasol mipela i no amamas long kain pasin bilong ol (PNGFA), long senisim ples na taim i go i kam. Kalenda bilong mipela i stret. Tasol ol PNGFA i paul nabaut," John i tok.

Mommers i tokim Wantok Nius olsem, em kisim tok save long Paul Pondo long senis ol i bin mekim long ples bilong pilai. Madang husat sapos long holim Momase tonamen long Independens wiken bai skurim taim i bek.

ANDA 19 SEMPIONSIP:

Long anda 19 sempionsip, PNGFA i bin makim Vanimo olsem host senta. Tasol dispela pilai i no inap kamap long hap bikos Vanimo i no afiliat i go insait long PNGFA. Olsem na Mommers tok, ol wok

long stretim toktok yet wantaim Kaiapit long holim dispela tonamen. Dispela tonamen bai kamap long Disemba na bai pulim tim i kam long planti hap bilog kantri.

"Mipela bai stretim tok tok wantaim Kaiapit na tokim olgeta senta long ples bilong holim anda 19 sempionsip," Mommers i tok.

Long wanpela toksave i kam long namba tu presiden bilong Madang soka asosiesen, John Papi, ripot i tok, Madang bai lukautim dispela junia soka tonamen.

Papi i bin tokim Paulus Tali long Madang olsem, Madang bai go pas long lukautim anda 15 na 19 tonamen. Tasol PNGFA tok bai ol painim nupela ples bikos, Madang bai lukautim nesinel klap sempionsip.

MOMASE TONAMEN:

Moa long 15-pela tim i soim laik pinis long pilai insait long dispela tonamen. Ol bikman bilong Momase kap resis i bin pasim tok long holim dispela gem long Madang long Independens wiken. Tasol, bikos long nesinel klap gem long dispela sem taim, darekta bilong Momase, John

Peka i bin tokim Wantok nius long skurim taim i go wanpela wik bihain.

Nau yet, tonamen darekta i tok olsem, Morobe provins bai i gat eitpela tim, Madang faivpela, Is Sipik tri na Sandaun tupela. Em tok olgeta tim mas baim K250 fi bilong ol hariap long dispela akaut namba: Momase rijinel soka asosiesen, A/C No. 14 42640800-ANZ Bank Lae na salim resit i go hariap long Ludwig Peka o James Kabi long Lae Spot ofis.

Las dei bilong baim olgeta dispela fi em long Ogas 31. Long dispela tonamen, Lae futbol asosiesen na Lahi bai salim ol divelopmen skwat bilong ol i go.

Bipela smuk kampani, Wills (PNG) bai stap olsem mein sponsa bilong dispela tonamen.

HAILENS RIJINOL TONAMEN:


Mommers tok olsem moa long eitpela tim bilong hailens rijen bai bung long Kundiawa long hailens rijinel sempionsip long namel bilong mun Ogas. Em tok, ol tim bai kam long Wabag, Goroka, Hagen, Mendi, Tari, Pogera na Simbu.



CAMBRIDGE *Rugbi Lig Nius*

Vipers mas winim olgeta gem bilong ol ...

**Sapos ol
laik stap
long
tainel**



Insait

Pes 2: Banz
lig stat gen
bihain long
ileksen

Pes 4-5:
Sidni lig
nius



CAMBRIDGE



Vipers mas winim foapela pilai bilong ol long stap insait long fainel



• David Buko painim poro bilong em hariap bipo long ol birua kam long em.

REDCLIFF Dolphins i bin bagarapim tru sindaun bilong Coca Cola Vipers 32-18 long las wik Sande long Lyold Robson ovel insait long namba 14 gem bilong Kwinslen Sanel 9 kompetisen.

Vipers mas winim olgeta foapela pilai bilong ol sapos ol laik stap insait long fainel. Nau yet ol stap namba 10 ples long lata wantaim 14 pions.

Ol i bin pilai gut tru i kam na traim long winim olgeta asples pilai bilong ol tasol dispela i no bin karim kaikai long las wik Sande.

Ol traipela traipela fowet bilong Redcliff i bin mekim nois klostu klostu long kompaun bilong Vipers i go na kam wantaim faivpela trai.

Vipers i bin putim tripela trai tasol. Kain ol strongpela ran bilong

kepten Peter Robinson na gutpela gutpela masta main kik bilong em i putim Dolphins i go pas wantaim 20-2 skoa lain long fes hav.

Ol Vipers i bin isi isi long ran i kam antap long bungim birua. Dispela i givim ol turis bilong Australia inap taim long kam strong long kompaun bilong Vipers na putim dispela ol trai.

Long sampela taim insait long pilai, ol Vipers i bin isi isi tru long ran i go bek. Dispela i mekim isi wei long ol Redcliff pilaia long kam na winim graun,

**WATSON
GABANA
i raitim**

Kepten bilong vipers, Kera Ngaffin i bin putim kamap gutpela pilai na mekim sampela strongpela ran.

Em i bin ran hariap i go antap long bungim ol birua na traim long stapim ol bipo long ol kam na kisim graun.

Tasol hatwok bilong em i bin wara nating bikos em i no bin kisim sapot long ol wan pilaia bilong em.

Ol pilaia i bin sanap na lukluk tasol long man husat karim bal na ran i go long kompaun bilong ol birua.

Taim ol kam bek long malolo, ol pait strong tru. Ngaffin na fulbek, David Buko i bin mekim sampela gutpela bal wok tasol hatwok bilong tupela i bin wara nating.

Ol arapela pilaia i no traim long sapotim ol. I no longtaim, tupela mekim olsem i go na salim winga Lipirin Palangat i go tas daun long trai lain bilong ol Dolphins.

Stap liklik, Luk Waldiat i karapim trai lain gen long namba tu skoa bilong ol Vipers na kik bilong Aquila Emil i bin skurim skoa i go antap 14-20.

Tasol bihain long 20-pela minit bilong seken hav, ol Redcliff i bin kam bek strong tru long putim wanpela trai long han bilong faiv-eit

Anthony Singleton long skurim skoa i go antap long 26-14.

Bihain ol putim narapela skoa bilong ol long skurim namba i go moa long 32 pions. Tasol ol Vipers i pait bek isi isi na kamap wantaim tupela penalti gol.

Skora:

Redcliff 32 (R Ackerman 2, I Graham, S Leyden, A Singleton trai; Singleton 5, T Gould gol) Vipers 18 (L Palangat 2, L Waldiat trai; T Karu 2, A Emil gol).

"Banz lig kamap laip bihain long Ileksen" Kibo Crushers bagarapim sindaun bilong Souths

WOK BILONG ileksen 97 i bin bagarapim ragbi lig long Banz klostu faivpela wik olgata. Banz lig i bin dai bikos nogat sapota na ol tim i no bin kamap long fil long pilai. Tasol nau ileksen i pinis na ol maneri long Bans i painim amamas olsem na ol i kam bek gen na pulap long fil.

Long mein gem long Sande, Kibo Crushers, tim bilong ol mangi long ples Bunumwo aspels stret bilong ples wei ol i save wokim "Tea pot" ti i bagarapim sindaun bilong nupela tim bilong hapsait long wara Wagi, South.

Souths tu i wanpela tim we i gat wanpela sponsa, na em i kisim long WR Carpenters, em wanpela kompani i save wokim "National No-1 tea". Long Sande tim bilong tupela bikpela lipti kampani long Wagi Veli i kirapim das na brukim bun long Banz Ragbi fil tasol ol Kibo Crushers i strong liklik na winim Souths 15-8.

Bihain tasol long kik-ov samting olsem 4 minit insait long fes hav na referi i no amamas long wanpela pilai i kamap insait long 10 mita bilong Crushers. Em i givim penalti i go long Souths na senta bilong ol Luke Tom i painim stret namel bilong tupela gol pos na ol Souths

i go pas 2-0. Pilai i go i kam strong tru na i stap namel long fil tasol bihain long 15 minit mak kepten na seken rowa bilong Crushers i kamapim wanpela strongpela ran i go panim lain bilong Souths. Michael Kopi em i wanpela strongpela man na bihain tasol long wanpela gutpela beklain muv em i go slip antap long lain. Kik bilong em Paulus Du kikim gol tasol em i bin abrus. Nau ol Crushers i go pas 4-2. Bihain long dispela ol Souths i triaim long strongim banis bilong ol na salim skin long hap bilong Crushers. Kain pilai olsem faiv-eit Peter Taipod i yusim kainkain stail na trik bilong em, tasol nogat gutpela hat wok bilong emi no bin karim kaikai.

Ol Crushers ino slip i stap. Ol i strongim banis bilong ol na wetim tasol long wanpela mistek bai kamap na dispela i kamap long 35 minit. Bihain long wanpela gutpela skram win, bal i go i kam long han bilong foapela bek lain pilaia na insait senta Paulus Du i ran i go slip aninit long gol pos. Kik bilong em huka Vincent Kay kisim painim rot stret na ol Crushers i go antap moa long 10-2 na dispela skoa lain i stap i go hap taim.


Seken hap i wankain tasol long pes hap. Tru i bin i gat ol gutpela strongpela pilai i kamap tasol tupela sait wantaim i strongim

banis bilong tupela na pilai i kamap long namel bilong 60 minit mak, taim yangpela lok fowet bilong Crushers Toni Kusi i painim lain bilong Souths Mathew Meren husat i bin pilai strong tru i mekim wanpela gutpela ran i go slip long lain bilong Crushers.

Dispela kik husat senta John Winol kisim i go stret na ol i kam antap 14-8. Ol Souths i pilai strong tasol taim i wok long ron na long pinisim wok risev pilaia bilong Crushers i kikim wanpela fil gol long mak bilong fultaim na ol Crushers i bagarapim Sindaun bilong Souths 15-8. Skola: Souths Thompson Kaiming, John Komputa, John Winol, Patrick Sassi na Titus Erave Traim hat. Long Crushers Michael Kopi, James Upa, Ten Kusi, John Oxi, Vincent Kay, Michael Dumo na Paulus, du pilai strong long win bilong ol.

Long ol narapela pilai long Sande; Wests i nekim Divers 16-12. Ol Magani rausim trausis bilong Royals 28-0.

Long dispela taim yet wanpela opisel bilong wanpela klap, Pual Roksi husat i bin komplein taim ileksen i laik bagarapim lig long Banz i bin kam bek gen las wik Sande na i tok em i amamas olsem ileksen i pinis na ol man i wok long kam bek long Ragbi fil nau.



• Olpela pilaia bilong Lahanis helpim Royals long winim Lae Bisket Spiders insait long Lae ragbi lig resis las Sande.

Joe Ambane, wanpela strongpela pilaia bilong Goroka Lahanis long stat bilong dispela yia nau pilai wantaim MDC Royals. Ambane bilong Gembog insait long Simbu provins i bin mekim nem wantaim Goroka Lahanis. Tasol nau em kisim kliarens na pilai wantaim tim bilong ol plisman insait long Lae lig i stap. Wanpela nupela pes long Lae lig tasol dispela i no stapim em long pilai. Em save trening hat tru olgeta wik na kosa bilong em; Wesley Matawa i bin putim was long em olgeta dei.

Bipo long Ambane kam joinim ol plisman, em i bin stap pilai long Goroka wantaim Mutrus Panthers. Em i bin pilai wantaim lok fowet bilong Lahanis tete, Tai Onise na tupela i bin kamapim bikpela pret namel long sampela bikpela SP Inta-siti tims. Tasol em i bin lusim tim bilong em Panthers na kam joinim Royals long tupela mun i go pinis.

Em wok long pilai strong tru i stap na lik lik taim bai em mekim nem insait long Bombers. Poto na stori: Watson Gabana

Lig dispela wik

SP Inta-siti

Aninit long lukaut bilong nupela kosa, Madang Marlins i putim namba wan poin i go insait long buk bilong SP Inta-siti salens long dispela sisen.

Wanpela tim, husat i bin stat wantaim bikpela hevi long stat bilong dispela yia i no bin mekim gut long sisen.

Long sevepela raun, kosa bilong Marlins, John Jacob i bin trai hat tru long mekim ol manki bilong em putim sampela poin tasol dispela i no bin karim kai kai.

I stap inap tupela wik i go pinis, taim olpela Kumul pilaia na kosa bilong Westen hailens Kanges, Bobby Ako i kam na joinim ol.

Aninit long lukaut bilong Bobby, ol Marlins i bin pait strong tru wantaim Cowboys long Mosbi na klostu tru win.

Tasol sampela i tok, sik bilong refiri tasol na ol i bin lus.

Bobby i bin mekim wankain tok taim RLN i bin toktok wantaim em. Long dispela gem bilong raun eit, Cowboys i bin ranawe long maus bilong ol Marlins 21-20.

Tasol long raun nain, ol boi Madang i bin pait hat na kamap wantaim 18-18 dro wantaim Mendi Muruks.

Dispela i kirapim bek spirit bilong Madang tasol em i leit pinis.

Klostu faivpela gem i stap yet, ol Marlins i kisim pinis wan poin bilong ol aninit long lukaut bilong Bobby Ako.

Refiri

Long arapela SP Inta-siti ripot, tripela biknem pilaia bilong Eagles bai lukim ragbi lig judiseri bihain long raun eit gem bilong ol egensim Rabaul Guria.

Dispela tripela pilaia i bin tok nogutim refiri na traime long kirapim pait wantaim ol sapota bilong Guria. Wanpela bilong ol dispela pilaia em Kumul namba tu kepten, Max Tiri.

Tok i kam olsem, refiri husat sapos long refim gem i no bin kamap. Olsem na wanpela refiri bilong Rabaul yet, Richard Mathews i bin go pas long dispela taim.

Long wanpela leta bilong Mathews i go long PNGRFL, i tok ol pilaia na ofisel bilong Eagles i bin traime long kirapim pait wantaim em na ol.

Ripot i tok, refiri i bin stapim pilai 20-pela minit bipo long pinis. Refiri i bin mekim dispela, taim em tok tok wantaim tupela kepten.

Pasin bilong kros pait wantaim refiri i wok long kamap bikpela na sampela refiri i pasim tok pinis long lusim dispela wok.

Long wanpela sotpela toktok wantaim sampela refiri long Lae long wiken, ol i bin tokim RLN olsem, ol i bai stap long ranim ol tim husat i save kirapim pait wantaim ol.

Ol refiri long Lae tok, dispela pasin bilong tok nogutim na kirapim pait wantaim ol refiri i wok long kamap bikpela.

Olsem na ol askim PNGRFL long kamap wantaim sampela rot bilong traime na stapim dispela pasin.

Long las wik, mipela i bin stori long yupela long wanpela refiri husat ol sapota i bin paitim na brukim banis bilong em.

Long dispela wik, PNGRFL bai harim kot bilong tripela biknem pilai husat i bin statim pait wantaim refiri long Rabaul tupela wik i go pinis.

Ol refiri long Lae i no bin amamas taim ol harim stori bilong ol pilaia i wok long paitim ol refiri long bikpela gem olsem SP Inta-siti gems.

Ol pasim tok long bungim olgeta refiri bilong PNGRFL na stretim tok tok long wanem samting ol bai mekim sapos dispela hevi i go het yet.

Goroka lig paul nabaut

TAIM ragbi lig i wok long go het gut long planti senta, Goroka ragbi lig kompetisen i wok long kisim taim na paul nabaut.

SAPE METTA i raitim

Goroka ragbi lig asosisesen i afiliat wantaim PNGRFL husat i stap aninit long lukaut bilong Supa Lig. Long las wiken tupela senia gret tim i no bin kamap long Danny Leahy pilai graun na pilai. Tupela tim ya em kantri na Raiders. Dispela i soim hau ol tim insait long Goroka i no moa amamas long pilai ragbi.

Kantri i sapos long pilaim Brothers, tasol ol i no bin kamap wantaim ful 13 pilaia bilong ol. Dispela i helpim Brothers long kisim tupela isi kompetisen poin. Wankain pasin tu i bin kamap namel long Tigers na Raiders we Tigers i kisim tupela isi kompetisen poin tu. Dispela i bin

kamap bikos Raiders i no bin kamap wantaim wanpela tim long pilai egensim Tigers.

Mein gem long dispela de namel long Yunaited na Royals tu i no bin kamap na dispela i soim klia piksa olsem ol opisels bilong Goroka lig i no mekim wok bilong ol long oganisim gut ol kompetisen long olgeta wiken.

Foapela senia gret tim tasol i bin pilai. Magani i bin pilaim Nots na tupela i dro 6-6. Na Tarangau i bin winim Panthers 6-4.

Wanpela sinia refiri bilong Goroka lig husat i no laik tokaut long nem bilong em tok sapos ol opisels o menesmen bilong Goroka lig i no inap kamap wantaim gutpela tingting nau long ranim gut ol pilai long wiken, i luk olsem ragbi lig bai dai olgeta long Goroka.

Em i tok taim ol opisels i paul nabaut, dispela i afektim tu ol klap na pilaia. Na ol tu bai paul nabaut i go i kam. Taim ol

i mekim olsem, ol folowa na spektata tu bai long long nabaut, na kirap nogut ragbi long Goroka bai paul na long long nabaut, ria kirap nogut ragbi long Goroka bai dai olgeta.

Sinia refiri ya i tok bikos long ol dispela mismenesmen na paul pasin namel long ol Goroka lig opisels, tripela bikpela inta siti pilai we bai kamap long Goroka, bai i no inap kamap.

Salen we bai kamap namel long Goroka Lahanis na Mt Hagen Eagles long raun sapos long kamap long Goroka las wiken, tasol dispela gem PNGRFL i bin muvim i go antap long Kundiawa. As tru bilong muvim dispela gem em Goroka lig i no bin kamap wantaim gutpela ripot bilong ol geit tekings moni stat long dispela sisen.

Jenerol menesa bilong PNGRFL Martin Adamson i bin askim Goroka lig opisels na

Lahanis inta siti tim menesmen sapos ol i ken mekim K4,000 moa long geit tekings long taim bilong pilai namel long ol inta siti tim. Tasol ol opisels i no kamap wantaim gutpela bekim, na long dispela as Adamson i no wanbel na muvim tupela las inta siti pilai. Raun 12 na raun 14 go aut long Goroka na i luk olsem long dispela tupela raun pilai we sapos long kamap long Goroka, bai kamap long Lae. Long raun 12 Goroka Lahanis bai pilaim Cowboys na long raun 14 bai ol i pilaim Madang Marlins.

Sans bilong ol sapota, spektata na folowa bilong Lahanis bai kisim taim long wanem ol no inap lukim feveret inta siti tim bilong ol i pilai long asples bilong ol long Goroka long dispela sisen. Na dispela bai go moa bihain sapos ol opisal na menesmen i no inap mekim wok bilong ol gut long oganisim na ranim.

NRL trail gem long redim tim bilong pilaim Vipers



• Kepten bilong Vipers, Kera Ngaffin brukim difens bilong Redcliff na painim sapat long last wiken gem.

NESINEL ragbi lig bilong Papua Niugini i tokaut pinis long tupela tim bai pilai long Rabihamul ovel long Maut Hagen long Sande 27 Julai.

WATSON GABANA i raitim

Ol i bin kamap wantaim dispela tim long Nondugul long las mun. Bihain long dispela gem long Hagen, ol bai kamap gen wantaim wanpela strongpela tim makim NRL husat i bin pilai long Nondugul long pilaim selek sait bilong Morobe Kantri na Wau/Bulolo. Bihain long dispela pilaia egensim kombain tim bilong Morobe kantri na Wau/Bulolo, ol bai kamap gen wantaim arapela strongpela tim long pilaia wantaim Mosbi Coca Cola Vipers.

Dispela olgeta samting i wok long bihainim kalenda bilong NRL. Kalenda i tok ol tim

husat afiliat wantaim NRL i gat sans long pilai wantaim ol tim bilong ARL sampela taim long dispela yia.

Bihain tru, wanpela tim bilong PNG Palais bai i go pilai wantaim wanpela kombain tim bilong Kwinnslen na NSW residents tim long Australia.

Kwinnslen residents tim em ol pilai husat i save pilai long Kwinnslen Sanel 9 kompetisen we Vipers i save pilai long en. Na ol NSW residen tim em ol pilaia bilong Sydney Metropolitan kap na NSW kantri divisene sempionsip.

Ol pilaia bilong dispela gem bai kamap long Hagen long Trinde Julai 23, we ol bai luksave long ol ofisel bilong NRL long wanpela liklik pati. Bihain ol bai i go bek long tim bilong ol yet na i go kem inap long taim bilong pilai.

Olgeta tim husat ol i bin pikim ol mas ringim Paiaas Warima long telepon: 542 2855 na toksave wanem taim ol bai kam. Dispela tu bai helpim ol asples lain long stretim ples bilong slip. Wanpela pilaia husat i no toksave long ol inap long Julai 16 bai ol sensim em wantaim ol sedo pilaia.

Wanpela bikpela miting bilong NRL bai stap tu long Hagen long Sarere Julai 26. Ol bikman bilong NRL long olgeta senta mas ringim Warima long telepon namba stap antap na tok save long kam bilong ol.

Tim husat bai pilai long Rabihamul em: Posibels; Moses Iko (Nok), Kini Tani (Cen), Paul Gonaps (WHP), Axson Morara (WHP), John Nihute (Nok), Gabe Igo (Cen), Marue Veate (Cen), Michael Kale (Gum), Bernard Tatsin

(Nok), Aih Paru (Cen), Atu Isoi (Nok), Alan Tamati (Cen), Peter Danga (Nok), Giant Tore (Nok), Boundi Siwi (Non), Bebes Warima (WHP), Nick Aizuwe (Nok). Kosa John Kotu (Nok), Trena (Juniba Dalia (Cen), Menesa John Koimo (Non).

Propobels: Ova Nunu (cen), Pulmo Kis (Non), Noah Kool (Gum), Masa Kumiye (Non), Cooper Rumints (WHP), Dimbi Ongugo (WHP), Jack Gaima (Gum), John Okti (WHP), Gaudi Rei (Cen), Ravian Kapal (Non), Thomas Awi (Non), Jeffrey Kup (WHP), David Taiga (WHP), Den Mek (WHP), Goiye Waine (Non), David Sari (Nok), Paul Kas (WHP). Kosa Stiven Malum (Cen), Trena John Kerema (Nok), Menesa Peter Drak (WHP).

Andrew Ethinghausen

Cronulla Sutherland Sharks

LONG wanpela taim, tok i bin stap olsem long putim wanpela yangpela skul manki i go pilai insait long A-gret gem em i wankain olsem yu salim wanpela yangpela meme i go long haus bilong kilim na salim.

Tasol sapos yumi tok olsem, dispela i no tru long Andrew Ethinghausen. Em i bin wanpela yangpela skul manki wankain olsem ol arapela skul pikinini long taim bilong em tasol em i bin mekim nem insait long Australia. Long taim bilong em; em kam long trening o nogat, em mas pilai yet. Long olgeta taim, em save go long ples bilong trening wantaim skul yunifom o sampela taim, em save putim ragbi but bilong em wantaim ol buk bilong em long beg na kamap long trening.

Long 1983, dispela sempion Cronulla senta i bin wanpela arakain boi, husat i bin stap insait long skul yet na mekim nem wantaim sampela biknem Australia ragbi pilaia. Andrew i gat pawa, spit na strong bilong pilai ragbi.

Em i bin tokim ol olupela pilaia long we em i bin pilai olsem sapos yu fit long pilai, yu bikpela inap long pilai, Ethinghausen i bin mekim rot bilong arapela skul manki olsem; Brad Fidler, Tim Brasher and Adam Ritson.

Ethinghausen i bin pilai olsem wanpela strongpela na klewa manki taim em liklik manki yet. Kain pilai bilong em mekim na em i bin stap insait long 1982 - 1983 Australian skul bois tim wantaim ol kain pilaia olsem Jason Alchin, Greg Alexander, Tony Butterfield, Jeff Hardy and Paul Sironen.

Bihain long em i bin pilai namba wan fes A-gret gem bilong em, dispela yangpela manki bilong Cronulla De La Salle koles i senisim nem i go "ET". Dispela nem i bihainim tupela fes leta bilong nem bilong papa bilong em. Tasol planti manmeri i bilip olsem dispela nem em kisim bihain long ol lukim strongpela powa em i gat insait long pilai graun, "extra terrestrial".

Nem "ET" kam wanpela toktok bilong stret long Australia. Na taim em i gat 21-pela krismas, em kamap bikman bilong wanpela tim inap foapela yia long A-gret gem. Em i bin mekim nem long City na NSW tim na bihain i stap insait long tim bilong Australia.

Bihain, em joinim biknem man insait long maketing, Brian Walsh, planti manmeri i stat long save moa long Ethinghausen. Em kamap popula tru long ragbi na long maket taim em raun olsem promoti na maketing model bilong kampani.



| CAREER DETAILS | | | | |
|---------------------|------------|------------|----------|------------|
| | Games | Tries | Goals | Pts |
| Cronulla 1983-95 | 245 | 153 | — | 532 |
| Leeds 1986-88 | 41 | 30 | — | 120 |
| TOTAL | 286 | 183 | — | 652 |
| Reg career 1987-95 | | | | |
| City Firsts 1987 | 1 | 2 | — | 6 |
| City Origin 1988-95 | 8 | 4 | — | 16 |
| NSW (Brigh) 1987-95 | 25 | 7 | — | 25 |
| Australia (Tests) | 25 | 14 | — | 56 |
| Tony matches | 14 | 22 | — | 50 |
| v Rest of the World | 1 | 1 | — | 4 |
| TOTAL | 74 | 50 | — | 206 |
| GRAND TOTAL | | | | |
| All senior matches | 360 | 213 | — | 852 |

Tasol dispela i no daunim pilai bilong ET. Na olgeta taim krismas bilong em skurik i go antap, em kamap gutpela saveman bilong pilai.

Nau yet, ET i gat 31-pela krismas, tasol dispela i no stapim em long pilai ragbi. Krismas bilong em i no mekim wanpela samtang nogut long dispela man, husat planti manmeri i save olsem em wanpela biknem senta insait long ragbi tete.

Wantaim krismas kam save. Nau em tanim long skul manki i go kamap tisa insait long ragbi fil. Em lukim em yet olsem wanpela tisa bilong olgeta yangpela pilaia bilong Cronulla Sharks. Dispela i bin kamap tru long planti krismas i kam. ET i bin kamap olsem tisa bilong planti yangpela manki husat i bin kam joinim Sharks long taim bilong em.

"Mi bin traim long putim i go insait long ting ting bilong ol dispela pilaia olsem taim

bilong ol long pilai em sotpela taim tasol," ET i tok.

Wanpela taim yu bai nupela manki olgeta man bai toktok long yu. Tasol eitpela krismas bihain bai yu kirap nogut olsem taim bilong yu laik klostu pinis."

Tasol ET i amamas tru bikos taim bilong em long ragbi lig i moa long eitpela krismas na ting ting bilong ritaya i no kamap yet long ting ting bilong em.

Star P

SEAN GARLICK Roosters

Posisen: Huka.

D.O.B: Ogas 6 1969

Wok bilong yu: Pat-taim plis ofisa.

Hevi: 80kg. **Longpela:** 173cm.

Niknem: Boutrous - Ol manki i bin kolim mi olsem wanem bilong presiden bilong Yunaited nesin.

Wanem samting yu bin mekim taim yu liklik manki we yu no inap lus ting ting? Pilai ragbi baksait long haus.

Bikpela samting yu bin wokim insait long ragbi lig? Mi bin pilai olsem kepten bilong Roosters wanpela taim.

Taim yu liklik manki, yu save laikim husat? Siks milien dola man, Skippy na Greg Norman.

Yu gat sampela arapela bilip? Mi mas werim wankain su olgeta taim.

Laki taim bilong yu? Mi bin kam long East long 1994.

Bikpela birua tru: Steve Roach.

Wanem samting yu no inap lus ting ting long fes A-gret gem bilong yu? Mi bin pilai long Souths wantaim Penrith na ol i bin winim mipela wansait stret wantaim 40 poin.

Yu ting ting long mekim wanem taim yu pinis long ragbi? Mi tingting long kamap wanpela niusman.

Feveret TV soa: *Seinfeld*.

Feveret musik man: Elvis Presley.

Feveret muvi: *Shawshank Redemption*.

Meri yu save laikim: Meri bilong mi, Samantha.

Feveret ekta: Joe Pesci.

Feveret holide ples bilong yu: New York na New Orleans.

Yu save laik long mekim wanem taim yu no pilai ragbi? Mi wanpela kapenta, olsem na mi laik long wokim ol liklik wok baksait long haus. I no longtaim i go pinis, mi wokim wanpela liklik haus win bilong tupela pikinini boi bilong mi, Jackson na Bronson. Mi save laik tu long pilai gof.

Laspela buk yu bin ridim: *The Firm* - John Grisham i bin raitim.

Rabis pasin yu save mekim: Mi save painim hat long mekim disisen.

Yu save rileks olsem wanem: Mi save go long muvi na sampela taim pilai pilai wantaim tupela pikinini bilong mi.

Sapos, yu no yu, yu ting long kamap husat? Mel Gibson o Greg Norman.

Wanem samting i no wankain olsem las sisen insait long Roosters? Mipela i bin impruv long difens na Ivan Cleary nau kik gut tru. Mipela i wok bung wantaim long kamapim strongpel difens.


Husat i bin mekim bikpela influens long ragbi lig wok bilong yu? Papa bilong mi Terry.

Bai yu mekim wanem sapos yu gat 24 aua tasol long stap? Bai mi go holide long wanpela hap.





• Ol pilaia bilong Redcliff Dolphins bungim wanpela pilaia bilong Vipers.




• Ragbi lig eksen namel long Magani na Gerehu United.



• Inta-siti eksen namel long Bombers na Guria we ol i bin dro 20-20;



• Fulbek bilong Vipers David Buko salim bal long ausait senta bilong em.



ARL TEAMS FOR ROUND 15:

Teams for round 16 split round of Australian Rugby League premierships on July 12 and 13.

SATURDAY:

Western Suburbs v Balmain at Campbelltown Sports Ground (3pm).

MAGPIES: Andrew Leeds, Darren Willis, Ken McGuinness, Kevin McGuinness, Brett Hodgson, Adam Doyle, Steve Georgallis, Paul Langmack, Damian Kennedy, Bill Dunn, John Skandalis, Des Hasler, Harvey Howard. res: Darren Capovilla, Shayne McMenemy, Brett Taylor.

TIGERS: Tim Brasher, Michael Withers, William Kennedy, Greg Donaghey, James Langaloe, Michael Gillett, Adam Nable, Glenn Morrison, Ellery Hanley, Mark Stimson, Paul Sironen (c), Darren Senter, Shane Walker. res: Adam Starr, Mark O'Neill, Hudson Smith, Lalo Milford.

SUNDAY:

Newcastle v South Sydney at Marathon Stadium (3pm).

KNIGHTS: Robbie O'Davis, Darren Albert, Mark Hughes, Owen Craigie, Evan Cochrane, Matthew Johns, Leo Dynevor, Marc Glanville, Adam Muir, Bill Peden, Paul Harragon, Brett Clements, Tony Butterfield. res: Andrew Johns, Troy Fletcher, Scott Conley, Lee Jackson.

RABBITHOHS: Brendan O'Meara, Marty Moore, Scott Murray, Phil Howlett, Jeff Orford, Julian O'Neill, Darrell Trindall, Craig Simon, Terie Glassie, Darren Burns, Michael Ostini, Shannon Donato, Matt Parsons. res: Peter Stimson, Troy Slattery, Brett Gillard, David Penna.

ARL RESULTS COLLATED

ILLAWARRA 15 (T Barrett P McGregor tries G Air 2 D Moon goals T Barrett field goal) bt **NORTH SYDNEY 8** (B Dallas try J Taylor 2 goals) at WIN Stadium. Referee: E Ward. Crowd: 7,219.

MANLY 46 (T Hill 4 C Hancock 2 J Hopoate 2 D Moore S Menzies tries A Hunter 3 goals) bt **SOUTH QUEENSLAND 12** (A Moule N Sologinkin tries C Schiscofske 2 goals) at Brookvale. Referee: S Hampstead. Crowd: 5055.

BALMAIN 16 (M Withers G Morrison tries M Withers 4 goals) bt **SOUTH SYDNEY 2** (D Trindall goal). Referee: P Simpkins. Crowd: 6,528.

SATURDAY

PARRAMATTA 20 (E Navale 3 K Lovell S Collins tries) bt **WESTERN SUBURBS 18** (A Doyle P Langmack D Kennedy tries A Leeds 3 goals) at Parramatta Stadium. Referee: M Hewitt. Crowd: 15,372.

GOLD COAST 22 (M Bai S Russell M Bella J McKelleher tries B Hurst 3 goals) bt **ST GEORGE 14** (D Wagon A Bruncker D Rameka tries S Price goal) at Carrara Stadium. Referee: Kelvin Jeffes. Crowd: 10,738.

FRIDAY

NEWCASTLE 14 (R O'Davis L Dynevor tries L Dynevor 3 goals) drew with **SYDNEY CITY 14** (J Elsegood L Ricketson tries I Cleary 3 goals) at Marathon Stadium. Referee: D Manson. Crowd: 6562.

SUPER LEAGUE WORLD CLUB CHALLENGE TEAMS

Teams for round 15 on July 11, 12, 13 and 14.

FRIDAY:

Adelaide v Auckland at Adelaide Oval (7.30pm).

RAMS: Rod Maybon, Wayne Simonds, Solomon Kiri, Chris Quinn, Kurt Wrigley, Luke Williamson, Dean Schifilliti, Alan Cann, Kerrod Walters (c), Mark Corvo, Brett Galea, David Boughton, Cameron Blair. res: Andrew Hick, Steve Stone, Bruce Mamando, Michael Maguire.

WARRIORS: Anthony Swann, Sean Hoppe, Tea Ropati, Shane Endacott, Marc Ellis, Gene Ngamu, Stacey Jones, Logan Swann, Awen Guttenbiel, Stephen Kearney, Brady Malam, Syd Eru, Joe Vagana. res: Bryan Henare, Mark Horo, Aaron Whittaker, Lee Oudenryn.

SATURDAY:

Cronulla v Penrith at Shark Park (7.30pm).

SHARKS: David Peachey, Mat Rogers, Andrew Ettingshausen, Russell Richardson, Geoff Bell, Mitch Healey or Adam Dykes, Paul Green, Danny Lee, Dean Treister, Jason Stevens, Les Davidson, Chris McKenna, Tawera Nikau. res: Martin Lang, Craig Greenhill.

PANTHERS: Bobby Thompson, Peter Jorgensen, Ryan Girdler, Sid Domic, Robbie Beckett, Steve Carter, Craig Gower, Darren Brown, Duncan MacGillivray, Jody Gall, Matt Adamson, Danny Farrar, Brett Boyd. res: Tony Puleta, Phil Adamson, Jason Williams, Carl MacNamara.

SUNDAY:

North Queensland v Hunter at Stockland Stadium (2.30pm).

COWBOYS: Kris Tassell, Luke Phillips, Paul Bowman, Ray Mercy, Adam Warwick, John Doyle, Andrew Dunemann, John Lomax, Steve Walters, Ian Roberts, Owen Cunningham, Peter

Jones, Kyle Warren. Res: Glen Murphy, Martin Locke, John Skardon.

MARINERS: Gavin Thompson, Nick Zisti, Brad Godden, John Carlaw, Keith Beauchamp, Scott Hill, Noel Goldthorpe, Neil Piccinelli, Paul Marquet, Tony Iro, Tim Maddison, Robbie McCormack, Troy Stone. res: Kyle Swain, Willie Poching, Darrien Doherty, Robbie Ross, Kevin Iro.

Canterbury v Perth at Belfiore Sports Ground (2.30pm).

BULLDOGS: Rod Silva, Hazem El Masri, Matt Ryan, John Timu, Daryl Halligan, Glen Hughes, Barry Berrigan, Steve Price, Robert Mears, James Pickering, Robert Relf, Simon Gillies (c), Travis Norton. res: Darren Britt, Solomon Haumono, Shane Marteene.

REDS: Matt Geyer, John Wilshere, Greg Fleming, Chris Ryan, Tristan Brady-Smith, Scott Wilson, Matthew Rodwell, Jared Millar, Darren Higgins, Wayne Evans, Brett Green, Matthew Fuller, Robbie Kearns. res: Fred Sepatu, Peter Shiels.

MONDAY:

Canberra v Brisbane at Bruce Stadium (7.30pm).

RAIDERS: Ken Nagas, Noa Nadruku, Brett Mullins, Ruben Wiki, David Boyle or Jason Croker, Laurie Daley, Ricky Stuart (c), Bradley Clyde, David Furner, Ben Kennedy, Brett Hetherington, Luke Priddis, Quentin Pongia. res: David Westley, Jason Burnham, Luke Davico, Simon Woolford.

BRONCOS: Darren Lockyer, Michael Devere, Steve Renouf, Anthony Mundine, Wendell Sailor, Kevin Walters, Allan Langer (c), Darren Smith, Peter Ryan, Gordon Tallis, Brad Thorn, John Driscoll, Glenn Lazarus. res: Andrew Gee, Shane Webcke, John Plath, Tonie Carroll.

SP Inter City Draw

SP RESULTS Round 9

Warriors 46 defeated Cowboys 22
Eagles 34 defeated Lahans 24
Marlins 18 drew with Muruks 18
Bombers 20 drew with Gurias 20

| TEAM | P | W | D | L | F | A | PTS |
|----------|---|---|---|---|-----|-----|-----|
| Bombers | 9 | 6 | - | 3 | 191 | 128 | 12 |
| Warriors | 9 | 6 | - | 3 | 178 | 151 | 12 |
| Eagles | 9 | 5 | 1 | 3 | 156 | 139 | 11 |
| Lahans | 9 | 6 | - | 3 | 210 | 145 | 10 |
| Gurias | 9 | 4 | 1 | 4 | 119 | 108 | 9 |
| Muruks | 9 | 4 | 1 | 4 | 180 | 146 | 7 |
| Cowboys | 9 | 3 | - | 6 | 167 | 176 | 4 |
| Marlins | 9 | - | 1 | 8 | 104 | 310 | 1 |

Round Ten Draws (June 13)

Eagles v Cowboys (Mendi)
Muruks v Warriors (Mendi)
Bombers v Lahans (Lae)
Madang Marlins v Gurias (Lae)

LAE RUBGY LEAGUE SP CUP

Draws

Saturday 12 July

Outside ground

9.00 AM U17 JT Defence v Fairdeal Magani
10.00 U17 Panthers v Brothers
11.00 U17 Lae Biscuit spiders v Kt Morobe Tigers
12.00 U17 Lih Tarangau v MDC Royals

Inside ground

9.00 B Lae Bisket Spiders v KT Morobe Tigers
10.20 B Lih Tarangau v MDC Royals
11.40 B JT Defence v Fairdeal Magani
1.00 B Panthers v Brothers
2.30 B Lae Bisket Spiders v KT Morobe Tigers
4.00 B Lih Tarangau v MDC Royals

Sunday 13 July 1997

Outside ground

9.00 U19 Lae Biscuit Spiders v KT Morobe Tigers
10.00 U19 Lih Tarangau v MDC Royals

Inside ground

9.00 U19 JT Defence v Fairdeal Magani
10.00 U19 Panters v Brothers
12.30 U19 Panthes v Brothers
2.00 1/c Madang Maruns v Rabaul Gurias
3.30 1/c Lae Bombers v Goroka Lahans
Gate Fees
Adults K1.00
Kids K .50

ARL LEAGUE TABLES

FIRST GRADE

| | P | W | D | L | F | A | PTS |
|----------------|----|---|---|----|-----|-----|-----|
| Manly | 14 | 9 | 2 | 3 | 306 | 242 | 20 |
| Nth Sydney | 14 | 9 | 1 | 4 | 339 | 198 | 19 |
| Parramatta | 14 | 9 | - | 5 | 270 | 217 | 18 |
| Newcastle | 13 | 8 | - | 5 | 266 | 198 | 16 |
| Gold Coast | 14 | 7 | 1 | 6 | 279 | 272 | 15 |
| Sydney City | 14 | 7 | - | 7 | 292 | 241 | 14 |
| Western Subs | 14 | 7 | - | 7 | 212 | 215 | 14 |
| Illawarra | 14 | 5 | 3 | 6 | 246 | 234 | 13 |
| Balmain | 14 | 6 | - | 8 | 211 | 220 | 12 |
| St George | 14 | 6 | - | 8 | 214 | 260 | 12 |
| Sth Sydney | 13 | 4 | 1 | 8 | 205 | 360 | 9 |
| Sth Queensland | 14 | 2 | - | 12 | 205 | 388 | 4 |

Deferred game to play.

CLUB C'SHIP

| | 1ST | 2ND | U20 | PTS |
|----------------|-----|-----|-----|-----|
| Parramatta | 72 | 54 | 40 | 166 |
| Sydney City | 56 | 48 | 36 | 140 |
| Balmain | 48 | 48 | 40 | 136 |
| Gold Coast | 60 | 48 | 28 | 136 |
| Nth Sydney | 76 | 42 | 18 | 136 |
| Manly | 80 | 30 | 24 | 134 |
| St George | 48 | 60 | 20 | 128 |
| Illawarra | 52 | 39 | 26 | 117 |
| Western Subs | 56 | 21 | 32 | 109 |
| Newcastle | 64 | 30 | 14 | 108 |
| Sth Sydney | 36 | 27 | 34 | 97 |
| Sth Queensland | 16 | 51 | 16 | 83 |

First grade points multiplied by four.

Ladder after Round 13

| A Grade | P | W | D | L | PF | PA | Pts |
|-------------|----|---|---|---|-----|-----|-----|
| 1. Spiders | 13 | 9 | - | 4 | 307 | 197 | 18 |
| 2. Tarangau | 13 | 8 | - | 5 | 292 | 252 | 16 |
| 3. Royals | 13 | 7 | 1 | 5 | 283 | 253 | 15 |
| 4. Brothers | 13 | 7 | - | 6 | 251 | 257 | 14 |
| 5. Morobe | 13 | 6 | - | 7 | 268 | 279 | 12 |
| 6. Panthers | 13 | 5 | 1 | 7 | 280 | 296 | 11 |
| 7. Magani | 13 | 5 | - | 8 | 275 | 284 | 10 |
| 8. Defence | 13 | 3 | 2 | 8 | 200 | 338 | 8 |



Balilo noken refim gem bilong kauboais

WANPELA singaut i kam long ol pilaias bilong kepitol siti kauboais long noken larim inta - siti referi Collin Balilo long kontrolim ol inta - siti geim.

Dispela komplek i kam bihain long Balilo i go pas long geim namel long ol kauboais in Simbu Warriors long wik igo pinis.

Ol pilaias i tok olsem planti ol disisen bilong referi i no bihainim ol lo bilong ol geim olem na ol kauboais i lusim dispela geim.

"Sapos em i kontrolim geim gut, ating bai mipela i no inap long lusim dispela geim.

Em i wok long poret long ol sapota na i no kontrolim geim gut," wangepa pilaiia i tok.

Dispela pilaiia i tok planti. Taim ol Warriors i wokim bai takol tasol ref i no wokim wangepa ruling long dispela long narapela taim long namba faiv takol em i no tok long givim bal igo, em i wok long wokim skrum.


Wangepa narapela pilaiia i tok tu olsem dispela i no nambawan taim we dispela kain apsin i kamap we referi i no bihainim ol lo.

Long geim namel long ol hariap na kauboi, referi bilong i no snaap strong long sampela disisen bilong em i wokim na ol kauboais i los.

Ating em i moabeta sapos PNGR-FL i mekim nupela man long kisim ples bilong em. "Sampela gutpela tim i wok long lus long kam referi bilong em," em i tok.

Stori bilong pilaiia

- Name:** Greg Teine
- Krismas:** 29 yias
- Ples mama karim:** Kugai, Simbu provins
- Wok o nogat?** Prison opisa (woda)
- Marit o singel?** Marit na igat tripela pikinini
- Wanem kain gem yu save pilai?** Ragbi lig
- Yu save pilai wantaim wanem tim bip?** Tarangau, Tigers na Raiders long Simbu
- Klab nau yu pilaiia?** Pot Mosbi Tarangau
- Wanem posisen yu save pilai?** Prop na seken row
- Husait em i hatpela man long takolim?** Tuiyo Avei bilong Lahanis
- Husait em i gutpela pilaiia yu save laik pilai wantaim long fil?** Maima Kawage
- Yu bin makim Simbu na go pilai long sampela hap o nogat?** Simbu Warias 91 to 96 high-lands zone 1996
- Husait i gutpela kosa bilong yu?** Kabo Kamu
- Hobi?** Stori tok pilai wantaim ol poroman na holim wanwan bia bihain long pilai
- Feveret kaikai?** Mumu kaukau na kumu
- Feveret drink:** Kol wara
- Save laik mekim?** Wokim planti gaden
- Les long mekim?** Kros pait wantaim ol wantaok na tok about long pablik ples
- Taim yu winim gold lotto bai yu wokim wanem?** Wokim nupela haus, balus niupela kar na hap moni kisim ol famili 100 holide long midel Is.
- Sapotim Optus Kap tim?** New Castle Knights
- Feveret pilaiia?** Paul Haragon
- Bihain long 10-pela yia bai yu wokim wanem?** Kamap kosa o trena bilong klap nau mi pilai long em.



Lae lig laik divelopim ol yangpela pilaiia

LAE LIG RIPOT

LAE RAGBI lig i kik ov long namba tu raun na olgeta tim i pait strong long painim ples insait long top foa. Dispela i bin kamap ples kliia las wik taim ol klap i stap damblo long lata i bin mekim save long ol tim husat i wok long go pas.

WATSON GABANA
i raifim

Presiden bilong LRL, Gavin Ross i bin tok olsem, stail bilong pilai ragbi long Lae i bin sens olgeta. Em tok ol A-gret tim nau long Lae i pulap long yangpela yangpela manki, husat i gat spit na strong.

"Ol kosa na ofisel bilong wan wan klap nau lukluk long putim ol yangpela manki husat yusim ting ting bilong ol long salim bal i go i kam," Gavin i tok. "Ol i no laik putim wangepa man husat bai pilai kas kas insait long fil."

Dispela tok tok bilong em i no bin popai long las wiken. Olgeta eitpela tim husat i save pilai insait long LRL i bin gat ol yangpela yangpela manki tasol. Planti bilong ol dispela tim i no bin gat wangepa o sampela ekspirians pilaiia. Tasol taim ol i bin go insait long fil. Ol i bin mekim ol sapota i no sindaun gut. Ol putim kamap gutpela gem tru.

Wangepa bilong ol dispela gem i bin namel long Lae Bisket Spiders na MRDC Royals.

Ol yangpela blut bilong Papuan Kompaun olsem; Bill Kinsim, Timothy Paterson, Nick Named na Simai Moi. Ol dispela manki i bin mekim ol plisman i no bin sanap gut stat tasol long kik ov. Ol salim bal i go i kam na mekim nais long kompaun bilong Royals klostu klostu. Mekim olsem i go na triminitas tasol long kik ov, Timothy tas daun long trai lain bilong ol plisman long namba wan trai.

Tasol dispela i no bin stapim ol manki Bumbu bareks. Timothy i bin putim kamap wangepa gutpela gem tru long dispela apinun. Em pundaun long trai lain bilong ol birua tripela taim na putim ol manki

bilong em go pas wantaim 14-0 skoa lain long fes hav.

Tasol kain gutpela disaplin na harim tok bilong ol plisman i bin karim kaikai taim ol kam bek long namba tu hap. Ol kamap kain kain stail pilai long salim David Kunsap long lukim trai lain bilong ol manki Papuan Kompaun. Dispela trai i kirapim ai bilong ol Royals na kwik taim ol salim gen Sandi Kari long tas daun gen long namba tu trai bilong ol. Fulbeks bilong Junia Kumuls, Augustine Justine i painim gen trai lain bilong ol Spiders long levolim skoa long 14-14.

Long dispela taim i go, tupela tim wantaim i bin traim kain kain stail bilong painim trai lain bilong ol birua tasol i bin hat. Ol mekim olsem i go na Spiders i bin hariap long kamap wantaim wangepa trai. Ol gutpela kik bilong kepten Kinsim i helpim yangpela Timothy long kamap wantaim namba foa trai bilong em klostu long pinis bilong gem. Tasol dispela i no bin stapim ol plisman bilong Bumbu. Ol paia lait i go na yangpela Augustine i bin brukim difens na tas daun gen long levelim skoa gen long 20-20. I no longtaim, Augustine mekim wankain wok gen long pundaun antap long trai lain long pasim maus bilong ol yangpela blut bilong Papua Kompaun wantaim 24-20 skoa lain.

Kosa bilong Royals; Wesley Matawa i tok olsem, ol boi bilong em i no bin gat ekspirians long A-gret gems. Em tok, em yet i bin pilai stap tasol, ol ofisel bilong klap i bin tokim em long lukautim ol manki bilong em, olsem na em i bin kisim dispela wok. Dispela win bilong ol i bin putim tim blong em namba tu long LRL lata.

Long arapela gem long Sande, Tarangau i bin bagarapim tru sindaun bilong ol Morobe Tigers 30-10 bihain long ol i bin stap 0-10 long fes hap.

Presiden i bin tok olsem ol bai traim long divelopim ol yangpela long Lae long kisim ples bilong ol biknem pilaiia bilong kantri.

"Mipela bai traim long kamap wantaim sampela gutpela pila-

ia bilong dispela kantri," Gavin i tok. "Olsem na Lae lig i gat planti yangpela pilaiia insait long A-gret tim bilong em na tu insait long Bombers," em tok.

SP Inta-siti ripot bilong Lae

Madang Marlins i bin putim fes wan poin bilong ol i go insait long SP Inta-siti tebol taim ol i bin dro 18-18 wantaim las yia sempion, Spear Mendi Muruks. Na Lae City Bombers i bin dro 20-20 wantaim ol Island Spear Guria long Lae las wik Sande.

Madang Marlins, husat wok long stap las long lata i no laik kisim sem i go bek long Madang las wiken. Ol i bin kam bek strong tru long namba tu hap bilong pilai na pasim nek wantaim Muruks 18-18 long putim wan poin antap long lata bilong SP Inta-siti resis.

"Yumi brukim kiau pinis," nupela kosa bilong ol na olupela kumul pilaiia, Bobby Ako i bin tok taim em harim laspela wisel i bin kra. "Mipela sapos long brukim kiau las wik long Mosbi, tasol kain giaman bilong referi tasol na mipela i bin lus. Nau, ol manki Madang i brukim soim olsem mipela i ken mekim moa gutpela samting," Ako tok.


Long mein gem bilong dispela apinun, ol Rabaul Guria i bin kam long baksait tru long levolim skoa 20-20. Ol Bombers i bin opim dua wantaim foa poin na i go malolo wantaim 18-0 skoa lain. Tasol taim ol kam bek long seken hap, ol i no bin mekim planti gutpela samting. Ol larim Guria tas daun long trai lain bilong ol klostu klostu long levolim skoa. Tasol taim ol Bombers lukim olsem, ol traim long pait bek tasol, em i bin leit pinis. Wangepa penalti gol tasol long seken hav i bin stapim ol Bombers long lus long aspies bilong ol.

Kosa bilong Bombers, Joe Katsir i bin tok olsem, referi i no bin ranim gut dispela gem olsem na ol i bin dro. Em tok sapos referi i bin mekim gut disisen bilong em, ol inap win pinis. Tasol em tok, bai ol boi bilong em traim gen long arapela gems bilong ol.



SSH Stacks
DU
740
A2
W3
v. 1202

Wantok
SSH Stacks
UC San Diego
Received on: 07-23-97



UNIVERSITY OF PAPUA NEW GUINEA STREET 27 YA NAI

Ol memba i winim bek sia long Ileksen '97

| | | | | | | |
|---|--|---|---|--|--|---|
|  NCD Regional Bill Skate (PNC) 21,219 |  ENB Regional Francis Koimanrea (PDM) 23,516 |  Manus Regional Stephen Pokawin (MGA) 9,870 |  E/Sepik Regional Michael Somare (NA) 78, 257 |  Okapa Open Castan Maibawa (PPP) 3,330 |  Kompam Ambum John Pundari (Pangu) 4,839 |  New Ireland Regional Paul Tohan (PPP) 10,535 |
|  Lae Open Bart Philemon (NA) 1,924 |  Hagen Open Paul Pora (NP) 10,038 |  Rabaul Open John Kaputin (Ind) 1,733 |  Wewak Open Bernard Narokobi (MA) 5,487 |  Kokopo Open Sir Rabbie Namaliu (Pangu) 7,667 |  Mul/Baiyer Open Robert Nagle (Pangu) 3,801 |  Abau Open Kilroy Genia (Pangu) 4,783 |
|  Gazelle Open Nakikus Konga (Pangu) 12,815 |  Tambul/Nebilyer Vincent Auali (PDM) 9,329 |  Mendi Open Michael Nali (PPP) 8,301 |  Ialibu/Pangia Open Roy Yaki (PDM) 6,941 |  Markham Open Andrew Baing (PPP) 4,411 |  Komo/Magarima Open Alfred Kaiabe (PUP) 15,104 |  Kairuku Hiri Moi Avei (Pangu) 5,112 |
|  Lufa Open Mathias Karani (PPP) 3,733 |  Bulolo Open Samson Napo (Pangu) 3,563 |  Pomio Open Alois Koki (Ind) 4,147 |  Kabwum Open Ginson Soanu (PPP) 3,720 |  Finchhafen Open Yaip Avini (PPP) 1,367 |  Maprik Open Sir Peter Lus (Pangu) 5,139 |  Sohe Prof John Waiko (PAP) 5,139 |
|  Chuave Yauwe Riyong (PPP) 3,733 |  Wapenmanda Masket Iangalio (PPP) |  Alotau Open Iairo Lasaro (PDM) 3,033 |  Bogenvil Rijinol John Momis (MA) 7,632 |  Gulf Rijinol Chris Haiveta (Pangu) 8,010 |  Ijivitari Open Simon Kaumi (PNC) 2,632 |  Saut Bogenvil Michael Laimo (MA) 4,759 |

Ol 105 memba i winim pinis sia bilong ol na ol arapela 4 ol i kaunim yet

NATIONAL CAPITAL DISTRICT

NATIONAL CAPITAL DISTRICT ELECTORATE

125,296 voters

Table listing candidates and voters for National Capital District, including names like Mary Mase Sapak, Philomena Kassman, etc., and their respective party and votes.

Winner: Bill Skate

MORESBY SOUTH ELECTORATE

32,362 voters

Table listing candidates and voters for Moresby South Electorate, including names like Paul D Hage, Manu Geno, etc., and their respective party and votes.

Winner: Carol Kidu

MORESBY NORTH-WEST ELECTORATE

47,197 voters

Table listing candidates and voters for Moresby North-West Electorate, including names like John Wek, Laipen Wallen, etc., and their respective party and votes.

Table listing candidates and voters for Moresby North-East Electorate, including names like Dorothy Tekwin, Mekere Morauta, etc., and their respective party and votes.

Winner: Sir Mekere Morauta

MORESBY NORTH-EAST ELECTORATE

45,737 voters

Table listing candidates and voters for Moresby North-East Electorate, including names like Jack Wialu, Norman Walter Fernandes, etc., and their respective party and votes.

Winner: Philip Taku

CENTRAL PROVINCE

CENTRAL PROVINCIAL ELECTORATE

Table listing candidates and voters for Central Provincial Electorate, including names like Galeva Kwarara, Loius Mona, etc., and their respective party and votes.

Winner: Ted Diro

RIGO OPEN

Table listing candidates and voters for Rigo Open, including names like Gabriel Maroa, Mary J. Karo, etc., and their respective party and votes.

Winner: Dibara Yagabo

ABAU OPEN

Table listing candidates and voters for ABAU Open, including names like Matthew Marai, Desmond Tiara Baira, etc., and their respective party and votes.

Winner: Kilroy Genia

KAIRUKU-HIRI OPEN

Table listing candidates and voters for Kairuku-Hiri Open, including names like Paul A. Aisa, Pako Willie Peter, etc., and their respective party and votes.

Winner: Moi Avei

GOILALA OPEN

Table listing candidates and voters for Goilala Open, including names like Augustine Hilo Olei, Lamoro Katie Stephen, etc., and their respective party and votes.

Winner: Ajax Eleli Bia

GULF PROVINCE

GULF PROVINCIAL

Table listing candidates and voters for Gulf Provincial, including names like Gerard Avea Malaha, Gabriel Karahure, etc., and their respective party and votes.

Winner: Chris Haiveta

KEREMA OPEN ELECTORATE

Table listing candidates and voters for Kerema Open Electorate, including names like Susuve Samuel Turia, Karava Haiveta, etc., and their respective party and votes.

Winner: Tom Koraea

KIKORI OPEN ELECTORATE

Table listing candidates and voters for Kikori Open Electorate, including names like Tony Ila, Evara Horepa, etc., and their respective party and votes.

Winner: Kimave Riddler Dorobe

WESTERN PROVINCE

WESTERN PROVINCIAL ELECTORATE

Table listing candidates and voters for Western Provincial Electorate, including names like Alphonse S. Ruhi, Pius S. Fred, etc., and their respective party and votes.

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.